



## Universitätsbibliothek Paderborn

**R. P. Cornelii Hazart Societatis Iesv Theologi Discursus  
Morales In Selectiora Loca Genesis, Exodi, Levitici,  
Numerorum**

**Hazard, Cornelius**

**Antverpiæ, 1688**

Pars V. In Librum Numerorum.

[urn:nbn:de:hbz:466:1-52700](#)

ictus & vulnera , quia lapides vivi , qui spiritu Dei aguntur . Hos amat Deus , & dignos estimat qui sibi in sacrificijum offerantur , sicuti olim sibi offerri volebat capreas , quia agile & velocissimum animal .

## PARS V.

*In Librum Numerorum.*

## DISCURSUS I.

*Filiū Israël à monte Sinai profiscuntur in desertum Pharan.*

**C**Urrebat jam annus secundus quo filii *Israël* egressi fuerant de *Ægypto* , & annum integrum commorati fuerant in deserto *Sinai* , juxta montem ejusdem nominis , quando mensis secundo illius anni , vigesimā die mensis , ut ait Scriptura , movit se nubes (quę hactenus fuerat dux itineris) signumque dedit proficisciendi , & mox etiam cōperunt castra movere filii *Israël* , ut praeuntem se nubem sequerentur , quocumque illos ducet . *Profectiq; sunt* , inquit Scriptura , per turmas suas de deserto *Sinai* , & duxit illos nubes in solitudinem *Pharan* , quę à monte *Sinai* distabat undecim dierum itinere . Solitudinem , ut referunt ii qui illam lostrarunt , inviam , & inaquosam , sterilem , & inarabilem , nullis hominibus nec bestiis habitatam , prēruptis rupibus ac montibus asperam , & ardentissimam ob solis aestum , denique molestissimam pedibus propter præaltas arenas .

Hinc discimus in prosperis non insolescere , nec abuti beneficiis Dei ; omnia *Israëlitis* apud montem *Sinai* ex voto successerant , multo tempore illic quieverant , & in otio vixerant , securi ab hostibus , recreati præsentia Dei , qui illis in monte *Sinai* sub igne & nubibus , pœne duobus mensibus , apparuerat , vicerant hostes suos *Amalecitas* , quotidie pluebat illis panis de celo absque ullo labore , non arabant , non serebant , non metebant : Denique in plenis deliciis ; unde tam insolentes facti erant ut vitulum aureum fabricarent ad adorandum , & surgerent , inquit Scipio .

Scriptura, manducare, & bibere, & ludere. Hanc in prosperis insolentiam ac petulantiam ut compesceret Deus, duxit illos insolidinem ubi omnia deerant & herbæ, & segetes, & pascua, & bestiæ, omnia arida ac sterilia, & molestissima viae, ut per adversa discerent servire Deo, qui prosperitate seducti & abrepti, illum dereliquerant, nec agnoverant benefactorem suum.

Sic passim tolet agere Deus cum hominibus, quibus Deus *Beneficia* plena manu profudit quidquid desiderant, vel optant, & tamen *Dei saepe* deteriores sunt per beneficia Dei, dum per divitias suas sese *hominem* fundunt in quolibet genus deliciarum, per honores in insolentiā *deteriorē* contra quodlibet hominum genus; currunt ad sæculi vanitates sicut equus indomitus & effrænis, vel planè immemores *reddunt* Dei, vel memores interdum per transennam dumtaxat. Nihil aliud somniant, quam ut satisfacient concupiscentiis suis, quorum ingentem numerum hodieque videre est, præsertim in juventute, quæ maximam partem tanto impetu fertur ad conversationes quotidianas, ad lusus, ad comædias, ad tripudia, ad terendos lapides rhedis, ad quasvis oblectationes sensuales, etiam præeuntibus matribus domi ac foris, ut vix videatur esse Deus in templo, ubi audiant illum loquentem per concionatores, vel cum illo loquantur per orationem, aut si eo veniant, cor & caput mundo tam plenum habent, ut vel non intelligent quid concionatores dicant, vel si intelligunt, rident, vel indignantur si vanitates & dissoluta vita illorum taxetur: Si orandum, sunt, inquit *Salomon*, *sicut avis alio transvolans, & sicut passer quolibet vadens*, volant ab una cogitatione ad aliam, sicut avis ab uno ramo ad alium, & omne tempus quod impenditur Deo, præ tædio nimis longum videtur, interea dum tempus quod impenditur mundo, quantumvis longissimum, breve videtur.

Quid dicam? qui negaret corruptam hoc sæculo passim juventutem, aut cæcus est, aut ipsem cum mundo insanit.

Unde hæc dissolutio & insolentia? ex nimia prosperitate, dum enim omnia succedunt ex voto, nihil habent quod illos *prospeda* compescat. Cum omnia prospera eveniunt nobis, inquit *S. Thomas de Villanova, Serm. de Cosma & Damiano*, nimio torpore disolvimur: Non est devotio, non spiritus, non oratio, neque *fervor*, post vitia nostra effrænati imus in præcipitium: Quid ergo

ergo remedii à audiamus Davidem Psal.31. Nolite, inquit, fieri  
cū equus & mulus quibus non est intellectus. Audin' homines tam  
dissolutos & insolentes in prosperis comparat equo & mulo,  
quia nihil illis bestiis magis indomitum, si numquam passæ sint  
frænum.

Tunc vertit se David ad Deum, & ait: O Dominc, si vivant  
ut equus & mulus, rege eos ut illi reguntur: In camo & fræno  
maxillas eorum constringe: Si sint sine intellectu, dicit Propheta  
tuus Isaias: Vexatio dabit intellectum auditui: Qui enim in pro-  
peritate nimium insolescunt, & lasciviunt in sua abundantia,  
audiunt quidem & salubres monitiones, & reprehensiones,  
sed mente abrepti per levitates ac vanitates suas, non veniunt  
ad intellectum eorum quæ audiunt, neque conceptum formant;  
percipiunt quidem sonum verborum, sed nolunt intelligere sen-  
sum: Si ergo non ducantur ratione sicut equus & mulus, quid  
facto opus à hoc unum superest remedium, inquit David, ut  
Deus eorum maxillas constringat in camo & fræno, ut ita  
vexatione, inquit Isaias, quasi ex brutis homines fiant, & ac-  
cipiant intellectum, ut non jam simpliciter audiant, sed incipi-  
ant intelligere quæ audiunt, & qui prius in prosperitate non  
noverant Deum benefactorem suum, illum in adversitate cog-  
noscant, & exclamet cum Davide: Bonum mihi Domine quia hu-  
miliasti me, ut discam justificationes tuas. Ambulabam in desideriis  
animæ meæ, & dicebam in abundantia mea, non movebor; fræno  
indigebam, tu mihi Domine illud injecisti in medio cursus mei,  
humiliasti me per tribulationes, pupugisti me quasi calcaribus,  
& factus sum sicut jumentum apud te quod calcaribus & fræno com-  
pescitur: O quam hoc mihi fuit salubre ut redirem ad cor &  
intellectum, tuasque justificationes custodirem.

Vade ergo, inquit Salomon Ecclesiastis cap.11, vade, & latare juventi,  
& tu domicella, in adolescentia tua, & in bono sit cor tuum in diebus  
juventutis tue, & ambula in viis cordis tui, & in intuitu oculorum tuo-  
rum, evanesce in cogitationibus tuis, & forma tua, & in ornatu  
tuo, curre, discurre, salta, tripudia, comedere, bibe, lude, & dic: In  
flore ætatis sum, non prætereat flos ille temporis; utendum ei-  
dum datur: Sed respice finem.

Non diffiteor, aliquid indulgendum ætati, sed sunt qui ita se ef-  
fundunt in istas levitates ac consuetudines mundanas, ut minima  
sit

sit illis cura de Deo & anima: hoc indiget fræno & camo: Quod aliqua domicella tanto molimine ac sollicitudine multis prius diebus omnia paret ut ornata & compta compareat in aliquo tripudio publico, & vix horam impendat ut rite communicet, hoc indiget camo & fræno. Quod aliæ tanto ardore quotidie ferantur ad alias recreatiunculas, & lusum per horas, & vix patientiam habeant ut media hora interfint sacro vel concioni: Tu ipsemet vides quod hoc indigeat camo & fræno, hoc enim excedit mensuram: Quod aliæ totos dies impendant fabulis, vel lectioni futilem librorum, & numquam inspiciant unum librum spiritualem, naucent ad pios discursus, hoc indiget camo & fræno. Quod aliæ assidue inspiciant speculum ut se comant, & vix unquam serio inspiciant conscientiam ut mores suos emendent, vix unum Pater & Ave recitent dum surgunt, vel decumbunt: Proculdubio hoc eget camo & fræno, hoc enim est currere in vagum sicut equus & mulus: Adeoque nisi aliquando interveniat Deus, & istam licentiam atque insolentiam suo fræno compescat, numquam tales redigentur in ordinem, nec ad certam mensuram: Hoc est quod dicentem audio S. Thomam de Villanova: Si Deus, inquit, non infrænaret nos tribulationibus & flagellis, quo tenderet nostra licentia? numquam esset finis: Ubi Deus hoc videt, ipsemet finem imponit, & tribulationes immittit ut redeant ad mentem & Deum: Mala enim, inquit Gregorius, quæ nos hic premunt, ad Deum nos ire compellunt. Pericula ergo, inquit Glossa, eos Domine, nimium in prosperitate insolentes, quia non requirent te nisi in angustia.

Non habet ergo homo quod conqueratur, si Deus interdum in sua forma nimium evanescensibus aliquem morbum immittat, quo flos ille flaccescat; vel si abutentibus suis divitiis ad delicias ac vanitates, jaeturam aliquam immittat, ut illis alas incidat; vel si matribus nimium cum filiabus infantientibus, unam interdum eripiat, ut discat sapere; præstat enim formam, & divitias perire, & filiam mori, quam toties animam lædi, vel certè perire; alioquin nisi Deus aliquando tale frænum injiceret, nunquam saperent, & utinam saperent, etiam quando Deus illos tali fræno compesceret.

Sapuit filius prodigus: Cum enim materna bona sibi dari petisset à Patre, & hic multis verbis illum ab hoc proposito vellet divertere, sciens valde periculosem esse, & perditionem juventutis, illi fræna laxare, & nimium indulgere, nihil tamen obtinuit: Abiit

ergo cum multa pecunia petulans juvenis in Regionem longinquam, & ibi, instar equi indomiti, currit per omnia voluptratum genera, donec omnem suam substantiam dissipasset; tunc Deus illum conjecit in haram porcorum, ubi cum non haberet quod comedere nisi silicas, intolerabilem famem passus est, cum non haberet quo se tegeret nisi laceram vestem, nec calceos quos indueret, ac nudis pedibus incederet, ingens frigus sustinuit. Hoc fræna illi injecerat Deus, ut ipsius animum in prosperitate prius indomitum, miseriis cohiberet. Nec mora, per hoc reversus in se, configuit ad Deum; vexatio enim illi dederat intellectum ut viret sicut homo rationalis, qui prius fuerat sine intellectu sicut equus & mulus.

Sic etiam sapuit *Augustinus*, ut ipsemet testatur lib. 6, Conf. cap. 6. Cum enim juvenis effrænis, & quasi ebrius prosperitate, totum suum animum effunderet in omnes delicias, immemor Dei, subito illum Deus gravi ac letali morbo lecto affixit, atque ita compulit illum ad Deum redire. Hoc est quod ait *Hieronymus*: Providentia Dei, inquit, nobis accident malum, ne habeamus ea quæ cupimus, & variis hujus sæculi calamitatibus ad Deum redire cogamur. Tunc Deum cupimus cum alia nobis omnia desunt quæ cupiamus: Cum enim viderit quis se destitutum omni rerum humanarum praesidio, tunc ad Deum configuit.

Quod si non faciat, desperatum est: *Percusisti eos, Domine*, inquit *Ieremias* cap. 5, & non doluerunt, & noluerunt converti, ergo, inquit *Michæas* cap. 1: Desperata est plaga eorum, incurabilis est. Quid enim de te faciet Deus? si enim te statuat in prosperitate fugis ab eo, si immittat adversa, non redis ad illum: Ergo desperatus es.

Tales erant filii *Israël* omnia illis ex voto successerant dum juxta montem *Sinai* morarentur, & inde tam insolentes facti fuerant ut desererent Deum, & adorarent idola: Jam ducit illos in desertum ubi omnia deerant, ut hoc fræno illos ad se reduceret; sed frustra fuit, nunquam enim magis murmurarunt, & rebelles facti sunt quam tunc; quid ergo aliud ageret Deus, quam plagam immittere super plagam, ut brevi videbimus. Verum videamus prius quo ordine ex deserto *Sinai* processerint ad desertum *Pharaon*. 1. Nubes, quæ in omnibus viis illos præcesserat, & jam toto anno steterat supra Tabernaculum, elevata est ab Angelo, cœpitque se movere, ut signum daret profectionis: Paravit igitur se populus

2d

ad iter agendum. Tunc Sacerdotes cœperunt clangere tubis quas Deus iussicerat fieri ex argento: Et primo, inquit Scriptura, moverunt *castra* filii *Iuda* divisi in varias turmas, hos sequebantur filii *Gersón* & *Mari* cum plaustris quibus impositum erat quidquid spectabat ad Tabernaculum: Tertio loco procedebant tribus *Ruben*, *Simeon*, & *Gad*: Quarto loco tribus *Ephraim*, *Manasse*, & *Benjamin*: Extremam partem castrorum claudebant tribus *Dan*, *Aser*, & *Nephali*, omnes per turmas suas, & explicatis quatuor vexillis majoribus quæ singula habebant suas effigies: Vexillum *Iudee* habebat effigiem Leonis; *Ruben* effigiem hominis: *Ephraim* imaginem bovis: *Dan* imaginem aquilæ: Numerus autem filiorum *Israël*, inquit Scriptura, qui puerant ad bella procedere, erat, sexcenta tria millia virorum, quingentæ quinquaginta.

Arca vero Domini præcedebat tota castra, & cum in humeros illam portantium elevaretur dicebat *Moyses*: *Surge Domine, & dispergantur inimici tui, & fugiant qui oderunt te a facie tua.* Cum autem deponeretur ex humeris, aiebat, *Revertere Domine ad multitudinem exercitus Israël.*

Cum hoc ordine processissent per tres dies, mansit nubes dux itineris stans supra locum qui vocabatur *Haseroth*, & filii *Israël* illum ingressi sunt, ibique fixere tentoria.

## DISCURSUS II.

*Murmurat populus contra Deum & Moysen, & petit carnes.*

**V**ix desertum illud ingressi fuerant *Israelite* quando incœperunt murmurare contra Deum & *Moysen*. Quid ita? propter laborem, inquit Scriptura, & molestias quas passi fuerant in itinere: Erant enim defatigati, quia tres dies continuos cum parvulis, jumentis, & sarcinis, per vias difficiles & arenosas ambulaverant.

Ex hoc tædio mox aliud ortum est murmur, præsertim in vulgo, hoc est inter lixas, calones, & ejusmodi alios qui erant de foœce populi: Illi enim incœperunt clamare: *Quis dabis nobis carnes ad descendendum?* carnes volunt quia præ defatigatione defecerant vires. Recordamur, inquietabant, *piscium quos comedebamus in Ægypto gratit;* *In mentem nobis venient cucumeres, & pepones, porrique, & cape, & illa.*

Hinc

Hinc patet fuisse meram faciem populi quae murmurabat, utpote  
quae in Agypto vilissimos tantum cibos comederant, quales sunt,  
porri, capre & allia: Sed haec fax tantum potuit, ut secum in re-  
bellionem traheret etiam probos filios Israël, statim enim addit  
Scriptura, juncti sunt illis pariter filii Israël.

Hinc disce quid possit mala Societas, & quantum interfit qui  
huscum converseris.

Hoc clamat Scriptura, hoc Patres, hoc Ethnici, hoc omnes mo-  
ralis vita magistri, talem nempe te fore quales sunt socii quibuscum  
versaris & agis.

Hoc clamat Scriptura. Sic enim ait David Psal. 17: Cum Sanctus  
Sanctus eris, cum viro innocentia, innocens eris, & cum perverso per-  
vertieris.

2. Salomon Prov. cap. 13: Qui cum sapientibus graditur, sapiens erit,  
amicus stultorum similis efficietur.

Hoc clamant Patres. 1. D. Hieronymus ad Nepotian: Talis quisque  
censetur, qualis est cum quo versatur.

2. Gregorius Nazianzenus de Episcop. Quam celerrime tales evadi-  
mus quales sunt proximi nostri.

Hoc clamant Ethnici. 1. Philosophus Seneca lib. 3, de Ira: Sumun-  
tur, inquit, a conversantibus mores.

2. Plinius lib. 4 Epist. 27: Scias, inquit, unumquemque talem esse,  
quales ii sunt, cum quibus libenter conversatur.

3. Plutarchus lib. de Amicit. Talis eris, qualis conversatio, quam  
sequeris.

Igitur certa est haec consequentia: Si conversaris cum bonis,  
eris bonus, si cum malis, eris malus.

Clare patet haec consequentia ex innumeris exemplis. Pauca  
pro multis sufficient.

Prodeat primum in scenam Petrus Apostolus. Primo illum vi-  
deo conversantem cum Christo in societate aliorum Apostolorum,  
tunc nihil illo ferventius, nihil firmius in fide, nihil religiosius. In-  
terrogat Christus: Quem dicunt homines esse filium hominis? Solus Pe-  
trus respondet: Tu es Christus filius Dei vivi. Ingens fides! accedit  
ad eum Christus ut lavet pedes ejus. Domine, inquit, tu mihi leua  
pedes & non lavabis in eternum. Quanta humilitas! Prædictus Christus  
in cena fore ut omnes Apostoli se derelinquant: Non ego, inquit  
Petrus, etiam si oportuerit me mori tecum, non te negabo; Quid istud  
homi-

homine ferventius? irruit in Christum integra militum cohors ut illum vinciant: Stringit gladium Petrus, totique se cohorti opponit ut Christum defendat: Quid animosius? tam Sanctus erat Petrus quando conversabatur cum Sanctis. Postea video illum sedentem inter ministros Cayphae, homines impios, blasphemos, & ad singula pene verba jurantes, video illum agentem cum una alterave ancilla, mulierculis impudentibus, & audio illum æque strenue blasphemantem atque jurantem quam milites, audio illum dicentem quod Christum non nosset, non novi hominem istum, æque impudens factus atque ancillæ. Quænam est hæc tanta mutatio? hoc est, quod Scriptura dicit: *Cum Sancto Sanctus eris, & cum perverso perversus es.* Hoc est quod ajunt Patres & Ethnici: Talis eris quales ii sunt quibuscum conversaris. Sanctus erat Petrus inter Apostolos, improbus fit inter improbos milites, & impudens inter impudentes ancillulas.

Alterum habemus exemplum in Iudeis: Erant illi captivi in Babylonie, ubi inter se, & cum Prophetis agentes, quotidie, ut inquit Hugo Cardinalis in Daniel cap. 10, proficiebant in virtute, pietate, ac amore divino; hinc illæ suavissimæ illorum aspirationes ad Deum, cum saepius fuderent super flumina Babylonis, & flerent cum recordarentur Sion, & Sanctæ civitatis Jerusalem, ubi verus Deus colebatur. Tunc suspendebant in salicibus quæ stabant ad ripam fluminis omnia musicalia sua instrumenta, ut ostenderent se in nulla alia re delectari nisi in Deo: Tunc exclamabant: *Si unquam oblitus fuero tuu Jerusalem, oblivioni detur dextera mea, adhuc et lingua mea fauibus meis, si non meminero tui, si non proposituero Jerusalem.* Denique Sancti erant cum Sanctis. Sed quando liberius agere cœperunt cum ethnici, tunc audio Davidem dicentem: *Psal. 105: Commixti sunt inter gentes, & didicerunt opera eorum, & immolaverunt filios suos, & filias suas demoniis.*

Adverte, inquit Hugo Cardinalis in *Psal. 105* quid possit mala Societas: *Commixti sunt inter gentes, quid inde subortum?* 1. mala doctrina, dicitur enim, *didicerunt.* 2. opera mala, dicitur enim, *opera eorum;* 3. servitus idolorum, dicitur enim, *servierunt sculptilibus eorum;* Denique summa impietas, dicitur enim, *immolaverunt filios & filias demoniis:* Non poterat quidpiam magis impium nec barbarum excogitari.

Nonne hic tursum manifeste vides verissimum esse quod ait  
Y y y Seneca:

*Seneca:* Assumuntur mores à conversantibus: Sancti cum Sanctis, impii cum impiis.

Verum hoc additum oportebat quod longè facilius impii mores assumuntur ab improbis, quam Sancti à Sanctis.

Ratio est, quia ut dicitur *Genes. cap. 8*, *Sensus & cogitatio humanae cordis ab adolescentia sua in malum prona sunt*, hinc sine difficultate labimur in malum: Facilius, inquit *Augustinus contra Fulg. Donat.* *cap. 16*, & proclivius curatur ad imitationem malorum, quam ad virtutes bonorum animus excitetur. Ad malum enim descendimus, ad virtutem ascendimus, facilius autem est descensus quam ascensus. Hinc facilius corrumpuntur boni à malis, quam meliorunt mali à bonis.

Propterea quasi miraculum est, & summam apud Deum & hominem laudem meretur, in medio malorum versari, & innocentem manere.

*Historiam Iobi Spiritus S. incœpit his verbis: Vir erat in terra Hu-*  
*nomine Iob: In laudem Iobi scriptus est ille liber à capite ad calcem:*  
*Sed quænam illa laus quod Iob habitaret in terra Hus, quæ tota in-*  
*famis erat idolatriæ, aliisque sceleribus?*

Unde potius dedecori *Iobo* fuisse videtur quam honori, quod in tali terra habitaret. Nullo modo, inquit *D. Gregorius*, idcirco Sanctus vir ubi habitaverit, dicitur, ut ejus meritum virtutis exprimitur: Dicatur ubi habitaverit, ut hoc ejus laudibus proficiat quod bonus inter malos fuit. Tanta enim erat sociorum ejus perversitas, ut dicere non dubitaverit: *Frater fui draconum, & socius struthionum*, & inter illos erat ipse tanta sanctitate, ut Deus ipse diceret, non esse similem ei in mundo. Hinc *Origenes*: Sicut smaragdus in luto, & margarita in fimeto, sic *Iob* mundus fuit inter obscenos, plus inter impios. Et *D. Chrysostomus Hom. 2 de patient. Iob*: Rosa, inquit, fuit in medio spinarum. Adeoque sicut pro Miraculo haberetur in terra arenaria, vel myrica felices segetes provenirent, ita quasi Miraculum apparet quod *Iob* à pueritia educatus in terra vitiis referta, tam Sanctus & innocens vixerit. Hoc summam laudem meretur: Neque enim, inquit *Gregorius*, tam laudabile est bonum esse cum bonis, sed bonum esse cum malis & sicut gravioris culpa est malum esse inter bonos, sic etiam immensi præconii est inter malos boni extitisse.

2. De Noë dicit *Ecclesiasticus cap. 44*: *Noë inventus est perfelix:*  
*Quare*

Quare non dicit potius, fuit perfectus, sed invenitus est? quia volebat significare, Noë hominem fuisse rarum & maximi pretii, quod tali tempore quo vivebat, postquam homines perfecti fuissent quæsiti, unus ipse inter omnes inventus fuisse qui esset perfectus, omnes enim reliqui, inquit Scriptura *Genes. cap. 6.*, corruerant viam suam, & tota terra repleta erat iniquitate & cuncta cogitatio illorum erat intenta ad malum. Unde cum Deus aliquem perfectum quereret, neminem prorsus invenit nisi solum Noë cum sua familia sic enim ait ad illum: *Ingredere tu, & omnis domus tua in Arcam, ut enim vidi justum coram me in generatione hac.* Hoc mirabile inquit Chrysostomus *Hom. 26 in Genes.* Virtutem colere inter hostes virtutis.

Sed magis mirabile unum inter tot millia improborum manere innocentem: Hoc præ cæteris omnibus advertere debent parentes, qui ex vi mandati divini in conscientia obligantur liberos suos promovere ad omnem virtutem. Duo sunt media quibus hoc possint præstare. Primum est educatio, alterum est conversatio.

Educatio consistit partim in instructionibus, monitisque salubribus, partim in exemplis: Ipsorum est non tantum liberos correptos male agunt, sed etiam monere, & incitare ut bene agant, suo tempore orent, intersint concionibus, confiteantur, communicent.

Conversatio vero consistit in sociis quibuscum agunt: Atqui ut jam clare patet, ex omnibus jam probatis, nihil est quod hominem magis corrumpat, ac seducat ad quævis vitia, quam mala societas: Ergo in conscientia, & sub gravi peccato tenentur parentes effice, ut liberi sui non agant, nec conversentur cum mala societate.

Hoc maximè cordi habebat piissimus ille Pater, senior *Tobias: Parentes* Sicut enim ipse educatus fuerat à parentibus suis, sic ipse volebat curam ge: educare filium suum. De ipso autem dicit Scriptura *Tobie cap. 1.* *Cum ranc libe-* *rent omnes ad vitulos aureos, quos Ieroboam fecerat Rex Israel, hic solus rorū,* *fugiebat consortia omnium, & pergebat in Ierusalem ad Templum Domini,* *& ibi adorabat Dominum Deum Israel.*

Mox addit Scriptura, *hac observabat puerulus*, volens significare quod sic institueretur à suis parentibus, ut fugeret prava consortia. Eandem ipse curam habuit pro filio suo juniore *Tobia:* Cum enim illum vellet mittere in *Rages civitatem Medorum*, consideratis viarum difficultatibus & periculis, quæ maxime in itineribus ex parte malorum sociorum incurruuntur, dixit ad illum: *Perge nunc & in-*

Y y 2

quire

540 DISCURSUS MORALES IN  
quire tibi virum fidelem, qui eat tecum. Vide quem eligas, sit vir pro-  
bus, & honestus, & fidelis, cave te jungere homini cuius virtus tibi  
nota non sit, ne te corrumpat.

Tunc, ut ait Scriptura, egressus Tobias, invenit juvenem splendidum,  
stantem, præcinctum, & quasi paratum ad ambulandum, & ignorans quod  
Angelus Dei esset, salutavit, & dixit: Vnde te habemus bone juvenis? &  
ille respondit: Ex filiis Israel.

Statim Tobias currit ad Patrem, & inveni, inquit, hic pro foribus  
stantem insignem juvenem, præcinctum, paratum ad ambulan-  
dum, qui se dicit esse ex filiis Israel, & cum peterem ab ipso an viam  
noſſet que dicit in Regionem Medorum? respondit, novi, & omnia itineris  
eius frequenter ambulavi. Non possumus meliorem habere oppor-  
tunitatem.

Quid ad hæc Pater? gaudeo, inquit, fili mi, & tanto magis,  
quod ille juvenis dicat se esse ex filiis Israel, unum ex natione no-  
stra: Sed hoc mihi non sufficit, debo rem hanc paulo magis ex-  
aminare: Vade ergo, & duc illum in domum ad me: Quo ingresso,  
dixit Pater: Nunquid poteris ducere filium meum in Reges civitatem  
Medorum? dixit Angelus: Ego ducam & reducam eum ad te. Sed rogen,  
inquit Tobias, dic mihi, de qua domo, aut de qua tribu es tu? Nec forte ſu-  
licitum te reddam, inquit Angelus, Ego sum Azarias Anania magni fi-  
lius; respondet Tobias: Ex magno genere es tu. Nec plura, ubi Tobias  
vidit juvenem esse honestum ac probum, ac dignum cuius societatis  
fium committeret: Ite, inquit, & si Deus in itinere vefro.

Hoc etiam considerandum hic est ad instructionem parentum,  
qui omni modo, & omni ſollicitudine curare tenentur, ut liben  
eorum non incident in malam ſocietatem, aut ſi forte, nescio quo  
caſu, incident, omni vi inde abſtrahantur.

Imperat filio ſuo Tobias, ut inquirat virum fidelem qui illum co-  
mitetur in via Persiam verſus.

Quæſtio eſt quis dicendus ſit vir fidelis? respondeo 1. Ille qui  
in omnibus credit rebus divinis. Talis erat Moyses de quo dicitur  
Numer. cap. 12. Servus meus Moyses in omni domo mea fidelissimus  
eſt. Talis erat Samuel, de quo dicitur: Lib. 1. Reg. cap. 3: Cog-  
novit univerſus Israel quod fidelis Samuel Propheta eſſet Domini.  
2. Fidelis vir dicitur, cui absque ſuspicio reſ ardua vel ſecreta  
committi potest.

3. Qui bene operatur respectu ſoliuſ Dei. Tobias ergo volebat

ut filius suus non tantum virum bonum, sed etiam admodum pium ac religiosum inquireret, qui illum verbo & exemplo in virtute præiret, & ad honestam vitam formaret, ne si alium elegeret, ejus malos mores imbiberet. Nemo enim vitiosus est qui non aliquod nobis vitium, præsertim teneris animis vel imprimat, vel, etiam nescientibus, affricet.

Hinc priscis temporibus prima parens cura erat liberos suos viris honestis, & virtute suâ notissimis erudiendos committere, ut sub talibus præceptoribus proficerent ad pietatem.

Hinc etiam Ethnici tales parentes oderant qui magis solliciti erant ut temporalia liberis bona, divitiasque relinquenter, quam virtutem: Audite quid Philosophus *Crates Thebanus* de ejusmodi dixerit: Si in altissimam, inquit, urbis turrim ascenderem, clamarem: Quorundam ruitis homines qui totum studium in corrugandis opibus ponitis, filiorum vero vestrorum non suscipitis curam, ut se probis sociis jungant, & quam longissime Malos fugiant?

In tales etiam invehitur *D. Chrysostomus Hom. 60 in Matth. his verbis*: Solliciti, inquit, sunt ut amplas liberis suis hæreditates relinquant, & nullam curam gerunt ut conversentur cum iis, à quibus virtutem discant, & bonos mores, ac procul fugiant societatem illorum, quibus volupe est innocentes animas perdere.

Denique *D. Hieronymus* sic scribit ad *Letam de institutione filie* quæ erat ex nobilissima domo Romana. Curabis, inquit, ô Letam, & hoc ante omnia, ut filia tua pedissequas & puellas habeat, quas à sæcularibus conversationibus ac confortiis arceas, ne quod ipsæ male didicerint, pejus doceant filiam tuam.

Quod si parentes hac in re desint, nec debite suo fungantur officio, adeoque si per ipsorum incuriam liberi ex pravæ Societatis frequentatione corruptantur, tota in parentes culpa redundat. Horrenda res est, inquit *Chrysostomus*, si parentes causa sint perditionis liberorum, nec scio, quomodo ausuri sint comparere eorum supremo judice.

Scio quidem aliquos dicere: Filius meus providus est, non facile se permettit perverti: Filia mea modesta, proba, & casta est, non facile se permettit seduci: Magna temeritas, & stulta fiducia! homines enim sunt, & qui amat periculum, inquit Scriptura, *Ecclesiastici cap.3, in illo peribit*. Nimia familiaritas animos etiam

Y y 3

for-

342 DISCURSUS MORALES IN  
fortissimos superavit & fregit: Proximus periculo, inquit Isidorus, Lib. 2 Soliloq. diu tutus non erit. Sæpe familiaritas peccandi occasionem dedit, & quod voluntas non potuit, assiduitas superavit.

Denique ut concludam, quid possit Mala Societas patuit cum filii Israël venissent in desertum Pharan, aliqui homines pessimi de fœce cœperunt murmurare contra Deum, & mox traxere in idem peccatum filios Israël probos & Dei servos.

Et quænam, quæso, erat ratio murmurandi? propter res sordidas & vilissimas: Murmuringabant enim quod non haberent cucumeres, pepones, porros, cœpe, & allia quæ comedebant in Ægypto: Fierine potest? Numquid ergo quotidie mittebat illis Deus panem de cælo, in quo, ut ait Solomon, habebant omne delectamentum suavitatis, & omnem saporem omnium aliorum ciborum quem desiderabant? Quotidie mane, inquit Scriptura, descendebat panis ille de cælo: Quid ergo habebant quod murmurarent? Nihil aliud, inquietabant, respiciunt oculi nostri nisi Manna, assidue Manna, semper idem panis. Quid tum? semper quidem idem erat in substantia, sed tam diversus in sapore, quam diversus erat illorum appetitus, ergo quotidie aliquid novi quando tantum volebant: Saltem nulla erat comparatio inter sordidos illos cibos Ægypti, & hunc panem. Quid dicam? hæc est miseria multorum hominum qui plus gustus habent in sordibus facili, quam in deliciis Dei.

*Negligentia in frequentanda Communione.* Fuse alias demonstravi Manna perfectissimam fuisse figuram Ven. Sacramenti, adeoque homines illos esse similes Israelitæ, qui cum quotidie cibus ille divinus corporis Christi, semper & ubique in promptu fit, plus tamen saporis habent in cœpe, & alliis, & porris foedarum voluptatum suarum, & sæcularium negotiorum, quam in esu cibi illius cælestis; hinc factum est ut plurimi ab illo cælesti cibo abstineant, & varias excusationes prætendant quod non accedant.

Exemplum clarum habemus in parabola quam Christus nobis proposuit Luce cap. 14. Homo quidam, inquit, fecit canam magnam, & vocavit multis: Et misit servum suum hora cœna dicere invitatis uenirent, quia jam parata sunt omnia. Et cœperunt omnes simul excusari. Primus dixit: Villam emi, & necesse habeo exire, & videre illam, nō go te habe me excusatum; & alter dixit: Iuga boum emi quinque, &

eo probare illa, rogo te habe me excusatum. Et alius dixit: Vxorem duxi,  
& ideo non possum venire.

Per illam cœnam magnam intelligunt multi interpres convivium illud de quo canit Ecclesia: *O sacrum convivium, in quo Christus sumitur.* Adeoque sicut illi homines invitati ad cœnam, se excusabant ne venirent, sic plurimi Christiani excusationes prætendunt ne accedant ad Ven. Sacramentum; utrique ex quadam aversione vel nausea, quia magis amant & curant cibos Agypti, bona temporalia, vel mundi voluptates, abstracti à concupiscentiis suis: Frivolæ enim sunt excusationes quas adferunt, sicut erant illorum qui invitati erant ad cœnam.

Primus dicebat: *Villam emi, & necesse habeo exire, & videre illam.* Quænam quæso necessitas exeundi præcise illo die? non poterat res differri? non erat villa in periculo ut rueret, alioquin stultus erat homo qui talem villam emerat: Et quid erat necesse statim illam videre? procul dubio prius illam viderat cum emeret, quis enim domum emat quam non prius inspicerit, ne, ut communi proverbio dicimus, emat feles in facco? Quænam ergo necessitas exeundi & videndi villam? nulla, ergo nulla excusatio.

Alter dicebat: *Iuga boum emi quinque, & eo probare illa, quasi vero non posset expectare in crastinum;* quid enim erat opus tantæ festinatione, præsertim illa hora ipsa qua servus illum monebat tempus esse ut veniret ad cœnam? numquid prius sciebat se invitatum? quis dubitat? dicit enim Scriptura, *vocavit multos,* deinde missus est servus qui diceret *jam omnia esse parata,* adeoque tempus esse ut venirent; si prius monitus erat, quare non prius iverat probare boves suos, ut dispositis suis negotiis paratus esset libero animo ad cœnam accedere: Ergo quæsita ratio, & excusatio nulla.

Sed quod maximè stultum erat: Unus dicit se debere exire ut videat villam, alter ut probet boves, interea jam vesper erat, jam tenebræ ingruebant, non enim ad prandium, sed ad cœnam vocabantur, & quidem illa hora qua omnia erant parata, instratae mensæ &c. Ergo circa horam septimam vel octavam vespertinam: Nec ille poterat de nocte inspicere villam suam, & iste multo minus in agro probare boves suos: Nihil igitur erat impedimenti quo minus tota illa nocte vel salté dimidia interessent cœ-

næ,

næ, & postridie irent ad sua negotia. Quis ergo non videat clare excusationes illorum stultas esse & nullius momenti?

Tertius dicebat: *Uxorem duxi, & ideo non possum venire.* Quzenam hæc ratio vel excusatio, *uxorem duxi?* adeone ille insaniebat amore uxoris suæ ut non posset ab eâ ad unam alteramve horam abesse, & ire ad mensam ad quam tam amice & benevolè invitabatur?

Ubi ergo res hærebat res manifesta est: Tam erant absorpti suis negotiis secularibus, vel deliciis, ut nausearent ad exquisitissimos cibos sibi ab optimo amico proponendos in coena illa magna; mallebant, sicut *Israelite*, vesci alliis, coepe, & porris *Egypti*, quam *Manna*: Non debebant ob res tam exigui momenti omittere ad coenam tam magnam ac pretiosam accedere, sed potius dicere: Non possumus ad videndum villam exire, nec ad probandum juga boum, nec manere apud uxorem, quia ad coenam magnam invitati sumus. Sic quisquis invitatur ad sublime illud ac sanctissimum corporis Christi convivium, sive propter magnitudinem festi, sive propter magnas indulgentias particulares, frustra excusationes querit, dicens: non possum modo communicare, quia temporalibus negotiis impediō: Deberet enim contrarium dicere: Non possum modo vacare meis negotiis quia vocor ad Eucharistiam, non enim temporalia debent impedire sumptionem Eucharistiæ, sed sumptio Eucharistiæ, temporalia: Quod enim majoris ponderis ac momenti est, præcedere debet illud quod longè minoris est.

Verum, ut *Paulus* ait i Cor. cap. *Animalis homo, non percipit ea quae sunt spiritus Dei: Spiritualis autem judicat omnia.* Hic, ut vides, discrimen facit Apostolus inter hominem animalem ac spiritualem, juxta duplē partem quæ est in homine, quarum altera pars est anima quæ spiritualis est, & vocatur pars superior: In illa convenimus cum angelis: Altera vocatur pars inferior, & est corporalis: In illa convenimus cum bestiis: Hominis autem est, vel hanc partem sequi, vel aliam, vel spiritualibus rebus vacare ut angeli; qui hoc facit, ab Apostolo vocatur homo spiritualis. Si vero sensitivam partem sequamur cum bestiis, tales vocat Apostolus homines animales, *animalis homo non percipit ea quae spiritus Dei sunt*, quia procedit ut bestia: Si enim jumento hinc cibrum avena plenum, vel manipulum fœni proponas, inde catinum plenum

num



num gemmis & unionibus, relinquet gemmas, & curret ad fœnum vel avenam: Cur ita? quia jumentum est, & animal irrationalē & non percipit pretium gemmarum: Sic ergo ait Apostolus; si coram homine, rebus animalibus dedito, ex una parte Eucharistiam posueris, ex altera levem aliquam comediam, vel tripudium, vel convivium sacerdotale, vel aliquod temporale lucrum, facile, relinquet pretiosissimam illam gemmam, & cælestē convivium Eucharistiæ, ut commodis temporalibus perfruatur, & sequatur sordidas suas delicias; mavult enim allia & cœpas Ægypti, quia illi plus sapiunt, quam Manna divinum quod nauseat prorsus sicut Israëlitæ.

Hoc tam ægre tulit Deus ut Scriptura dicat: *Iratus est furor Domini valde, sed & Moysi intoleranda res visa est.* Videamus porro quid Deus fecerit.

### DISCURSUS III.

*Deus coturnices submittit Israëlitis: Plecluntur illi obmurmurationem.*

Cum Moyses audivisset populum murmurantem, ac petentem carnes, confugit ut semper solebat, ad Deum, depositurus querelas, & ait: *Cur affixisti servum tuum? quare non inveni grātiam coram te? cur imposuisti pondus universi populi hujus super nos?* Unde mihi carnes ut dem tanta multitudini flent contra me, dicentes: *Da nobis carnes ut comedamus. Non possum solus sustinere omnem hunc populum, quia gravis est mihi.*

Et dixit Dominus ad Moysen: *Vade, & dic populo: Cras comedetis carnes.* Et ait Moyses: *Sexcenta millia populi hujus sunt, & tu dicis: Da eis esum carnium: Numquid ovium ac boum multitudo cedetur, ut possit sufficere ad cibum? vel omnes pisces maris in unum congregabuntur ut eos satient?*

Cui respondit Dominus: *Numquid manus Domini invalida est? Iam nunc videbis utrum meus sermo opere compleatur.*

Moyses hic paululum deflexit à via virtutis præsertim fiduciae, quando dixit Deo: *Ubi tantum carnis poterit inveniri ut sexcenta hominum millia comedant, & satientur? Recurrit enim ad natum,*

Zzz

turam,

turam , quando debebat respicere ad omnipotentiam Dei , quæ naturæ terminis non concluditur .

Sic etiam errabat *Philipus* *Apostolus Ioan. cap. 6* quando videbat *Christum* quinque hominum millia velle pascere in deserto ; dicebat enim : *Ducentorum denariorum panes non sufficiunt eis* . Ubi recte sic ait *D. Cyrus Alexandrinus* : *Nihil virtutis, omnipotentiæque Christi Philippo venit in mentem, sed trepidus ad solam pecuniarum viam refugit, nullo alio modo hanc rem peragi posse existimans nisi communi, tritoque pecuniarum medio; Sed naturæ ipsius terminis, adeitatis natura superior est, omnia facile peragens, etiam quæ mentem nostram excedunt.*

Petebat *Christus* à *Philippe* (ut tentaret illum, inquit Euangelista) *Philippe, unde ememus panes, ut manducent hi?* debebat dicere : *Dome, unde aliter possimus habere nisi ex tuis manibus divinis?* Non video ad quid aliud in hac occasione ubi tot millia hominum sunt , confugere possimus nisi ad manus tuas quæ omnia possunt : Sic debebat loqui ; interea conjicit oculos in pecunias .

Ad hæc reflectens *Hieronymus* in *Dialogo contra Luciferianos* : *Pauci, inquit, inveniuntur, etiam apud eos qui bene credunt, qui habeant illam vivam in Deum fiduciam, ut non respiciant ad media communia, & non ad omnipotentiam Dei.*

Probat exemplis. Sancti, inquit, erant *Moyses & Aaron*, tamen cum mitteret illos ad petram Deus, ut inde elicerent aquam, quando videbant illam esse tam siccum, ut non appareret signum vel minimæ guttae, ita defidebant Deo, ut dicerent : *Numquid nos poterimus ex hac petra aquas educere?* debebant dicere : *Deus hoc poterit qui nobis mandavit.*

Sanctus erat *Ezechias*, inquit à *Hieronymus*, tamen cum ægo decumbenti, promitteret *I'asias* ex parte Dei, sanitatem, perebat signum aliquod ab eodem Propheta, quo securus esset de valetudine recuperanda : *Ecce, inquit, Hieronymus, quamvis se ad Deum converteret, & crederet se ab illo valetudinem posse impetrare, signum tamen postulat ut credat verum esse quod Dominus re-promiserat, hoc parvæ fiduciæ indicium est.*

<sup>3</sup> Sanctus erat *Abraham*, & tantæ fidei, ut *fidei pater*, appellatur à *Paulo Rom. cap. 4* : *Nihilominus tamen, cum Deus illi promitteret fore ut nasceretur illi filius, risit, inquit Scriptura, Gen.* <sup>10</sup>



cap. 17, dicens: *putas-ne centenario nascetur filius, & Sara nonagenaria pariet?* Viden? etiam Abraham respiciebat magis ad communem cursum naturae, quam ad omnipotentiam Dei.

In hoc maxima pars hominum errat, & à rectâ viâ deflectit quando sunt in aliqua necessitate; plerumque totam fiduciam ponunt in homine, vix ullam, aut nullam in Deo, cum tamen pauci inveniantur qui experientia non didicerint, non alienos tantum esse infidos, sed optimos etiam amicos nos in necessitate deserere & certo constet ex alia parte quanta nobis præstiterit Deus: Quid enim Deus non fecit pro nobis? Creavit nos, posuit nos in esse nostro quando non merebamur, nec poteramus mereri. Dedit nobis angelum ē domo sua qui nos custodiret, propter nos fecit cælum, propter nos oritur sol, propter nos pluit, propter nos profert terra fructus suos. Propter nos descendit ipse de cælo in terram, propter nos factus est homo, jejunavit, ploravit, mortuus est, sanguinem dedit, carnem, vitam, animam, divinitatem, & seipsum quantus est. Ad quid hæc omnia? ut confidas in tali patre, & in tali bonitate, & firmiter credas, quod ille qui tanta tibi præstítit, non deerit ut minora præstet: Utique, inquit D. Hieronymus in cap. 6 Matth. qui majora præstítit, & minora præstabat.

Non possum efficacius hac in re exemplum adferre quam illud quod lego lib. 2 Paralip. cap. 15. Asa rex Iuda, cum inciperet primum regnare statim dejecit & frègit omnia idola, & edicto mandavit ut omnes Dei legem servarent. Propterea tantum illi favit Deus, ut quotidie pœne propter illum, miracula faceret.

Processit contra illum Zara rex Æthiopie, cum decies centenis milibus; Rex Asa positus in magnis angustiis paucos habebat milites quos Zara opponeret, confugit ad Deum, & ait: *Domine, non eſt apud te ulla distantia, utrum in paucis auxilieris, an in pluribus: Domine Deus noster, adjuva nos, in te enim, & in tuo nomine habemus fiduciam &c.* Ad hæc misit Deus angelos suos qui tantum terrorēm incusserunt. Æthiopum exercitui, ut se darent in fugam, persequitur Asa, & cecidit illos, Domino adjuvante, usque ad internectionem, inquit Scriptura, & Asa ex spoliis factus est ditissimus. Tunc ivit illi in occursum Azarias propheta, & excitavit illum ut semper in Deo consideret: *Dominus, inquit, nobiscum fuit, quia fuisti cum eo: Si quiesceritis cum invenietis, si autem dereliqueritis eum, derelinquet vos;*

Jam aliquot anni transierant, cum Praeasa rex Israël, regnum Iude, extrectis munimentis ita coarctavit ut nullus tute posset egredi, & ingredi. Quid agit Aſa rex Iuda? mittit legatos suos ad Benadid, regem Syriae, & cum illis magnam vim argenti & auri quod tulerat de thesauris templi Domini, & suis, imploratque ejus auxilium, inito foodere ut sibi assistat, atque defendat. Tunc venit ad Aſaregem Iuda Hanani propheta, & dixit ei: Quia habuisti fiduciam in rege Syriae, & non in Domino Deo tuo, idcirco evasit Syria regis exercitus de manu tua: Nonne Āethiopes longe, plures erant, quos cum Domino credidisse tradidit in manu tua? Stulte igitur egisti, & propter hoc ex prefensi tempore adversum te bella consurgent.

Quid ergo vult Deus? Ut nullo modo confidamus in homine: hoc non, debent enim homines, juxta communem cursum, Deo cooperari. Quis enim dicat ægrum non posse confidere medico? aut tristem confidere non posse bono amico? Sed hoc vult Deus, ut vel ante omnia primo confidamus Deo, vel non magis confidamus hominibus quam illi, vel quando nulla spes est in hominibus, configiamus ad illius omnipotentiam qua possit nobis adesse supra communem cursum naturæ.

Ideo vero voluit à propheta corripi Aſa regem Iuda, quia cum tantam illi victoriam contulisset contra decies centena milia Āethiopum, non fidebat Deo quod esset illi daturus victoriam contra exiguum exercitum Baase regis Israel, nisi in subsidium illius vocaret regem Syriae, debebat enim confidere, quod Deus qui majora præstiterat, etiam minora præstaret.

In hoc etiam turpiter erravit Moyses, quando Deus illi dicebat: Dabo carnes filiis Israël, & Moyses responderet: Sexcenta milia populi hujus sunt, & tu dicis dabo eis carnes? Ubi inveniemus tantam multitudinem boum vel ovium, vel piscium ut satientur?

Mirabile est. Viderat Moyses tot miracula & portenta quæ fecerat Deus potentissimo suo brachio: Aperuerat mare rubrum, pluerat panem de cælo, eduxerat aquam de petra, & jam non fudit Deo quod possit dare carnes. Qui majora præstiterat, non præstabit minora?

Ex hac dissidentia sæpen numero fit ut cum totam spem ponimus in hominibus, nihil obtineamus, nisi forte Deus per suam misericordiam nobis occurrat. Audite quid dicat in hac re con-

contigisse *D. Ioannes cap. 5.* Jacebat Ierosolymis in nosocomio vir quidam, qui triginta octo annis fuerat paralyticus: Accessit ad illum *Christus*, petiitque ab eo: *vis sanus fieri?* respondit ei *Lanzinus*, *hominem non habeo qui me juvet.* Non invenio quod *Christus* ab alio petierit, *vis sanus fieri?* Imo *Luc. cap. 7.* Videns adolescentem defunctum efferri ad sepulchrum sequentemque matrem plorantem, jussit stare qui illum efferebant, & adolescentem revocavit ad vitam, nec petiit à matre an vellet illum reviviscere? Et isti languido non vult dare sanitatem nisi prius petat ab illo an velit sanus fieri? quare hoc? qui ita confidebat hominibus ut non semel cogitaret de Deo, dicebat enim *hominem non habeo qui me juvet*, sed debebat addere, Deus potest me juvare, & valetudini restituere, si illi placet; idcirco si *Christus* illum ex mera bonitate non accessisset, eique ultro sanitatem obtulisset, numquam sanus factus fuisset, quia tantum omnem spem suam in homine collocabat. Hoc ita intellexit *Ericus*: Non noverat, inquit, rogare Deum pro sua restauratione, quam putabat impossibilem, quia hominem non habebat: Magna infirmitas quod cum hominem non haberet, non recurreret ad Deum.

Solebam aliquando mirari cum audirem Deum dicentem *Ieron. cap. 17.* *Maledictus homo qui confidit in homine:* Sciebam enim non omnem fiduciam in homine, aut vetitam esse aut malam. *Paulus* dicit *2 Cor. cap. 7.* se fiduciam habere in *Corinthiis*, nec tamen peccavit: nec *Salomon* toties nobis inculcaret ut servaremus amicum bonum qui nos possit juvare, & consolari, si semper malum foret confidere in homine: mirabar tamen Deum dicere: *Maledictus qui confidit in homine,* quia nesciebam hujusmodi homines reperiiri posse qui ita fiduciam suam collocarent in homine vel aliis creaturis, ut ne quidem cogitarent de Deo, sed cum hīc talem unum jam invenerimus, non miror talem maledici à Deo, & si adhuc plures ejusmodi sint, & hi maledicti sunt, quia illius obliviscuntur à quo omnia bona debent procedere, & sine quo ab hominibus, nec ab aliis creaturis quidquam sperandum est.

Imo tantam exigit *Christus* in Deum fiduciam ut dicat *Matth. cap. 6:* *Nolite solliciti esse, dicentes: quid manducabimus? aut quid bibemus, aut quo operiemur?* scit enim pater uester quia his omnibus indiget, & ut hanc nobis fiduciam imprimat, provocat nos ad voluntaria cœli *Respicite, inquit, volatilia cœli, quoniam non ferunt, neque mentunt*

550  
*tunt, neque congregant in horrea, & pater vester caelitus pascit illa;*  
*Non dicit, inquit Theophylactus: Respicite Agarem ancillam Abra-*  
*hae cui fontem aquæ suppeditavi cum moreretur siti in solitudine;*  
*Nec dicit: Respicite Iyacitas, quos pavi in deserto & pane, & car-*  
*nibus, cum omnia illis deessent: Non dicit etiam: Respicite Elia-*  
*ad quem corvos submisi ut illi carnes adferrent: Nec denique di-*  
*cit: Respicite Danielem, existentem in lacu leonum ad quem mis-*  
*sus fuit propheta ut in momento à Ierusalem in Babylonem, hoc est,*  
*per multa millaria, prandium ferret. Sed dicit: Respicite*  
*volatilia cœli: Si enim, inquit Chrysostomus in cap. 6 Matth. tantam*  
*illorum curam gerit Deus, quanto magis nostri? multis enim paſſi-*  
*ribus, inquit Christus Matth. 10. pluris sumus nos.*

*Quid ergo, inquiet aliqui, tantamne in Deum fiduciam exigit*  
*Christus, ut omnia de cœlo, à Dei manu operiamur, nihil agendo?*  
*mercator non sit sollicitus de suis negotiis? opifices sedent ma-*  
*nibus complicatis? Famuli & ancillæ non sint solliciti de suis mi-*  
*nisteriis? Hoc non: Sed agat homo quod debet, & quod sui offi-*  
*cii est, & confidat fore ut Deus illi in omnibus adsit; quamvis*  
*enim non semper miracula faciat, si tamen cum fiducia vera in*  
*Deum, omnia tua agas, & primum quæras regnum Dei, promittit*  
*Christus quod reliqua omnia adjicientur tibi, etiamsi propter fi-*  
*duciam tuam deberet facere miracula, sicut plurimis fecit qui in*  
*illum confidebant; nam Christi promissio errare non potest. Hinc*  
*propter defectum fiduciae multa Deus non agit, quæ faceret si ha-*  
*beres fiduciam. Multæ hoc misero tempore audiuntur querelæ: No-*  
*biles dicunt, quid juvat esse tot jugerum terræ ac prædiorum Do-*  
*minum, cum exiguus inde census redundet? ex aliquot millibus*  
*annuis vix mille recipimus, & quid hæc inter tantos, inter tot libe-*  
*ros, tot famulos? Cives & mercatores queruntur commercia*  
*perire, debita in annos plurimos produci, à paucis persolvi, jactu-*  
*ram maximam, emolumentum minimum &c. Fato rura sunt*  
*ista. Verum an ideo deponenda omnis in Deum fiducia? Quid*  
*hoc juvabit? inquires, omnia enim procedent sicuti procedunt; ve-*  
*rum est, si nullam habeas in Deum fiduciam, si vero habeas, fal-*  
*sum est, tunc enim Deus facile omnia sus deque in momento in-*  
*vertit.*

Videamus modo quomodo Deus egerit cum *Izraelitis* cum jam  
*murmurassent & petiissent carnes: Dixit Moyses ad illos, prout pre-  
 ceperat*

ceperat ei Deus, cras dabit vobis Dominus carnes ut comedatis &c. eo quod repuleritis Dominū qui in medio vestri est. Miratus hunc loquendi modum noster Sebastianus Barradas: Si Deus, inquit, diceret: Supplicium sumam de vobis, eo quod repuleretis me, optima esset consequentia: At non dicit, sumam supplicium, sed dabo vobis carnes, quia repulisti me, & murmurasti: Quid? an ergo, Deus illos non castigabit, sed tantum remunerabit? absit hoc à justitia Dei, & remunerabit, & castigabit; sed ea est bonitas Dei, ut prius præmittat beneficia ac misericordiam quam veniat ad supplicium: Juxta illud Davidis Psal. 100: misericordiam & judicium cantabo tibi Domine. In quæ verba sic ait Ambrosius lib. de Noë cap. 3: Principale virtutis est inchoare à beneficiis, & præseminare gratiam: Unde David ait: misericordiam & judicium cantabo tibi Domine. Præcedit beneficiorum gratia, sequitur pœna: Sic, inquit, invenies quod septem annorum fecunditas in Aegypto præcesserit totidem annorum sterilitatem: Ita cum iratus Deus in homines tempore Noë, omnes diluvio vellet disperdere, mox addebat: Erunt dies hominis centum & viginti annorum: Proclamat prius diluvium, hic erat judicii terror, & mox promittit tot annos ut pœniteant, & haec erat misericordia, quæ præveniebat judicium: Hoc Dei est præmittere beneficia antequam puniat.

Sic denique egit cum Israëlitis quando murmurando peccarant, & petierant carnes: Dedit enim illis Deus quod petierant: Nam dicit Scriptura: Ventus egrediens à Domino, & arreptans trans mare coturnices, dulit, & demisit in castra itinere quantum uno die consici potest, ex omni parte castrorum per circuitum, volabantque in aere duabus cubitis altitudine super terram. Surgens ergo populus toto illa die & nocte, ac die altero, congregavit coturnices, & siccaverunt eas per gyrum castrorum.

Movent hic quæstionem interpres, quare Deus potius coturnices quam alias aves vel alia pecora submiserit?

Respondet 1 Cornelius noster: Quia coturnices in magna copia erant ad manum: Abundat enim similibus avibus Arabia quæ non longe distabat à castris Israëlitarum.

Respondet 2 D. Augustinus lib. 4. q. q. in Exod. Quia non petierant carnes vitulorum vel ovium quas habebant in castris, sed lauiores & delicatores, ut gulæ suæ satisfacerent: Caro autem coturnicum, ut Abulensis ait, in illis regionibus præsertim, valde excellens & delicata est. Volebat ergo Deus etiam in hoc illis satisfacere, & indulgere illorum appetitui ac desiderio.

Sed

552 Sed hoc horrendum est quando Deus sic incipit agere cum peccatoribus, & illos sibi ipsis relinquere, signum est quod retrahat manum suam, & sinat illos abire quo volunt, hoc facto, currunt de peccato in peccatum.

Hæc est doctrina D. Pauli Apostoli Rom. cap. 1, ubi agens de Ethnicis, sic loquitur: *Tradidit illos Deus in desideria cordis eorum: Quid inde secutum est i repleti sunt, inquit, omni iniquitate, fornicatione, avaritia, inuidia, homitudo, dolo, superbia, detractione, immisericordia, inobedientia &c. Ecce quantus Catalogus peccatorum; unde hoc? quia Deus permisit illos abire post desideria illorum.*

Hoc idem exaggerat David Psalm. 80, agens de Israelitis: *Non audivit, inquit, populus mens vocem meam, & Israel non intendit mihi, quid deinde?* *Dimisi eos secundum desideria cordis eorum, ibunt in ad inventionibus suis.* Hoc est, inquiunt Lyranus & Hugo, ibunt in enormia & nova peccata quæ ipsi met invenerunt.

Existimabant se fortè felices, cum omnia juxta desideria sua ac vota succederent, sed nihil infelicius. Audio enim Deum dicentem per Oseam prophetam cap. 4: *Non visitabo super filias vestras si fuerint fornicatae, & super sponsas vestras cum adulteraverint.* Gravis offensa est, inquit Hieronymus hoc loco, postquam peccaveris, iram Dei in hac vita non mereri. Adeoque, subdit, quando videris peccatorem divitiis affluere, jactare se de potentia, sanitate gaudere, corona circumdari filiorum, & impleri illud quod scriptum est Psl. 72: *In labore hominum non sunt, & cum hominibus non flagellabuntur,* scito in illo hanc comminationem prophetæ esse completam: *Non visitabo super filias vestras &c.* Magnum argumentum, inquit Chrysostomus Hom. 37 in Ioan. & signum damnationis æternæ, quando quis non definit peccare, & tamen omnia temporalia ei bene succedunt: Extremum enim supplicium est quando Deus finit peccatorem agere quidvis ad libitum, sine ulla refrænatione supplicii.

Tunc enim verum est quod Deus dixit per Davidem: *Dimisi eos secundum desideria cordis eorum, vel, ut Paulus ait: Tradidit illos Deus in desideria cordis eorum, hoc est, inquit Chrysostomus, permisit ut abirent post desideria & concupiscentias suas:* Sicut inquit, si aliquis praefectus exercitus prælio ingravescente retrocedendo abscederet, dicitur milites hostibus tradidisse. Non quod illos vi in hostes im-

impulerit, sed quod illos auxilio dumtaxat suo privarit. Sic & Deus eos dimisit, qui admittere ejus præcepta noluerunt. Permittit illos agere quod cupiunt & querunt, sua scilicet perficere desideria, & sic relinquit illos in manibus inimicorum suorum, hoc est, passionum suarum, & affectuum in ordinatiorum.

Tunc statim sequitur excæatio & obstinatio in peccatis: Execatur intellectus, ut nec peccati gravitatem agnoscat, nec imminentia pericula damnationis videat. Obduratur voluntas, ne timore, vel dolore, vel alio affectu in Deum afficiatur: Surdescunt aures ne interiores inspirationes divinas, nec exteriores admonitiones ministrorum Dei percipient: Similiter gustus spiritualis amittitur, nullum enim saporem percipit in oratione, in lectione piorum librorum, in concionibus, in pia conversatione. Denique quasi lapsus est in spiritualibus, & totus vivit in corporalibus: Sicut ergo Medici, cum vident ægrum, nullum ex medicina remedium referre, deserunt illum, & habent illum pro mortuo: Sic Deus illos relinquit, qui nullum remedium capiunt ex spiritualibus quia cæci sunt, & surdi, sine ullo gusto, & affectione in Deum.

Sed vœ, clamat Deus Os. cap. 9, v. e eis, cum recessero ab eis, cum deferuero eos & permisero illos currere post concupiscentias suas, & nullum illis frænum injecero quo possint compesci & cohiberi.

Quis non horreat dum legit illud quod narratur lib. i Reg. cap. 23. Venerat Saul ad sagam ut suscitaret Samuelum jam mortuum: Apparuit Samuel, & dixit Saul ad illum: Coarctor nimis, siquidem Philistini pugnant adversum me, & Deus recessit à me. Quid, inquit Samuel, interrogas me cum Dominus recesserit à te? O Propheta! quid hoc sibi vult? numquid tu prius protector illius eras? numquid effusis lacrymis veniam pro illo postulabas à Deo? cur ergo Saul ad te non configuiat? cur non consulat te? responderet Samuel, quomodo possum ego illum juvare, quando Deus illum deseruit? cum enim adhuc viverem, illumque deflerem, dixit Deus ad me: Usque quo tu luges Saul, cum ego projecterim eum? Quid ergo ego possim si Deus illum non juvet, nec protegat?

Hinc cum olim hostes Davidis Absalon & Achitophel, putarent

Aaaa

Dæ

*Davidem*, propter adulterium & homicidium, derelictum à Deo, dicebant? Deus dereliquit eum, persequimini, & comprehendite eum, quia non est qui eripiatur.

Non est ergo quod peccator existimet omnia esse in tuto, quando sinit Deus illum sequi desideria sua, ita ut omnia illi bene succedant, & ninil illi desit eorum quae optat & cupit: Nec enim est majus supplicium, quam nullum supplicium pati inter peccata, hoc enim certissimum signum est quod Deus illum non curet, donec illum subita morte opprimit.

Sic egit cum murmurantibus & rebellantibus *Israëlitis*: Desideraverant carnes, tradidit illos Deus in desideria cordis eorum, dedit illis carnes in summa abundantia, & delicatissimas: Sed, ut ait, Scriptura: *Aduer carnes erant in dentibus eorum: Et ecce furor Domini concitatus in populum, percussit eum plaga magna nimis.* Qualis fuerit illa plaga Scriptura non exprimit, putant Interpretes aliqui Deum immisisse ignem in illos, qui tantam multitudinem consumpsit, ut locus ille, inquit Scriptura, semper deinceps vocatus fuerit, *sepulchra concupiscentie*, quia ibi aliquot millia eorum qui desperaverant, sepulta fuere.

## DISCURSUS IV.

*Maria Soror Moysis murmurat contra Moysen, & leprocorripitur.*

**H**æc quæ præcedenti discursu narravimus contigerunt in deserto Pharan. Tunc jussit Deus ut castra moverent: Egressi autem, inquit Scriptura, de sepulchris concupiscentie, venerunt in Hæseroth, & manserunt ibi.

Hic incepérunt Maria soror Moysis, & Aaron frater ejus, murmurare contra Moysen, & dicere: Numquid per solum Moysen locutus est Dominus & Nozne & nobis similiter est locutus?

Tota autem causa murmurandi, inquit Scriptura, erat propter uxorem Moysis, quæ vocabatur Sephora. Quid hæc commiserat? verosimile est, inquit Abulensis, quod ex arrogancia & ambitione voluerat se præferre Marie, eo quod esset uxor Moysis, & maritum suum,

suum, quasi populi ducem, verbis extulerit, & prætulerit Marie & Aaroni: Quod cum illi viderent, responderunt: Numquid per solum Moysen locutus est Deus? nonne & nobis similiter est locutus? Quo responsu volebant comprimere arrogantiam Sephora, & ostendere se Moysi esse æquales, & se tam nobiles esse Prophetas quam erat Moses.

Habes hic 1. contentionem inter duas, fæminas utra esset major dignitate Maria an Sephora: Maria prophetissa erat, sicut enim expresse vocatur Exod. cap. 15, & Maria tanto in pretio habebatur à populo, ut esset omnium mulierum illius populi præstantissima, dicitur enim ibidem, quod cum agerent gratias Deo pro transitu maris rubri, ipsa omnes præiret, & omnibus præcineret 3. putat Hieronymus Mariam, simul cum Aarone, & Moyse, aliquo modo populum gubernasse, iuxta illud quod dicit Deus Michea cap. 6: misi ante faciem tuam Moysen, & Aaron, & Mariam. Fortè Maria, feminis præerat, easque decebat. Sephora vero uxor erat Moysis, illius viri qui imperium habebat in totam gentem Israëliticam, & erat supremus dux totius exercitus, tot miraculis clarus. Hac dignitate suâ superbiebat Sephora, & Maria se præferebat, Maria hoc non ferens, irata dicebat: Numquid per solum Moysen locutus est Dominus? nonne & nobis similiter est locutus? Contentio ergo erat utra esset major & dignior.

Hic olim etiam, ut narrat Lucas cap. 22, disputabant Apostoli inter se, quis eorum esset major: Ridicula res: Erant pauperes pescatores, homines viles, qui nihil habebant in mundo, præter unicam vestem qua inducebantur: Et disputant illi quis eorum esset major? O humanam insaniam! Quæ semper cæteris vult eminere, etiam in fôrdibus, quando omnibus inferior est; & si neminem habet quicum de magna dignitate possit contendere, etiam de vili imminentia contendit inter abjectos sui æquales.

Quando vero duo magni inter se super hac re contendunt, acior disputatio est & obstinatior: Hinc contentio de maiori dignitate inter Mariam, Aaronom & Sephoram, graviter punita fuit à Deo, ut postea videbimus, præsertim in Maria, quia illa in suas partes traxerat Aaronom: Tam potens est femina, ut etiam summum Sacerdotem, & sanctissimum virum posset seducere.

Aaaa2

Ac-

Accedit quod *Maria* triplex peccatum commiserit, i. enim peccavit superbia & detractione & mendacio.

Peccavit superbia, uti & *Aaron*, ipsius instinctu; patet ex verbis illorum: *Numb.* inquit, per solum *Moysen* locutus est *Dominus*; nonne & nobis similiter est locutus; ut se extollant & jaudent, *Moysen* & *pharoram* ipsius uxorem despiciunt: volunt enim dicere: Non tam excellens est *Moyses* sicut vulgo habetur, vel ab eis uxore dicitur: Non utique: Quia non per solum *Moysem* locutus est *Dominus* sicut passim creditur, etiam locutus est nobis aequo ac ipsi.

Hic vides clarè naturam superbiæ, alios despiceret ut se extollat. Plura reperio hujus rei exempla in Scriptura, quibus hæc veritas clarè probatur: Duo feligam aut tria ex multis.

Primum habemus in Scribis & *Pharisæis*, de quibus dicitur quod scandalizabantur in *Christo*, hoc est, quod fidem derogarent omnibus quæ dicebantur de illo. Faciebant catalogum omnium ipsius præstantium operum, mirabilium miraculorum, quæ audierant dici de isto homine, quem, juxta judicium suum, aspicerant ut vilem, contemptibilem: ideo dicebant; Impossibile est ut ille faciat talia, qualia de ipso dicuntur: *Vnde huic virtutes, & ha omnia?*

Unde? ex ipsius natura? ex ipsius excellentia? ex nobili ipsius stirpe? at quidquid in illo videmus, aequo abjectum est: Unde ergo procedere possunt tota mirabilia quæ de illo dicuntur quod alii decipiuntur, & credant opera ipsius qualia dicuntur, non est mirum, quia alii non norunt quis sit, aut qui lis, non norunt ipsius familiam, nec parentes, nec propinquos. Nos vero non possemus decipere, quia novimus illum intus & extus. Ad quid tanus *Christi* contemptus? ex mera superbia: Putabant enim se non posse eminere nisi *Christum* deprimarent.

Similes illis erant ii quos Scriptura Lib. 1 Reg. cap. 10, vocat filios *Belial*. Statuerat Deus *Saulem*, regem *Israelitarum*, ut illos defendaret, & in libertatem assereret contra hostes illorum. At ubi illum oculis confixerent, & scirent illum esse ortum vili familia, & prosapia humili, & parentes ejus de plebe, contemnebant, & despiciebant eum, putantes non esse possibile ut regnum haberet

beret animum, nec regias qualitates, qui conditione tam vilis erat. *Dixerunt ergo inquit Scriptura filii Belial: Num salvare nos poterit iste? & de spexerunt eum, & non attulerunt ei manera*, tantumdem erat ac si dicerent quemadmodum *Pharisei: Unde huic potentia?* Unde virtutes?

Hoc proprium est opus superbiæ oculos conjicere in propriam excellentiam, & in abjectionem alterius, ut alios contemnendo, <sup>Superbia</sup> sese extollant. Hæc secum expendens D. *Gregorius Magnus lib. 14, ejusque dictio scriptio*, Moral. cap. 14, sic loquitur: Quare superbi contemnunt sanctos humiles, & humiles æstimant peccatores superbos? Ratio est, inquit, quia superbi conjiciunt oculos in aliquod bonum quod habent in se & in aliquod vitium quod alii habent in se: Nulla enim res est, tam bona quæ non habeat aliquid vitii: Sic perdicis pectus est optimum, ova nil valent. Nulla etiam res est tam mala, quæ non habeat aliquid boni: Sic vipera aliquid virtutis habet ad conficiendam theriacam, & ipsa est plena veneno. Eodem modo superbis, videt in se quod bonum est, & in alio quod vitiosum est, atque ita æstimat se, & alium contemnit: Humilis è contrario, videt bonum proximi, & vitium proprium, atque ita contemnit seipsum, & æstimat proximum, quamvis sit magnus peccator. Quanti faciebat *David Saulem*, quamvis esset reprobatus à Deo? & neminem minoris faciebat quam se: In *Saule* considerabat, quod esset rex unctus à Deo, & in se, quod esset pauperculus, & de paupere tribu, & sic dicebat: *Quem prosequeris rex Israel? canem mortuum persequeris, & pulicem unum.*

Hinc patet quod *Christus* magnam haberet rationem conquerendi de civibus *Nazarenis*, & quam parum fundamenti illi habent conquerendi de *Christo*, illi enim tantum videbant in *Christo*, quod erat abjectum in oculis eorum, sed non aspicebant excellentiam ipsius doctrinæ, nec dignitatem miraculorum: Interea dum in se considerarent excellentiam suæ prosapiæ quæ descenderat ab *Abraham*, non videbant sua vitia & peccata quæ illos poterant humiliare, propterea *Christum* despiciebant, adeo ut multis injuriis illum afficerent, & contra illum exclamarent: *Quanta audivimus facta in Capharnaum. sic & hic in patria tua*, quasi dicerent: Fieri ne potest quod tam liberalis sis & beneficius erga terrenas alienas, & tam parcus erga patriam tuam, ut ne vel unum in ea miraculum feceris? Hisce verbis contemnebant famosa illa

A 2223

ope

opera quæ dicebantur de Christo, & in faciem ipsi improperebant quod miracula quæ dicebatur fecisse in Capharnaum, & alibi, mœræ fabulæ essent: Christum despiciunt ut se extollant. Talis erat superbia Mariae & Aarons, quando murmurantes dicebant: Num per solum Moysem locutus est Dominus? nonne & nobis similiter est locutus?

Detractio

Ex hac superbia orta est detractio: Patet ex verbis Dei ad illos dicentis: Quare non timuistis detrahere servo meo Moysen? Detractionem Deus hic vocat quod non bene loquerentur de Moysi, consanguineo suo, superiori suo, & viro sanctissimo, & per hoc maxime venerando, ac dignissimo ut à nemine lingua tangeretur, qui nemini vel minimam fecisset injuriam, faceret, aut facere intenderet. Erat enim, inquit Deus ipse, vir mitissimus inter omnes qui morabantur in terra.

Omnis haec circumstantiae valde aggravabant peccatum Marie & Aarons. Grave quidem est detrahere de alienis, sed gravius de consanguineis, sororibus, fratribus, parentibus: Grave est detrahere de subditis, gravius de superioribus: Gravissimum de viris justis & sanctis, qualis erat Moyses: Sanctitas enim per se meretur omnem honorem, respectum, ac reverentiam: Sancti enim sunt dii participativæ, juxta illud Davidis: Ego dixi, dii estis vos; & illud quod dicebat Deus ad Moysen: Constitui te Deum Pharaoni. Hinc expressè mandavit Deus Exodi cap. 22. Diis non detrahes: Quod Gregorius, Cyrus, & Theodoretus, etiam intelligunt de Sacerdotibus, qui quamvis forent malæ vitæ, sancti tamen sunt propter dignitatem: Hoc est quod Hieronymus ait: Absit ut de his aliquid finistrum loquar qui Apostolico gradu succedentes, Christi corpus lacro ore conficiunt, per quos & nos Christiani sumus; qui claves regni cælorum habentes, quodammodo ante judicii diem judicant. Tanto major injuria quanto major persona est de qua detrahimus, & quanto dignior persona quæ detrahit; quo enim dignior est persona quæ detrahit, eo majus pondus habent ea quæ dicit, adeoque facilius creduntur. Ex dictis patet quod gravissime peccarint Maria & Aaron, quod cum illa esset princeps mulierum, hic summus Sacerdos detraherent Moysi, viro sanctissimo, de quo Deus ipse testatur quod esset mitissimus omnium hominum & fidelissimus in domo sua.

Pig.

Præterea peccatum detractionis tam turpe est ut vix invenias qui audeat vel velit fateri se id commisisse, & sic numquam invenies principium ex quo ortum est: Unus ait: Non scio quis hoc dixerit: Alter; alii mihi dixerunt: Alter, non est mihi dictum tanquam res certa: Alter, ego quidem dixi quod audiveram, sed nullo modo credebam. Sic Christus fuit actus in crucem, si petas quis hoc fecit! Omnes se excusant. Diabolus dicit: Ego non feci, dixi enim ut illum dimitterent, apparui in somnis uxori Pilati, eamque misi ad maritum suum, ut illi diceret: Nisi tibi, & iustus illi Iudas dicit: Ego non feci, quia retuli argenteos ad Sacerdotes & fassus sum me tradidisse sanguinem justum. Pharisei dicunt: Nos non fecimus, quia nobis non licet interficere quemquam: Herodes dicit: Ego nolui illum condemnare, propterea remisi illum ad Pilatum: Pilatus lavat manus suas, & dicit: Innocens ego sum à sanguine justi hujus. Sic videmus interdum hominem aliquem malevolorum linguis quasi actum in crucem, quia Iesus est honor ipsius: Quis hoc fecit? nemo: Omnes enim dicunt: Non ego hoc feci; quia tam turpis est detracatio ut pudeat omnes fateri.

Accedebat ad hæc duo peccata, scilicet superbiam, & detractionem, etiam mendacium; dicebant enim: Nonne Dominus nobis similiter est locutus? Erat quidem Deus illis locutus, sed non similiter, vel sicut Moysi: Nam vel per Moysen illis locutus erat, vel apparendo illis in aliqua specie externa, non autem facie ad faciem, sicut Moysi locutus fuerat in monte Sinai.

Iratus iraque Deus, inquit Scriptura, contra eos: Statim locutus est ad Moysen, Aaronem & Mariam: Egredimini vos tantum tres ad tabernaculum fiederis, cumque fuissent egressi, descendit Dominus in columna nubis, & stetit in introitu tabernaculi vocans Aaron & Mariam, & dixit ad eos: Audite sermones meos: Si quis fuerit inter vos Propheta Domini in visione apparebo ei, vel per somnum loquar ad illum. At non talis servus mens Moysis, qui in omni domo mea fidelissimus est: Oremus ad eos loquor ei, & palam, & non per anigmata, & figuratas Dominum videt: Quare ergo non timuistis detrahere servo meo Moysi?

Tacet Moyses, nec se defendit, ideo loquitur Deus pro illo, ipse enim defendit & laudat innocentes qui calumnias patiuntur.

Num

Numquid per suos Prophetas viduis ac pupillis oppressis, promisit dicens: nolite despondere animum, ego enim causam vestram suscipiam, & defendam vos contra oppresores vestros?

Cum filii Israël per solitudinem ambularent, & Madianiti contra illos procederent pugnaturi, dixit Deus: vos tacebitis, & ego pugnabo pro vobis.

Susanna innocens erat damnata ad mortem, nec mora, mittit Deus Danielum, Qui illam defendat, & morti eripiat.

Magdalena, deplorans peccata, multa obloquia, & calumnias patiebatur non tantum à Pharisæis sed etiam ab Apostolis, sed cum illa taceret, locutus est pro illa Christus, & dixit: Quid molesti es tu huic mulieri, bonum opus fecisti.

Dicebant amici Job, fanda & nefanda de illo, arguebant illum innocentem, jactantiæ, impatientiæ, blasphematiæ, hypocrisi, impietatis; intervenit Deus, & laudavit Job, ut contra illorum malevolas linguis ipsum defenderet.

Sciebat hoc David, quod Deus tantus esset innocentium defensor, ideo clamabat Psal. 108. Deus, laudem meam ne tacueris: Orat David ut Deus illum laudet: Quid? numquid ergo vana gloria est expetere laudem humanam? & magna temeritas est velle laudari à Deo? ita est: verum non vanam gloriam querit David, sed roget Deum ut illum defendat contra linguas hostium suorum: Quid inquit, peccatoris, & os dolosum contra me apertum est, tu, o Deus, qui innocentes soles defendere, defende me: unus dicit me esse inustum, ostende ergo justitiam meam, alter dicit me hominem esse superbum, tu ostende humilitatem meam, alter dicit me hominem esse crudelem, tu ostende mansuetudinem meam: Oportet in jejunio animam meam, & factum est in opprobrium mihi: Posui vestimentum meum cilicum, & factus sum illis in parabolam, & psallebant me qui bibebant vinum, confunde illos, & ostende pietatem meam: Alii dicunt: Quando morietur, & peribit nomen ejus? tu ostende innocentiam meam. Hoc est quod David orat: Deus laudem meam ne tacueris, ut me laudando defendas innocentem, contra opprobria, calumnias, & maledictiones hostium meorum.

Sic denique fecit Deus respectu Moysis, laudavit enim illum ut fidelissimum servum suum totius nationis Israëlitice, ut maximum prophetā, ut sanctissimum totius mundi hominem, quo obturaret ora, & compesceret linguas Marie & Aaronis.

Ho



Hoc non contentus Deus : *Nubes* que erat super tabernaculum re-  
fus, & iratus contra eos abiit. Et ecce Maria apparet candens lepra qua-  
snix. Lepra inter Iudeos erat teterimus morbus, quem omnes  
fugiebant sicut nos pestem ; hoc morbo *Maria* hic plectitur, quia  
detraxerat *Moysè*. Ex hac teterima *Maria* lepra docemur, inquit  
*D. Ephrem*, quam grave ac detestabile vitium sit obrectatio.  
Corpus quod leprâ infectum cernebat, speculum quoddam  
fuit animæ quæ non perspiciebatur, cuius indicabat maculam. Ex  
illa carnis putrefactione patefactum est, quomodo hominis detra-  
ctoris corrumpatur animus.

Gravissimâ poenâ punitur *Maria*, quia gravissimum peccatum est  
detractio. Vis videre quam grave sit? audi *Bernardum*: Detractor,  
inquit, & lubens auditor, uterque diabolum portat in lingua.  
Audi *Chrysostomum in Psalm. 100*: Grave malum, inquit, est detrac-  
tio, turbulentus dæmon.

Magna ars est si pictor aliquis uno altero trâctu penicilli  
multa magna simul possit exprimere. Ideo mirum est quod *D. Iacobus*  
*Apolitus cap. 5* duobus verbis totam malitiam linguæ detra-  
hentis complecti potuerit. Lingua, inquit, est animal inquietum. &  
est plenum veneno mortifero : Non poterat quid brevius dici : nihil  
quod magis quotidiana experientia constet. Quis enim non videt  
quam sit inquietum animal lingua. Tota die, inquit *David Psalm. 31*, in-  
justitiam cogitavit lingua tua. Quid hoc significat, cogitavit? Non  
enim lingua cogitat, sed intellectus vel phantasia : Vult ergo *Da-*  
*vid* dicere, linguam esse tam levem & agilem, & velocem, sicut  
sunt cogitationes nostræ, quæ in momento volant ex uno lo-  
co in alium, ex una regione in aliam. Talis etiam, inquit *David*  
est lingua nostra, in momento volat ad omnia loca ; jam saltat  
in monasteria inter religiosos, statim post in chorum inter Ec-  
clesiasticos, mox in domos civicas inter Magistratus, jam in  
aulas inter aulicos, & de omnibus invenit semper aliquid quod  
garriat ac suggillet, vadit quo vult, penetrat omnia quæ vult.  
Ergo, ut ait *D. Iacobus*, animal plane inquietum. Si quis assidet  
mensæ invitatus ab alio, vadit eo, & dicit sicut dicebant de *Chri-*  
*sto*: Potator vini est : Si quis non comedit, sed jejunat, vadit eo,  
& dicit, sicut *Pharisei* dicebant de *Ioanne Baptista*: Daemonium habet:  
Si bene agis, mox tibi adest, & ait: In Beelzebub ejicit demonia :  
Si aliquis patitur, & quasi pendet in cruce, dicit, quod dicebant de

B b b

Chri-

**Christo:** Alios salvos fecit, seipsum non potest sicutum facere: Si dives, dicet lingua quod per usuras bona acquisieris: Si pauper es, dicet quod bona dissipaveris per comedationes & delicias: Si oras, dicet te non habere vel scintillam pietatis: Si oras, dicet te esse hypocritam: Si non faveas pauperi, dicet te crudelem: Si faveas, dicet te hoc facere propter proprium interest: Denique volat usque in cælum ad ipsum thronum divinitatis: David enim dicit Psalm. 77: *Male locuti sunt deo*, quid ergo manifestius, quam quod lingua sit animal prorsus inquietum, quod nullibi durat ut omnia carpat.

Alterum est quod sit *malum plenum veneno mortifero*: Vel ut ait David Psalm. 5: *Venenum aspidum sub labiis eorum*. Scriptura detraetorem passim vocat serpentem: Sic Eccles. cap. 10, dicitur: *Si mordet serpens in silentio, nihil eo minus habet qui occulte detrahit ubi*. Gregorius: Serpens & detractor æquales sunt: Quomodo enim ille mordens venenum infert, sic iste detrahens pectoris virus sui effundit in fratrem.

Detraxisti de altero, & non scit? Serpens es qui mordet, & veneno inficit sine sensu: hoc est quod ait David: *Venenum aspidum*. Hoc genus serpentis habet venenum sub lingua, & est tam mortale ut non sit locus remedio, sequitur necessario mors, sed cum magnis convulsionibus, angustiis, ac tormentis: Est enim venenum urens quod accedit cor donec illud consumat. Vides hic venenum malæ linguæ? mortale est, quia destruit honorem & famam proximi sine remedio, & cum maximis tormentis: De quo dicit Ecclesiasticus cap. 28: *Mors illius mors nequissima, & utilis magis infernas quam illa*. Ignis inferni tam potens est, ut noster respondeat illius non sit nisi piætus, consumit quasi animas & dæmones qui sunt puri spiritus. Lingua autem detraCTORIS inflammatæ est à gehenna, inquit Iacobus Apostolus: Igitur detraxisti de honesta persona, incendiisti famam illius, quo igne? igne inferni. Denique tantum malum est lingua detraCTORIS ut ipse Cicero homo ethnicus dixerit: Detrahere alteri, magis est contra naturam quam mori, quam dolor, quam cætera quæ corpori possunt accidere: Nam tollit convictum hominum, & societatem.

Non est ergo mirum quod Deus tam severe hoc peccatum puniverit in Maria, ut immiserit illi lepram, morbum omnium fædissimum, & qui totum corpus exiguo tempore consumat.

bat. Et quia tam pestilens erat hic morbus, ut reliquos statim inficeret, *Exclusa est*, inquit Scriptura, *Maria extra castra septem diebus.*

Sed quid factum *Aarone*, qui ejusdem culpæ reus erat? evasit poenas: Cum enim, ait Scriptura, vidisset *Mariam* leprosam, statim accurrerat ad *Moysen*, & dixit: *Obscro Domine mi, ne imponas nobis hoc peccatum quod stulte commisimus.* Sine mora confessus est suum peccatum, & confessione illud delevit, & sic liber fuit à poena. Tunc rogavit *Moysen*, ut oraret Deum pro *Maria*; oravit *Moyses*, dicens: *Deus, obscro sanam eam, & sanata est.* & revocata ad castra, ut viveret, sicut prius, in medio populi.

## DISCURSUS V.

*Mittit Moyses viros qui explorent terram promissionis.*

**P**Ost hæc profecti sunt filii *Israël* in *Pharan*, ibique fixere tentoria, dixitque Deus ad *Moysen*: *Mitte viros qui considerent terram Chanaan, quam daturus sum filiis *Israël*, singulos de singulis tribubus, ex principibus.*

Vocavit ergo *Moyses* duodecim principes, & dixit ad eos: *Ite, & considerate terram Chanaan, qualis sit, & populum qui habitator est ejus, utrum fortis sit an infirmus, si pauci numero an plures. Ipsa terra bona an mala: Urbes quales, muratae an absque muro; humus pinguis an sterilis, nemorosa, an absque arboribus. Confortamini, & afferite nobis de fructibus terra.* Cumque ascendissent exploraverunt terram à deserto *Sin* usque *Robob.*

Jam quadraginta dies impenderant explorandæ terræ, quando reversi sunt, & narraverunt *Moysi*, ac populo dicentes: *Venimus in terram ad quam misisti nos que revera fuit lāete & melle; ut ex his fructibus cognosci potest, abscederant enim palmitē cum uva sua,* inquit Scriptura, *quem portaverunt in vēcte duo viri, de malis quoque granatis, & de fiscis loci illius tulerunt.* Sed terra illa, inquietabant, cultores fortissimos habet, urbes grandes atque muratas. Alii vero dicebant: nequam ad hunc populum valamus ascendere, quia fortior nobis est; terra quam lustravimus devorat habitatores suos, populus quem aspeximus, procure statuere est, ibi vidimus monstra quadam filiorum *Enac* de genere Giganteo, quibus comparati locusta videbamur.

Bbbb 2

His

His auditis incœpit populus murmurare, sed Caleb, qui erat unus  
è duodecim qui missi fuerant, compescuit murmur populi, dicens:  
*Ascendamus & possidamus terram quoniam poterimus obtinere eam.* Hæc  
est series totius historiae: Videamus modo quid inde possimus dicere  
ad instructionem morum.

*Adversitatem cum uva sua, idque juxta torrentem botri.* Per torrentem intelli-  
git passim Scriptura, magnos dolores & adversa: Sic ait David de  
Christo Psalm. 109: *De torrente in via bibet, hoc est, multa & gravia  
patietur: Rursum Psalm. 123: Torrentem pertransivit anima nostra, hoc  
est, multa passi sumus.* Per ubam vero significantur dulcedines, con-  
solationes & prospera: Absciderunt ergo palmitem cum uva sua,  
de torrente, illi qui iverant ad terram promissionis: Sed quis un-  
quam vidit vitem aut uvas crescere in torrente? Quis? ille qui ex-  
pertus est viam quæ nos ducat ad terram promissionis cælestem:  
Ibi crescunt uvae & vites in torrente, dulcedo aternæ gloriae in-  
ter dolores & calamitates: In ipsis dolorum torrentibus crescit  
suavitas beatitatis: Nemo enim tantus potest esse peccator, no-  
mo tam sanctus, qui non colligat uvas de torrente ut sic evadat in  
cælum: Dum cæditur vitis, & lacrymas fundit, per lacrymas &  
vulnera paratur ad proferendas uvas, & generosissimum vinum:  
Numquid à duobus discipulis suis petiit Christus, an possent bibere  
calicem passionis suæ? Quare hoc? Quia petebant primas sedes in  
regno Christi, illic, inquit David, propinabit Christus plenos calices  
voluptatum, illic beatæ animæ inebriabuntur ab ubertate demus Dei,  
sed prius epotandus calix passionis, vinum enim illud cælestè non  
crescit nisi in torrente, de quo Christus ipse, juxta Davidem, tam large  
bibit in via.

Et quare putas ex aqua vinum factum in Cana Galileæ, quod  
ut gustavit Architrichinus, dixit se nihil ad id temporis gustasse  
mercius, & generosius, nisi ut intelligamus, ærumnarum ac lacry-  
marum aquas in vinum verti beatitatis? Ideo Christus tum mentionem  
fecit beati calicis, cum suum cruorem effundendum pra-  
dixisset in cœna. *Hic est inquit Marth. cap. 26, sanguis meus qui pro multis  
effundetur in remissionem peccatorum: Dico autem vobis, non bibam &  
modo de hoc genimine vitis usque in diem illum, cum illud bibam vobis  
novum in regno patris mei.* Illius convivii numquam meminerat:  
Nunc primum de illo agit, quia copiose egerat de suis suppliciis per-  
ferendis.



ferendis, æternitatis enim deliciæ seruntur per calamitates & vulnera, spinæ quas hic patimur in coronas mutantur, crucis in thronum, calix doloris in calicem gaudii, aqua tribulationis in vi-  
num quod Beati bibunt in cælo, fel mutatur in mella, mons Cal-  
variæ in cælum. Sanguis meus, inquit Christus, effundetur,  
sed inde nascetur vinum quod vobis cum bibam in regno cæ-  
lorum.

Proinde merito credidit David, se destinatum ad gloriam æter-  
nam, quia prævidebat sibi impendere ærumnas; dicit enim Psalm.  
21. Video quoniam tribulatio proxima est, & cum texuisset Catalogum  
eorum quæ patiebatur, tunc exclamavit: Apud te, Domine, laus mea  
in Ecclesia illa magna cælorum. Hic deprimor, ergo ibi exaltabor.  
Tanta est æternitatis beatæ cum dolore conjunctio! Nostra est bea-  
titudine, si deprimimur, & non refugimus pati.

Dicit Ioannes Apocal. cap. 21, quod Deus in cælo absterget omnem  
lacrymam ab oculis sanctorum: Ergo prius flevere qui nunc exul-  
tant præ gaudio, veneruntque non sine cruento ex pugna mortali-  
tatis, quia prius, ut ibidem ait Ioannes, coacti fuere lavare stolas suas  
in sanguine agni. Vocabatur Elias in montem Horeb, ut illic vide-  
ret Deum, sed debebat illud iter confidere per tædiosum desertum  
ubi nec ullus homo apparebat, nec fruges quibus vesceretur, sed  
unico subcinericio pane & frigidæ potu contentus, nullo alio per  
quadraginta dies alimento confortatus.

Non possumus Deum videre in cælo nisi patiamur, alioquin ve-  
rum non esset quod ait Apostolus: Per multas tribulationes oportet in-  
troire in regnum Dei. Hoc primum.

2 Reflecto ad illa verba: Detraxerunt, illi nempe qui missi fue-  
rant à Moysi, terræ promissionis quam inspexerant, apud filios Is-  
rael, & statim incœperunt illi murmurare. Ecce, illi male loquun-  
tur, & mox populus, incipit male loqui; Hoc est quod Paulus ait,  
Colloquia prava;  
1. Cor. cap. 5: Nolite seduci, corrumpunt bonos mores colloquia mala: Non  
loqui mihi, sed tonare videtur Paulus, cum has Corinthiis, de collo-  
quiis leges præscribit. Nam pravitate sermonum non elidi podo-  
rem ait: Multenim succumbunt, sed revalescent, & prostrati vi-  
storiam referunt. Non vulnerari ait: Multi enim vulnera refe-  
runt, sed post vulnera iterum sanantur, & triumphant. Non dicit  
malis colloquiis innocentiam perdi: Sed corrumpunt, inquit, bonos  
mores, colloquia mala: Hoc est, nihil relinquitur in audiente quod  
Bbbb 3 non

non sit obnoxium corruptelæ : Et hoc agunt ista colloquia non in mores pravos , sed probos, qui à corruptione longissime aberant, Ut scias hujus veneni tantam esse perniciem , ut ea quoque corrumpat , quæ videbantur minime posse corrumpi. Vox una satis est aliquando, ad totum hominem, quantumvis pium , corrum pendum.

Paucis verbis utebatur Absalon ad eos qui veniebant ad aulam patris sui, pro negotiis suis, dicens : *De qua civitate es tu?* Videntur mihi sermones tui boni, sed non est qui te audiat. *Quis me constitutus judicem⁹* Quid inde secutum? tumultus in populo contra Davidem , ipse fugatus ex aula, intrusus in imperium rebellis patri Absalon, cedes ex utraque parte innumeræ , ut mirum sit quomodo ex tam parva scintilla, tantum potuerit excitari incendium, nisi sciremus tantam esse pestem colloquii pravi ut firmissima quæque corrumpat, quando illa vel tenuissima stilla asperserit.

Vidit olim Iudea Pilatum clamoribus, delationibus, & accusationibus Scribarum & vulgi reluctantem , ac dicentem : Nullam invenio in Christo causam mortis : Sed mox ita succubuit, ut adjudicaret fieri petitionem eorum, cæsumque virgis , spinisque coronatum, non damnavit solum, sed etiam medium inter latrones egit in crucem.

Quibus ille munericibus deflexus est à justitia ? nullis. Quia territus seditione aut apparatu armorum dejectus è solio æquitatis ? nullo. Solis verbis inde dejectus est.

Sed fortasse longa oratione quam aliquis habebat eloquentiā tantā ut esset digna Demosthene vel Cicerone : nihil minus: Vix decem verbis ex optimo iudice factus est parricida innocentis: Et quæ illa verba ? *Si hunc dimittis, clamabat populus, non es amicus Cæsar⁹.* Si tu tantam in tali præside corruptionem & inconstantiam miraris, ego sane non miror : Quia tam paucæ voces : *Non es amicus Cæsar⁹,* fulgor illi videbantur, quo in extremas miserias à Cæsare projiceretur : Tantum veneni secum trahit vel brevissimus cursus non bonus, ut totum Pilatum corrumpat.

Cum fratres Patriarchæ Iosephi , pascerent oves in agro , & de longe vidissent illum advenientem, cogitaverunt , inquit Scriptura Genes. cap. 37, illum occidere ; an aliquid ipse novi contra illos commiserat ? exacerbarat illos prius narratione somniorum suorum, accusarat illos apud patrem de crimine pessimo quod olim commiserant.

miserant : Antiqua illa erant : Cur jam de novo deliberant illum occidere, si nihil ille novi commiserat & audi. *Cogitaverunt*, inquit Scriptura, *illum occidere, & mutuo loquebantur*, ecce somniator Venit : Mutuis sese colloquiis in fratris necem concitatavere, & per ista colloquia, invidia illorum quæ jam latebat sub cinere, exarsit in flamas, hinc cogitaverunt illum occidere, & unde hæc flamma & quia mutuo loquebantur.

Denique sermones iniqui & mendaces illorum qui fuerant missi interram promissionis quibus terram illam descriebant plenam crudelissimo hominum genere, ac monstris, ita seduxerunt populum Iraeliticum, ut Moysen contempserit, in Aaronem lapides corriperit, & reverti voluerit in Ægyptum : Et quamvis alii conarentur illos componere, dicentes, esse terram fluentem lacte & melle ; non timeatis, inquietabat populum terra hujus, quia sicut panem eos possumus devorare, Dominus nobiscum est, nolite metuere. Sed tantum abest ut tali sermone illos componerent, ut eo magis concitarentur ad murmurandum, & jam lapidibus obruerent Moysen, & Aaronem, nisi Dei nubes se interposuisset, & liberasset à morte ; mox in illos à Deo lata sententia est ut nullus eorum terram promissionis ingredetur, feriam enim illos, inquit Deus, pestilentia, atque consuam. Videntur quam severa sit divinitus in tumultuantes quos videt malis colloquiis depravatos ? Et merito : Raro enim extinguitur incendium, quod per malam linguam excitatum est.

Hinc tanta cura ac sollicitudo in parentibus Romanis, ut nullum impurum verbum proferretur ubi puer aderat, ne teneris animis semel imbibitum, numquam deinde deleri posset. Quia super re acerrime Bernardus excurrit Serm. 24 in Cant : Unus est, inquit, qui loquitur, & unum tantum verbum profert, & tamen illud verbum, uno in momento, multitudinis audientium, dum aures inficit, animas interficit.

Hoc tandem est quod ait Paulus : Corrumptunt bonos mores colloquia prava, sed præ cæteris impudica, quæ passim in consortiis juventutis, & non raro, etiam inter variæ conditionis homines, in conviviis habentur, non tantum quibusdam involucris testa, sed etiam aperta, & dum vinum quod lætitificat cor hominis bibitur, sparguntur spumæ inferni, & sputa diaboli (sic enim verba impudica vocat Peraldus) quæ animas inficiunt.

Eg

Et in hoc multi Christiani, quod pudor est, pejores sunt ethnici. Accipio Scripturam in testem Daniel cap. 5, ubi describit convivium illud Balthasaris regis Babylonie, in quo nihil deerat quod poterat fræna laxare luxuriæ; aderat quidquid deliciarum habet aer in avibus, sylvæ & campi in quadrupedibus, flumina & mare in piscibus, aderant maximi totius imperii principes, aderant uxores eorum & concubinæ, omnia denique ad incendendam libidinem composita: Nihilominus tamen post hæc omnia dicit Scriptura: *Bibebant vinum, & laudabant deos suos.*

Quis unquam credere potuisset, nisi Scriptura diceret, idololatrias, & Babylonios quidem, hoc est, in civitate quæ sibi similem non habebat in licentia & luxu; imo & principes, qui nihil sibi illicitum esse existimant, non effudisse se in omnem quidvis loquendi licentiam? nihil simile: Non disputabant de feminarum capillis, ac cirris: Non quærebant an passi an adstricti crines plus arriderent in femina, quinam oculi acriores glauci an subnigris: Non disserebant de petulantia quovis usu, abusuque lasciviarum: Quid ergo? *laudabant deos suos:* Quis non stupeat? mille ex Principibus, Babylonis accumbebant mensæ, & nemo erat qui non laudaret Deos suos, nemo qui verbum impudicum proferret, sed *laudabant Deos suos*, etiam inter vina, inter omnes delicias, in consortio tot levium feminarum agebant deis suis.

Quis jam inter epulas meminit Dei? Quis in conviviis loquitur de cælo? *Affyriorum* princeps Balthasar, ita cum principibus epulabatur, ut à Deorum suorum laude non interquiesceret: *Bibebant vinum, & laudabant Deos suos:* Inter pellices & concubinas disserebant de diis idololatriæ. Christiani vero, tantum abest ut Deum laudent, ut è contrario non pauci cælum sermonibus impuris oppugnant. In *Affyriorum* vino supernatabat religio, in Christianorum vino religio non semel submergitur: *Babylonii* infundebant quasi cælum in calices suos, dum laudarent Deos suos, & infundent Christiani in calices suos sordes linguarum suarum, quibus & se, & alios inficiant? ergone convivari non possumus, aut nos oblectare, nisi oculis, nisi animo, nisi lingua fornicemur? Pergamus ad alia.

*Iudiciahū-* Tertium quod reflecto in verbis eorum quos *Moses* miserat in manu non terram promissionis, est illud, quod ex una parte essent qui tercuranda, *ram istam laudarent in summo*, dicentes, terra est quæ fluit lacte

& melle, ecce portavimus nobiscum fructus illius, palmitem uvae, qui ut videtis, tantæ magnitudinis est, ut debuerit portari in vec-  
te: Videtis etiam malo-granata & ficus quas attulimus, omnes præstantissimos fructus, hinc potestis colligere quam sit felix ac férax regio. Præterea incolæ non adeo fortes sunt ut eos superare non valeamus, quare magno animo estote, & noli-  
te timere.

Ex alia vero parte dicebant alii: Terra quam lustravimus devo-  
rat habitatores suos, populus quem aspeximus, proceræ stature est: ibi videt-  
mus monstra quedam filiorum Enac, de genere giganteo, quibus comparati  
locustæ videbamus.

Primi omnia facillima faciebant, & animabant populum ut  
viam versus terram promissionis arriperent: Secundi omnia fa-  
ciebant molestissima, & terrorem populo incutiebant, ne iter illud  
prosequebantur. Primi repræsentabant angelos bonos, qui nos  
assidue animant ut prosequamur iter quo tendimus ad terram pro-  
missionis cælestem, ostendentes illud non esse difficile, terram il-  
lam esse lacte & melle manantem, & locum omnium delicia-  
rum ac voluptatum. Secundi repræsentabant angelos malos, qui  
nobis persuadere conantur iter illud plenum esse monstros, quæ  
homines devorent, & gigantibus, quibus non possimus resistere.

Via qua ad cælum tendimus, sunt mandata Dei ac virtutis: Hoc  
unum nobis occidunt angeli, quod ait *Iohannes Epist. 1 cap. 1: Manda-*  
*ta Dei gravia non sunt, & quod ait Christus Matth. cap. 11: Iugum meum*  
*suave est, & onus meum leve.*

Mandata Dei gravia non esse probant 1. *Augustinus lib. de*  
*grat. Christi, cap. 16*, dicens: Gravia non sunt, quia non trahunt deor-  
sum: Quidquid enim grave est, ut lapides, lignum, ferrum, terra &c.  
& per se cadunt deorsum, & alia secum trahunt. Mandata vero Dei,  
inquit *Didymus Alexandrinus*, hominem levant in altum, ergo non  
sunt gravia.

Explicat hoc similitudine *D. Bernardus Epist. 72, ad Ramaldum*: Le-  
ve est, inquit, quod portantem non gravat, sed levat: Ubi, inquit,  
occurrit de pennis avium, mirum opus naturæ: Unde grossesit  
materia, inde sarcina levigatur, & quantum crescit in massa, tan-  
tum decrescit in pondere. Hoc plane in pennis similitudinem  
oneris Christi exprimit, quod & ipsæ ferant à quibus feruntur.

CCCC

Præ-

570  
Prægrandium alæ volucrum, grave in se pondus habere videntur,  
co tamen ciconiæ, ardeæ, aquilæ pernici feruntur per aera volatu:  
Ipsæ ferunt à quo feruntur, & ut ait Poeta, sine pondere habentia  
pondus.

*Amor om-  
nia vincit,*  
Inde concludit *Augustinus in Psalm.* 122, nihil esse tam grave,  
cui amor non addat alas: Ascendit, inquit, volando, qui af-  
ficit amando; D. quoque *Bernardus Serm.* 43, in *Cant.* ad il-  
la verba, *Canticorum Cap.* 1: *Fasciculus Myrræ dilectus meus mihi.*  
Non fascem, inquit, sed fasciculum dilectum dicit, quod leve præ  
amore ipsius ducat, quidquid laboris immineat aut doloris. An  
non fasciculus jugum *Christi*, quod ait esse suave, & onus leve?  
Non quia leve in se, sed leve tamen amanti: Considerate dumta-  
xat, inquit, *Augustinus in cap.* 26, *Matth. Tom.* 10 *Pag.* 152, quanta amor  
reprobis atque lascivus faciat, quam dura, & intolerabilia per-  
tulerunt ut pervenirent ad ea quæ amaverunt: Sive sit amator  
pecuniaæ qui vocatur avarus, sive sit amator honoris, qui voca-  
tur ambitiosus, sive sit corporum pulchrorum amator, qui vocatur  
lascivus: Et quis posset considerare omnes amores? Considerate tamen  
quantum laborent omnes amatores, nec sentiunt quod labo-  
rent &c. Sic *Augustinus*.

Consideremus hoc ergo, ut monet *Augustinus*, in variis exem-  
plis: 1. Quid non pertulit Patriarcha *Iacob* pro *Rachele*, ut illius amo-  
ribus potiretur? dicat ipse met: *Die nocteque*, inquit *Genesi cap.* 29,  
*œstu urebar & gelu*, fugiebatque somnus ab oculis meis, idque per qua-  
tuordecim annos, & post hæc omnia, inquit *Scriptura*, tot  
anni videbantur illi dies pauci, præ amoris magnitudine. Optime  
ergo ait, *Bernardus Serm.* 14, in *Cant.* Ubi amor est, labor  
non est.

2. Domicella quædam, ut ad tempora nostra veniamus, dete-  
stebat conjugium adolescentis, qui claudicabat, nam crus sibi pau-  
lo ante confregerat. Ubi amasius hoc intellexit, mox chirurgum  
advocat, & denuo acerrimo doloris sensu, crus sibi confringi, & re-  
cta configi curavit: Miraris? amabat, & ideo leve illi videba-  
tur quod patiebatur. Sed nulla res, inquit *Augustinus*, amanti dif-  
ficilis

3. Fuit nobilis aliquis qui digitum auricularem sibi præscidit,  
cumque litteris insertum in pignus amoris ad suam amasiam deli-  
navit: Alter cum forte acutum super puellæ pectus conspexisset,  
subla-



sublatum ori inseruit, dicens tanto se eam amore diligere, ut acum libens in illius gratiam deglutiret, fecit, & extinctus est. Denique fuit qui biberis ad sanitatem amasæ suæ, non modo vitrum exsiccavit; sed insuper omnes margines dentibus comminuit, & vitri fragmenta avidissime devoravit, & vitam amisit. Monstra illa sunt amoris, terribilia sunt: Sed amor, inquit, *Chrysostomus Serm.* 40, nec vulnera curat, nec ferrum, nec mortem; si amor est, vincit omnia.

Summa, si amas, non potest tibi via quæ dicit ad terram promissionis gravis esse, aut difficilis, quia nullum Dei mandatum est quod non sit leve, facile, & suave amanti.

Aut tu dic mihi quænam ex illis tibi gravia, videantur. Forte inimicos diligere, illis parcere, aut benefacere? nullus habuit majores hostes quam *David*, nemo libentius illis condonavit: An grave æstimas servare pudicitiam? Quomodo ergo tot millia virginum, tanta cum hilaritate illam servarunt? Quare merito petebat interdum à se *Augustinus*: Non poteris quod isti & istæ?

Dices fortasse quod audimus alios aliquando dicentes: Illi erant sancti: verum dicas, sed homines tamen erant ut tu, ex eadem materia facti erant qua tu: Si tu ex carne es, non erant illi ex ære, non erant alterius naturæ quam tu.

Quis sanctior *Elias*? Tamen, inquit *Iacobus Apostolus Cap. 5: Homo erat, similis nobis*, & obnoxius passionibus, qui habebat affectus & motus humanos: jam irasciebatur, jam melancholicus erat, jam premebat illum fames, & sitis, & lassitudo, & alia incommoda, sicut nos: Vide tamen quanto animo fuerit ac fortitudine: Impetravit à Deo ut lingua ejus fieret clavis cœli, ut illud modo aperiret ad fundendos imbre, aut ignes juxta suam voluntatem, modo illud clauderet ut non plueret: Nihil illi erat difficile, quia totus ardebat amore in Deum.

Lego in libro *Iosue cap. II.* Quod *Iosue* supremus exercitus Israëlii dux, universa compleverit quæ præceperat Deus *Moysi*, & *Moyses* illi: Non præteriit, inquit Scriptura, de universis mandatis vel unum quidem verbum quod jusserrat *Dominus Moysi*. Et hic, homo erat sicut & tu, sed sanctus quia Deum amabat; ideo ardua quæque levia videbantur, tu vero, quia non amas, omnia difficultia tibi vindicentur.

Cccc<sup>2</sup>

Lego

Lego 2. apud S. Lucam cap. 1 de Zacharia , & ipsius uxore Elisabeth: Erant ambo ante Deum incedentes in omnibus mandatis, & justificationibus Domini, sine querela.

Non in aliquibus tantum mandatis, sed in omnibus, nec in mandatis tantum, sed etiam in justificationibus, hoc est, in omni genere devotionis ac pietatis. Et quod non minus mirabile est, vivebant in matrimonio *sine querela*.

Ethi homines erant sicut & tu, ex eadem carne constantes, & passionibus humanis obnoxii, sed sancti erant, quia Deum sincere amabant, ideo nullum erat mandatum, nulla justificatio, que illis non videbatur non levus: Tu vero quia non amas in plurimis quae occurrunt in matrimonio pracepta à Deo, facis difficultatem;

Attendis diabolo & carni dicenti tibi, sicuti olim illi exploratores terrae promissionis ad filios Israel: Terra illa quam vidimus, habitatores habet fortissimos: Vidimus ibi monstra quædam de genere gigantæ qui devorant homines, monstra quædam, quibus comparati locustæ videbamur.

Ecce omnia tam terribilia & horrenda, ut populus illis auditis, exclamaret. Nequaquam ad hunc populum possumus ascendere. Interea omnia erant mendacia, Scriptura enim dicit, detraherunt terra quam insperaverant.

Tu quoque territus falsis imaginationibus, dicis, non possum hoc, non possum illud: contrarium est verum, inquit Augustinus Serm. 61, de temp. Nam in omnibus Scripturis, inquit, dicit tibi Deus, quia potes, tu vero è contrario respondes te non posse: Considera nunc utrum Deo, an tibi debeat credi: Et ideo quia veritas mentiri non potest, relinquat vanas excusationes suæ humana fragilitas, quia nec impossibile aliquid potuit imperare qui iustus est, nec damnatus hominem pro eo quod non potuit vivere, qui pius est.

Optime vocat Augustinus vanas excusationes eorum qui dicunt se non posse: Non poteris, ut alibi ait, quod isti & istæ, tot milia fecerunt? dicis illi fuerunt sancti; Vana excusatio, quia nihilominus homines fuerunt ut tu, quare non posses esse sanctus ut illi? Dices, non habeo tantas gratias ut illi; vana excusatio, habes si vis, et enim axioma Theologorum, factu quod in te est. & Deus faciet quod in te est: Invenio, inquies magnas difficultates; vana excusatio,

rio, ama Deum, & non invenies, nihil enim difficile est amanti: Piger es, ideo quadrat in te quod ait, *Salomon Prov. cap. 22: Dicit piger: Leo est foris, in medio platearum occidentis sum: Nullum virtutum genus tibi esse videtur quod non leoninam ferocitatē prae se ferat.* Exhorrescis jejunia ut noxia sanitati, times egestatem si deseleges synas, ex remissione injuriarum times labē nomini tuo inurendam, phantasiae sunt quæ tibi amor proprius, & diabolus suggesterit, vel ut ait, *David Psalm. 93: Fingis laborem in praecetto:* Phantasiae sunt, si enim vere amares, nihil tibi foret difficile pro Deo & cælo, sed dices cum caleb & Iosue, duobus sanctis exploratoribus terræ promissionis: Terra illa cœlestis quo tendimus, fluit lacte & melle, ascendamus ergo, & posidemus eam, quoniam facile poterimus obtinere eam. Non sunt leones in via qui te decerpant, tu fingis hoc, non sunt talia monstra quæ te devorent, tu fingis hoc, quia credis diabolo, non sunt ibi gigantes qui te terrent, tu fingis hoc, tantum ama, & omnia tibi fluent lacte & melle.

## DISCURSUS VI.

*Punitur quidam qui ligna colligebat die Sabbathi.*

Cum castra filiorum Israël adhuc versarentur in deserto Pharan, contigit ut quidam ex illis colligeret ligna die sabbati, quem cum invenissent, obtulerunt eum. inquit Scriptura, Moysi & Aaron, & universa multitudini, qui recluserunt eum in carcere, ne scientes quid super eo facere deberent: Dixitque Dominus ad Moysen: Morte morietur homo iste, obruat eum lapidibus omnis turba extra castro, cumque eduxissent cum foras, obruerunt lapidibus, & mortuus est, sicut præceperat Dominus.

Hic vides quam severe puniat Deus violatores festorum, etiam in re non admodum gravi, qualis erat aliquot ligna colligere. Hinc ulterius colligere potes quanti faciat Deus dies sibi dictatos. Hanc occasionem, arripiam, agendi de celebrationefestorum, in qua hodieque passim peccatur.

Dico, Principium mundi, simul fuit principium Sabbathi apud Iudeos, & diei Dominicae apud Christianos. De Sabbatho quidem ait Scriptura Genes. cap. 2, postquam narraverat opera omnia quæ

CCCC 3

Deus

Deus sex diebus creaverat, benedixit, inquit, diei *septimo*, & sanctificavit illum, hoc est, inquit *Lippomanus*: In illo die benedictiones & laudes fieri voluit, sibiique consecravit, sanctificare enim idem est ac ad divina obsequia applicatio. Postea sub *Moyse Exodi cap. 28*, illum publicari voluit sub præcepto, dicens : *Memento ut diem Sabbati sanctifices.*

De Dominicō vero dicenter Christianos, sic ait antiquum quodam Concilium, quod habetur *Tom. 1 pag. 757*: Ex Apostolorum traditione, & Ecclesiæ authoritate descendit : Mos inolevit ut diem Dominicū venerabiliter atque honorabiliter colamus, quoniam eo die Christus à mortuis resurrexit, eo die Spiritus Sanctus super Apostolos de cælo descendit.

Dico 2. Exigebat & Dei majestas, & natura hominis ut talis dies institueretur. Dei quidem majestas, ut nos illo die totos impendremus ejus divinis obsequiis, qui totos dies impendit in conferendis nobis novis beneficiis. Exigebat hoc etiam natura hominis, quæ consistit in duabus partibus, quarum una terrena est, & deorsum trahit, scilicet corpus : Altera æterna & immortalis, scilicet anima. Sicut ergo, inquit *D. Antoninus Sum. Theolog. Tit. 14 cap. 4*. Corpus indiget aliquo tempore ad refectionem suæ, quæ fit per somnum, comestionem, & hujusmodi, alias deficeret in operando & vivendo ; ita & anima indiget refectione spirituali, ne deficiat, quæ fit per orationes & alia spiritualia : Adeoque postquam homo sex solidos dies impendit negotiis suis sæcularibus & temporalibus, necesse erat, ut saltem unum diem impenderet Deo, & animæ.

Videte modo quanti Deus fecerit illum diem obsequio suo destinatum. Patet i ex illis verbis : *Memento ut diem Sabbati sanctifices*; Ubi reflexit *D. Bernardinus Tom. 2, Serm. 10 A. 1*, ad illud verbum *Memento* : In nullo inquit, aliorum præceptorum posuit verbum istud *Memento* : Præviderat enim humanæ fragilitatis conditionem, & quantum aliis diebus hebdomadæ, mundanorum sollicitudines memorias hominum occuparent, ideo addidit, *Memento*, vide ut inter omnes tuas curas, & negotia sæcularia, numquam obliuiscaris diem Sabbati sanctificare, ut saltem unum diem tribuas Deo, quando tot dies tribuisti mundo.

<sup>ket-</sup> 2 Hoc saepius postea voluit Deus inculcatum *Iudeis*, Sic lego quod præceperit *Ieremie* prophetæ, ut nomine suo diceret civibus



Ierosolymitanis: Vade, inquietabat Deus ad Ieremiam, & sta in porta filiorum populi, per quam ingrediuntur reges Iuda, & egrediuntur, & in canitis portis Ierusalem, & dices ad eos: Audite verbum Domini reges Iuda, & omnis Iuda, cunctique habitatores Ierusalem, haec dicit Dominus: Custodite animas vestras, & nolite portare pondera in die Sabbati, & nolite ejicare onera e domibus vestris in die Sabbati, & omne opus non facietis.

Et quia Iudei, similia faciebant diebus Sabbati, graviter illos corripuit Esdras Propheta & princeps. In diebus illis, inquit lib. 2 cap. 13, Vidi in Iudea calcantes torcularia in Sabbato, portantes acervos, & onerantes super asinos vinum, & uvas, & fucus, & omne onus, & inferentes in Ierusalem die Sabbathi, & inferentes pisces & omnia venalia, & obiurgavi optimates Iudea, & dixi eis: Quae est haec res mala quam vos facitis & profanatis diem Sabbathi? Numquid haec fecerunt patres nostri? adduxit Deus super nos omne malum, & super civitatem hanc, & vos additis iracundiam super Israel violando Sabbathum.

Deus per Ieremiam, volebat monitos reges, per Esdram alios magistratus, ut sedulo invigilarent ne quid committeretur contra Sabbathi sanctitatem, & in faciant, minatur illis supplicia. Nondum vides quanti fecerit Deus dies festos?

Similiter etiam Christus eius filius: Quia quandocumque erat aliquod festum Ierosolymis, ipse eō se conferebat, reverentia & devotionis causa, ut loquitur D. Antonius de Padua. Sic ait D. Lucas cap. 2, Cum factus esset annorum duodecim ascendit Ierosolymam cum parentibus secundum consuetudinem diei festi. Sic etiam iohannes cap. 5: Erat dies festus Iudeorum, & ascendit Iesus Ierosolymam. Item cap. 7: Erat in proximo dies festus Iudeorum Scenopegiae, & ascendit Iesus, & ingressus est templum.

Hicce positis dico 3 dies festos celebrari debere per vacationem ab omni opere servili. Hoc docuit Deus ipse suo exemplo, cum enim sex diebus operatus fuisset in creando mundo, septimo die, requievit, inquit Scriptura, ab omni opere.

2 Hoc expresse mandavit Exodi cap. 20: Non facies omne opus in eo, quod paulo post declarat Levit. cap. 23: Nullum servile opus facies; Quanam autem illa opera servilia sint in particulari, longum esset recensere, & plerique hoc norunt.

Dico igitur 4 cum Augustino lib. de Spir. & lit. cap. 15: per abstinentiam ab opere servili, etiam intelligi abstinentiam à peccato:

Dicit

Dicit enim Deus, volo ut sanctificetis dies festos, sanctificare autem est non peccare: Sic etiam dicit *Glossa*: Etiam peccatum est opus servile, *omnis enim*, ut ait *Ioannes cap. 8*, qui facit peccatum, servus est peccati. Hinc *D. Thomas 2.2. quest. 122* putat, quod ille magis faciat contra praeceptum de sanctificatione Sabbati, qui facit peccatum die festo, quam qui facit aliquid opus corporale de se licitum; Confirmat hoc auctoritate *S. Augustini*, dicentis *lib. de 10 Chordis*: melius ficeret *Iudeus* aliiquid utile in agro suo, quam seditionis in theatro, die festo existeret: Et melius feminæ eorum die Sabbati lanam ficerent, quam si toto die in neomenis suis saltarent.

Accedit *Origenes Hom. 23 in Numer*: Qui peccat, inquit, die festo, agere non potest diem festum, quia agit diem peccati.

Nihilominus tamen videmus in dies festos reservari choreas, tripudia, comædias, crapulam, comedationes, spectacula profana, ludos, excursiones ad villas, convivia &c. ita ut merito exclamat *S. Antoninus p. 2 Sum. Theol. Tit. 9 cap. 7*: Heu miseranda cæcitas Christianorum! qui plura saepè peccata faciunt, & graviora in diebus festivis, quam per totam hebdomadam: Nam cum aliis diebus oporteat eos diversis exercitiis laborare ut possint vivere, diebus festivis, quando deberent laborare pro anima, & Deo vacare, implicant se multis vitiis.

Hoc inter multa peccata quæ commiserat *Augustinus*, nominatim deplorat in suis confessionibus: Ausus sum, inquit, o Domine, in solemnitatem tuarum celebritate, intra parietes ecclesiæ tuae, concupiscere, & agere negotium procurandi fructus mortis.

Merito hoc deplorat, nam ut ait *D. Bernardinus Tom. 2. Serm. 10. cap. 1*. Quam execrabilis sit festivis diebus vacare lasciviae, cantibus, & choreis, comoediis, portationibus, tempus terere, quis exprimere potest? non enim deliciis & epulis carnalibus diem dominicam deputavit Deus, sed sacris exercitationibus, verbo Dei audiendo, frequentando Sacraenta, orationi &c.

*D. Bernardus* etiam *Serm. de natali S. Ioan. Bapt.* sic perstringit illos qui hoc modo prædicto dies festos transfigunt: *Ioannes* corpus castigat, extenuat, & afflit, vos indui festinatis byssō & purpura, & splendide epulari: Hiccine est præsentis totus honor dei? hæc *Baptistæ* reverentia tota? & cuius celebratis natalem? nonne illius qui in cremo fuit hirsutus ueste, confectus inediâ? & in his totu

vestr

vestra versatur celebritas, in gloria vestium, & voluptate ciborum?  
Putant SS. Patres & alii numquam magis diabolum rem suam  
agere ut homines peccent quam diebus Dominicis & festis. Hæc  
est 1. opinio S. Leonis Papæ Serm. 3 de quadrag. Non definit, inquit,  
nobis antiquus hostis laqueos peccati ubique prætendere, sed tunc  
maxime aduersus Christi membra sœvire, quando ab eis sunt sacra-  
tiora celebranda mysteria.

Hæc est etiam opinio S. Bernardini Tom. 2 Serm. 10: Statuit, in-  
quit, Deus sacras solemnitates & dies festos, ut cessaremus à vitiis,  
vacaremus ab operibus mundanis & insisteremus divinis: Sed insi-  
diante humani generis inimico, quod statutū fuerat ad Dei gloriam,  
& nostram salvationem, jam conversum est ad Dei ignominiam,  
& nostram damnationem.

Quod paulo latius deducit. Scriptor quidam insignis hujus sæ-  
culi: Sciens, inquit, malignus serpens diem Dominicum & alia fe-  
sta ab Ecclesia præcepta & instituta esse, ad exhibendum Deo &  
sanctis specialiorem, & reverentiorem Dei cultum; ad exhibendum  
pro divinis beneficiis, & patrocinio Sanctorum debitam gratitu-  
dinem, atque ad animarum profectum, hisce se totis viribus oppo-  
nit diabolus, hominesque illis diebus plus quam aliis ad dissolu-  
tiones instigat, ut fructum impedire possit; & licet mercatus, & ludos,  
& comœdias, & venationem, & vanos discursus & insolentias in  
tempulis, differre possit ad alia loca & tempora, mavult tamen illa  
fieri festis diebus quando sacrificia, & divina obsequia celebrantur.  
Hoc est quod etiam Thomas à Kempis, experientia se didicisse affir-  
mat, nempe quod Sancti circa festa solemniora magis tententur  
quam alias.

Dico 5. non sufficere, ut festa celebremus, cessare à servilibus  
operibus, & non peccare, sed etiam celebranda esse cum pietate  
ac devotione, & exercitio virtutum quas tam commode, propter  
negotia sœcularia, non possumus exercere diebus feriatis.

Probat hoc D. Thomas Opusc. in Decalog. ex variis Scripturis: Deut.  
cap. 5: Observa diem Sabbati ut sanctifices eum. Exodi cap. 14: Custodite  
Sabbatum meum, sanctum est enim. Exodi cap. 35: Septimus dies vobis erit  
sanctus. Ergo inquit S. Thomas, hic dies datus est ad sancta ac pia  
opera facienda. Ideo enim voluit Deus nos ab omni opere corpo-  
rali vacare, ut nos daremus operibus animæ, corporalia enim im-  
pediunt spiritualia.

D d d d

Hinc

Hinc videre potestis quantum absint à celebratione festorum, qui uno sacro audito contenti, reliquum diem impendunt conversationibus, deambulationibus, ludis, recreatiunculis, quod non facerent diebus feriatis suis negotiis occupati adeoque minus agunt pro Deo diebus festis. quam diebus feriatis; imo istis diebus sape summo mane veniunt sacrum audituri, ut tanto expeditiores sint ad sua negotia, diebus vero festis vel otiantur in lecto, vel vacant comendo corpori, & veniunt audituri postremum sacram: Hoc non est diem Domini celebrare, sed diem corporis sui, & sensualitatis.

Audiamus porro ex Patribus quomodo antiqui Christiani diem Dominicum aliaque festa, præsertim martyrum celebrarint. 1, toti vacabant orationi, ideo *Constantinus* imperator, ut scribit *Eusebius lib. 4, de vita Constant. cap. 18*, solebat vocare diem Dominicum, *diem orationum*, & certas preces instituerat ipse quibus ejus aulici uterentur: Toto quidem vitæ cursu, singulisque diebus orandum est, sed qui diebus festis, non sæpius, & diutius orat, aut non satis religiosus est, aut Christianus non bonus.

2 Antiqui Christiani confitebantur illis diebus, & communicabant: Clare enim scribit *Augustinus lib. 6 Confess. cap. 2*, ad memorias Martyrum *Communicationem corporis Christi* fuisse celebratam.

3 Intererant Missæ Sacrificio, quod tam proprium festis est, ut majores nostri nomen Missæ sæpius sumerent pro ipso festo: in Capitularibus *Caroli Magni lib. 2 cap. 18*, lego hæc verba: *Spatium dare decrevimus usque ad missam S. Martini*, hoc est usque ad festum illius Sancti. Ibi etiam festum *S. Andreae* vocatur *Missæ S. Andree*. Sic & nos hodieque vocamus festum *S. Ioannis*, festum *S. Bonaventuræ*, festum purificationis *Deiparæ*, dedicationis templi, Missam *S. Ioannis* &c. Unde patet Missam propriam esse festorum dierum.

4 Omnes turmatim confuebant, & replebant templo ad audiendum verbum divinum: Vix enim Patrem inventies cuius conciones dictæ ad populum festis diebus non extent: Plurimos autem qui laudent confertam auditorum multitudinem, & dicant egressos è templo vel debere de auditis meditari, vel colloqui.

5 Vacabant operibus misericordiae, invisebant captivos, largiebant eleemosynas, & epulis pauperes recreabant: Ita re-

statur Augustinus Serm. 2, de Temp.

6 Pridie festorum jejunabant, & nocte præcedente vigilabant ad tumbas martyrum, ibique orabant, hinc profesta adhuc vocantur vigiliae. Hoc reperio apud S. Leonem, qui non semel suas conciones concludit his verbis *Iejunemus & vigilemus*, & oremus ad sepulchrum S. Petri &c.

7 Recolebant, inquit Augustinus in psalm. 15, in festis martyrum quid illi patiebantur, & intelligebant quid intuebantur. Pulchra & fructuosa meditatio: Recolere enim quid Martyres passi fuerint, miserationem moveret, intelligere quid spectassent, ad imitationem excitat. Dum enim consideramus quomodo & quid, omnium rerum caducarum cupiditate exuti, bonis fortunæ spoliati, mortui mundo & honori, sceleratis odiosi cari Deo, in media ipsa morte, & diris corporis cruciatibus, forti animo paterentur, animus noster elevatur a terra, & quasi hujus vitæ oblitus ad sublimia evolat, & ingeneratur pia cupiditas eo abeundi quo illi felicissime pervenerunt.

Ita celebrabant festos dies Christiani illi antiqui, majores nostri, quantu vero nos ab illorum pietate ac devotione deflexerimus, ad oculum videmus, & quod haec è præcipuis rationibus sit, cur Deus nos tot plagiis affixerit, vix dubito, dum enim Scripturas per volvendo, invenio apud Ezechielem cap. 20, Deum clamantem: *Sabbat a mea violaverunt, dixi ergo ut effunderem furorem meum super eos, & consumarem eos.* Conquestus fuerat Deus lib. 2. Paralip. cap. 34, cum eodem populo quod idola adorasset, dicens: *Quia dereliquerunt me, & sacrificaverant diis alienis, idcirco stillabit furor meus super locum istum.* Quantum discrimen inter stillare, & effundere? & tamen, quando Iudei idolis servierant, dicit Deus, *stillabit super eos furor meus;* quando vero violaverunt Sabbathum, dicit, *effundam furorem meum,* numquid hoc est tacite significare, sibi magis displicere violationem Sabbathi, quam cultum idolorum?

2 Audio Prophetam Amos cap. 8, dicentem: *Et erit, inquit, in die illa, dicit Dominus, convertam festivitates vestras in luctum.* Tunc, inquit, Gregorius hoc loco, festivitates convertuntur in luctum, cum pro peccatis, quæ homines in illis committunt, puniantur.

Deplorat hoc Ieremias Propheta Thren. cap. 3: *Via Sion lugent, inquit, quia non est qui veniat ad solennitates ejus.* Quomodo hoc factum

Dddd 2

ctum

580 DISCURSUS MORALES IN  
etum sit patet ex lib. 2 Esdræ cap. 13, ubi Sanctus hic vir objurgat principes *Iudei*, dicens: Profanatis diem *Sabbati*, permittitis enim, ut isto die *Iudei* calcent torcularia portent acervos, & onerent super asinos vinum, & uvas, & ficus, & omne onus inferant in *Ierusalem*, die *Sabbati*, & vendant: Propterea adduxit Deus super nos omnne malum & civitatem hanc. Quod erat illud malum? Venit *Nebuchodonosor*, & destruxit hanc civitatem, duxitque *Iudeos* captivos in *Babyloniam*, & sic festivitates nostræ versæ sunt in luctum, nullus enim est qui amplius veniat ad illas celebrandas.

Denique ut paucis absolvam, habemus exemplum illud super quo materiam hanc totam fundavimus, nempe illius hominis qui die *Sabbati* colligebat aliquot ligna ad struendum ignem. Cumque *Moyse* & *Aaron* dubitarent quo supplicio affici deberet, recurrerunt ad Deum, qui sententiam pronuntiavit, dicens: *Morte moriatur homo iste, obruat cum lapidibus omnis turba.*

## DISCURSUS VII.

*Core, Dathan, & Abiron vivi absorbentur à terra.*

**S**Tatim post punitionem illius hominis, narrat Scriptura horrendum supplicium *Core, Dathan, & Abiron*. Historia autem est talis: Erant hi tres principes populi, surrexerunt illi contra *Moyse*, & cum illis alii ducenti quinquaginta, omnes proceres Synagogæ, invidebant enim *Aaroni*, quod ipse à *Moyse* electus esset in Sacerdotem, & ipsi tantum essent Levitæ: Caput totius seditionis erat *Core*: Dixerunt ergo ad *Moyse*. Quid vobis persuadetis? Quænam est ista vestra arrogantia, ut vos soli fungamini Sacerdotio? an putatis vos solos esse sanctos? Omnis multitudo populi æque sancta est ac vos, & Deus æque est inter illos ac apud vos; omnes enim æque credunt in Deum, eandem vobiscum habent religionem, eodem fôdere comprehenduntur, quod Deus eum illis iniit in monte *Sinai*: Omnibus pluit de cælo manna, omnibus prævit in columna nubis & ignis, cum omnibus habitat in tabernaculo: Quid ergo vos plus habetis quam omnes ut sanctiores reliquis vos esse putetis? Cur ergo elevamini super populum? Domini?

Quod cum audisset Moyses, inquit Scriptura, cecidit pronus in faciem, ut Deum oraret, finita oratione, dixit ad Core, & ad omnem multitudinem: Mane notum faciet Dominus qui ad se pertineant, & quos elegerit appropinquabunt ei. Quis est Aaron ut murmuraret contra eum? Ipse se Sacerdotio non ingessit, sed Deus eum elegit.

Tunc misit ad Dathan & Abiron, ut venirent ad se, sed noluerunt venire dicentes: Non venimus. Haec tenus nos deceperisti: Quoties enim audivimus te dicentem, quod introduceres nos in terram lacte & melle manantem, interea vis nos occidere in deserto; non venimus.

Dixit autem Moyses ad Core, qui illi astabat: Tu, & omnis congregatio tua stat seorsum coram Domino, & Aaron die crastino separatis: Tollite singuli thuribula vestra, & ponite super ea incensum, offerentes Dominu ducenta quinquaginta thuribula; aaron quoque teneat thuribulum suum. Cumque die crastino hoc facerent, apparuit cunctis gloria Domini, scilicet in nube lucidissima, & mira luce circumdata quæ gloriam majestatemque Dei repræsentabat, dixitque ad Moysen & Aaron: Separamini de medio congregationis hujus ut eos disperdam: Praeceppe universo populo ut separetur a tabernaculis Core, & Dathan, & Abiron. Abiit ergo Moyses ad Dathan & Abiron, qui cum liberis & uxoribus remanserant in tentoriis suis, stabantque cum thuribulis in eorum ingressu, & exclamavit voce magna ad turbam populi: Recedite a tabernaculis hominum impiorum, & nolite tangere que ad illos pertinent, ne involvamini in peccatis eorum. Et ut cessavit loqui, dirupta est terra sub pedibus rebellium, devoravitque illos cum tabernaculis suis, & omni substantia eorum, descenderuntque vivi in infernum: Sed & ignis egressus est a Domino, & interfecit ducentos quinquaginta viros qui offerebant incensum. Tandem addit Scriptura Numeror. cap. 26. Factum est grande miraculum ut pereunte Core, filii non perirent.

Antequam veniam ad documenta moralia, prius ad maiorem historiæ explicationem observare debeo illa verba: Descenderunt vivi in infernum, non in sepulchrum, ut putat Abulensis, sed in illum locum ubi damnati puniuntur igne aeterno: Sic enim intelligunt Hieronymus, Epiphanius, Beda, Bellarminus, & Ambrosius, qui sic loquitur Epist. 82: Immugiens terra in medio plebis scinditur, aperitur in profundum sinus, abripiuntur noxii, & ita ab omnibus mundi hujus allegantur elementis, ut nec aerem haustu, nec cælum visu, nec mare tactu, nec terram contaminarent sepulchro. Dicen-

D d d 3

dum

dum ergo est illos in æternum frusse damnatos.

Sed cum Scriptura dicat quod vivi descenderint in infernum, quæstio est an vivi eo pervenerint, cum corpore & anima. Afflent aliqui contrarium, tamen est probabilitus, scilicet vivos descendisse in terram, sed mortuos esse in via, ibique corpora remansisse, animabus in infernum descendantibus.

Ratio prima est: Quia sententia mortis universaliter lata est in omnes homines, sic enim dicit Apostolus *Hebr. cap. 9: Statutum est omnibus hominibus semel mori*, à qua lege nemo eximendus est.

Ratio 2. Etiam lex resurrectionis statuta est pro omnibus omnino hominibus, ergo & illi rebelles etiam resurgent, igitur mortui sunt, non vivi, alioquin jam illorum corpora immortalia forent, in inferno, adeoque non resurgerent in die judicii.

Ratio 3. Mortuos esse significat *Moyses*: Antequam enim illos terra devoraret, dicebat: Hi homines non consueta morte, sed insolita & inaudita interibunt, sed cum omnis populus videret illos in apertam terram descendere vivos, putabant etiam illos vivos descendisse in infernum. Cogita nunc qualis fuerit clamor & lamentatio cum absorberentur à terra, quo perculta multitudo populi quæ non longe inde stabat, fugit ab eis: Qui autem permanerant, scilicet uxores, liberi, famuli omnes simul perierunt, præter filios *Cœre*, dicit enim Scriptura *Numer. cap. 26*. Factum est grande miraculum ut pereunte *Cœre*, filii non perirent, quia non fuerant secuti exemplum Patris, nec adhæserant illi in rebellione, & postea sancti habitus sunt inter levitas, adeo ut *David* aliquos Psalms scripsit quorum titulus est, pro filiis *Cœre*.

Hoc postremum mihi serviet pro documento morali. Dicit Scriptura non tantum factum esse miraculum, sed etiam grande miraculum. Quod illud? Quale illud fuerit inquit, *Lyranus in Nam. cap. 26*, non habetur ex textu nisi in generali. Putat autem *Lyranus* miraculum illud fuisse, quod quando terra aperuit os suum, & devoravit *Cœre* cum multis aliis, filii ejus virtute divina manserunt penduli in aere, donec terra rursum clauderetur sub pedibus eorum. Sed de hoc nihil habetur in textu, hoc tantum: Factum est grande miraculum: Quale? Ut pereunte *Cœre*, filii ejus non perirent: Ergo non erant complices in sceleré patris; nec secuti fuerant malū ejus exemplum, alioquin procul dubio simul periissent cum illo, sicut omnes

nes alii qui erant rei rebellionis. Hoc ergo vocat Scriptura grande miraculum quod filii secuti non fuerint malum exemplum parentis; est enim quasi miraculum quod parentes sint mali, & filii eorum exempla vitamque non imitentur. Hinc recte ait *S. Petrus Chrysologus Serm. 111*: Parentis vitium est filiorum exitium, si cut in arboribus seminis vitium totius arboris vitium est. Hoc in arboribus manifestum est, quod vitiata radice flores marcescant, fructus non valent, folia pallescunt, & tota arbor arescit, quia ex radice pendent omnia quae in arbore sunt.

Clara sunt verba Apostoli Pauli *Rom. cap. 11*: Si radix, inquit, sancta, & rami: Ubi *Theophylactus*: Necesse est radiciramos assimilari, sic parentibus filii, parentes enim radices filiorum sunt, & filii rami parentum.

Tanta solet esse morum similitudo inter parentes & filios, ut cum olim *Lib. 1 Reg. cap. 10*, filii *Israel* audirent *Saulem* prophetantem inter prophetas, admirabundi exclamarent: Quid hoc! que nam res accidit? *Sanli?* quis pater ejus? ac si dicerent: Si pater ejus numquam prophetavit, nec ad tantam dignitatem pervenit; unde ergo hoc ut filius ejus *Saul* prophetet? quasi *Saul* idem deberet esse cum patre.

2 Cum *Saul* videret *Davidem* pugnantem cum *Goliath*, & truncato illius capite triumphantem, admiratus illius animi fortitudinem, petuit ab *Abner*: Cujus filius est ille puer? Quare hoc *Saul* inquirit? quia certo sibi persuadebat, filium fortitudinem illam, habere a patre? Quasi non posset tantus fructus e ramo erumpere, nisi radice simili pullularet.

3 Volebat Deus *Iudic. cap. 13* *Sampsonem* abstinere a vino, sed prius matri imperavit ut se abstineret: Quare hoc? Quia, inquit, *Montanus*, filii matrum affectiones plerumque sequuntur.

4 Laudat *S. Lucas Zacharium & Elizabet*: Erant, inquit, iusti ambo ante Deum, incidentes in omnibus mandatis & iustificationibus Domini sine querela. Quare petit *Ambrosius* in *cap. 1 Luca*, hosce parentes ita laudat Euangelista: nisi ut inde videamus qualis fuerit illorum filius *S. Ioannes Baptista*? Est ergo communis opinio, qualis radix tales rami & fructus, quales parentes, tales filii.

Vidit hoc etiam Poeta *Ethinicus Invenalis*, cum dixit *Satyr. 6*: Scilicet expelles ut tradas mater honestos, aut alios mores, quam quos habet.

Non

Non potest hoc manifestius probari quam exemplo *Herodis*, concubinæ regis *Herodis*, quæ pessimos mores suos transfuderat in filiam suam : Mater hujus filiæ erat tam impudens ut relicto marito legitimo, publice viveret cum *Herode* in concubinatu. Filia etiam omnem pudorem exuerat; intravit enim in locum convivii ubi principes, & tribuni, & primi *Galilee*, accumbebant ad mensam, & ibi saltavit, cum ignominiosum esset fæminam se immiscere confortiis virorum, præsertim in conviviis, multo magis ibi saltare. Sicut mater sic filia.

2 *Herodes*, inquit Euangelista *Marcus cap. 6*, libenter audiebat *Ioannem Baptistam* concionantem : Mater illa numquam intererat concionibus ejus, nec poterat illum audire, sequebatur filia matrem, utraque sine ullo spiritu Dei, totæ effusæ in vanitates.

3 *Herodes* multa bona opera faciebat de quibus audiverat *Ioannem* differentem. Mater illa, non curabat quid diceret *Ioannes*, explodebat illum, sic faciebat & filia.

4 *Herodes* habebat *Ioannem* ut virum justum & sanctum, inquit Scriptura ; Mater illa non poterat ferre ipsius sanctitatem, quia repugnabat illius deliciis, & indomitis passionibus. Talis erat etiam filia.

5 Mater erat crudelis, quia volebat, *Ioannem* occidere, idem volebat filia.

6 Cum *Herodes* isti filiæ dixisset : Pete quod vis, & dabo tibi : Statim accurrit ad matrem, & dicit : Quid petam ? at illa : Pete, inquit, caput *Ioannis* Baptistæ : Quod mater impia volebat, volebat & que impia filia.

Denique nihil erat ista matre audacius, hanc audaciam imprefxit & filiæ : Hæc enim mox reversa ad locum convivii in præsencia totum principum, & nobilium virorum totius *Galilee*, ausa est dicere *Herodi* : Volo : Quis ille modus alloquendi regem ? Volo ? Quid vis : Volo ut protinus, & quidem protinus ? Quid tandem vis ? Volo ut protinus des mihi in disco caput *Ioannis* Baptistæ : In disco ? Quis unquam vidit caput humanum in disco ? Vide quanta audacia & crudelitas loquebatur, sicut à matre didicerat.

In hoc exemplo clare patet verum esse quod ait *Iuvenalis Poeta* : Mater non alios mores tradet filiæ, quam quos ipsa met habet, & ita fit, inquit, *S. Vincentius Serm. de Nativ. B.V.* Mater Venalis docet ut sit filia talis.

Dien.



Denique sive in bono, sive in malo, qualis radix tales rami, quales parentes, tales filii: At, inquiet aliquis, videmus filios probos malorum parentum, & contra piorum parentum filios malos. *Saul* malus erat, & habuit *Jonas* filium valde probum, *Achias* pessimus erat, & ipsius filius *Ezechias*, pius ac religiosus. E contra *Noe* vir justus erat & *Cham* ejus filius, improbus, *Isaac* erat sanctissimus vir, & filius ejus *Esau* homo ferox, *Pessimus* erat *Core*, & tamen filii ejus, non sunt secuti exempla patris.

Verum est: Sed propterea dicit Scriptura: Grande miraculum factum est quod filii *Core* non fuerint secuti malum exemplum patris, quia passim contrarium fit, quod autem fit contra commune m & ordinarium cursum ut filii non sequantur exempla parentum, est species quædam miraculi.

Hoc est quod etiam advertit *D. Chrysostomus Hom. 2. de patient. Iob*, ubi miratur sanctitatem hujus viri; putat enim *Iobum* fuisse quintum nepotem *Esau*. Scribit autem *Paulus Hebr. cap. 12*, quod *Esau* fuerit fornicator & profanus: Dicit ergo *Chrysostomus*: Ostendit Scriptura radicem ex qua ortus est *Iob*, ut fructum admireris. Quasi dicat: Instar miraculi est quod ex radice & arbore tam vitia- ta tam sanctus & virtute præditus fructus oriretur, qualis fuit *s. Iob*.

Hinc discere possunt parentes quantum sibi cavere debeant ne dent mala exempla filiis suis, cum passim, & juxta communem cursum, filii per haec corrumpantur, & pereant.

Ostendit olim Deus in somnio Patriarchæ *Ioseph*, solem & lunam, dicebat enim *Vidi solem & lunam, iacob* pater ejus statim intelligebat per solem seipsum ut patrem familias, & per lunam uxorem suam, est etiam communis omnium interpretum opinio, non aliter posse intelligi: Est ergo Pater in familia sicut sol, mater sicut Luna: Si solem inter, & lunam quando sibi oppositi sunt, nubes aut terra interponatur, oritur Eclipsis, & hinc tenebrae in omnibus subterraneis: Quando pater & mater in familia non prælacent exemplis, tota familia versatur in tenebris: Superiores enim, inquit *Plato* & *Socrates Philosophi Ethnici*, magis peccant exemplo quam culpa, quia tantis obsunt quantis præsunt ait *Bernardus Epist. 127*. Quare *Hieronymus* scribens ad *Hebridorum*, sic illum alloquitur: In te omnium oculi diriguntur: Domus tua & conversatio tua, quasi in specula, magistra est publicæ disciplinæ, quidquid

*Ecce feceris,*

feceris, id sibi omnes faciendum putant.

Pergamus in historia. Jam *Core, Dathan, & Abiron*, vivi absorpti erant à terra, & ducenti quinquaginta alii ejusdem criminis rei, igne consumpti, quando *omnis multitudo filiorum Israel*, inquit Scriptura, sequenti die murmuravit contra Moysen & Aaron, dicens: *vos interfecistis populum Domini*. Cumque oriretur seditio, & tumultus increaseret: *Moyses & Aaron*, fugerunt ad tabernaculum foederis, & operuit illud nubes, apparuit gloria Domini, & immisit ignem in populum, & percussit quatuordecim millia hominum, & septingentos; quod cum vidisset *Moyses* misit *Aaronem*, cum thuribulo & igne hausto de altari, & thure, qui stans inter vivos & mortuos, obtulit sacrificium, pro populo deprecatus est, & plaga cessavit.

### DISCURSUS VIII.

*Maria & Aaron moriuntur Moyses erigit Serpentem aeneum.*

**J**am quadragesimus annus erat quo filii *Israel* de *Egypto* egressi proficiscebantur per solitudinem, quando venerunt in *Cades*, ibique, inquit Scriptura, *morta est Maria soror Moysis, & sepulta in eodem loco*. Mortua est autem ætatis anno 130, erat enim decennio major *Moysē* fratre suo, & de illo dicitur *Deuteron. cap. ult.* quod eodem anno mortuus sit cum esset 120 annorum.

Inde profecti venerunt in mortem *Hor*. Vbi locutus est Dominus ad *Moysē*: *Tolle Aaron, & filium ejus cum eo, & duces eos in montem Hor, cumque nudaveris patrem vestem suam, indues ea Eleazarum filium ejus, & Aaron morietur ibi*. Spoliavit ergo *Moyses* *Aaronem* vestibus suis, postquam illum in conspectu totius multitudinis duxisset in montem *Hor*, & induit eis *Eleazarum filium ejus*.

Quærunt hic Interpretes, quare Deus præceperit *Moysi*, ut ipse vestibus *Aaronem* spoliaret, & non potius permiserit *Aaroni*, ut seipsum vestibus exueret.

Respondent: *Aaron* jam erat moriturus, ideo nolebat Deus illum occupari circa dispositionem bonorum temporalium, sed totum vacare æternis atque divinis, ut doceret in numeros homines, qui, dum moriendum est, toti occupati sunt ut de temporalibus bonis disponant, vix aut parum solliciti de æternis; *Mortis tempus* op.



opportunum non est ut aliis prospiciatur, sed ut quisque sibi. Tunc enim eundem est ad æternitatem, ergo hoc unum spectandum est ut felicem æternitatem consequare; quid enim tum sollicitus es de temporalibus quando omnia relinquenda sunt? Numquid ergo, inquires, me curam gerere oportet ut filii meis post mortem prospectum sit? Quis dubitat? Sed hoc prius factum oportebat, si eris de istis disponere quando disponere debes iter tuum ad æternitatem ut feliciter moriare. Si dicas, quod interdum aliquos audivi dicentes, videmur debere mori quando adhuc sani disponimus, & condimus Testamentum. O cogitationem insanam! Ergo nullus unquam novam domum ædificet, quia multorum hominum phantasia est, quo plurimi paulo post moriantur ædificata jam domo. Sulta sunt ista, & aliquis propter similes insanias differet de bonis disponere ad ultimam vitæ horam quæ totum hominem requirit? Omnes nempe ejus cogitationes & curas, ut viam illam ingrediatur, quam Christus dicit esse angustam & arcam plenamque difficultatibus? Quis viator tale iter aggressurus non se totum impendit, ut cogitet, disponatque de mediis, quibus, quantum commodissime potest, difficultates omnes superare possit, ne dum aliis rebus intentus, iter suum non possit perficere, sed hæreat in via? Quid ergo tibi cum mundo, quando co-geris deserere mundum?

Mittebat olim Deus Isaiam prophetam ad Ezechiam regem ægrotantem ut illi suo nomine diceret: *Hec dicit Dominus Deus, precipe domuit te: Morieris enim tu, & non vives.* Hoc auditio, convertit Ezechias faciem suam ad parietem, & oravit Dominum, flevitque fletu magno.

Vide quantum à te dissentiat Ezechias, nam factus de morte certior, suaque domui consulere jussus, neglectâ domo, non tabelliones accersit, non acciri medicos imperat, verum expiando animo totus incubbit, oratque & lacrymatur: Nós vero quando oporteret mente à domo abducta animam curare, peccata deflere, rationes nostras subducere, condimus Testamenta, signamus codicillos, salutationibus vitæ halitum supremum impendimus. At Ezechias dicebat: Domus mea mens mea est: Huic proinde prospiciam & precibus & lacrymis. Non de litibus disceprandum morituro, nec de cimeliis; unæ expirantis Margaritæ lacrymæ sunt. De abacis, de fundis, de armentis sollicitum esse morien-

Eccc;

tem

tem propudium est: Ista vix sanum, & vegetum decent ludi-  
bria. Horum ergo recordatio in moriente, non tantum ludi-  
bria, sed etiam deliria sunt. Quid? morimur & suppudamus?  
Quando ergo terrena calcabimus, si ne tum quidem ab il-  
lis divellimur cum paulo post à terra absumendi sumus?

Huc ego puto spectasse chrisum, quando proposuit nobis pa-  
rabolam, de cœna magna, jussitque invitatos mox ad illam ve-  
nire, jam enim omnia esse parata. Per coenam illam nihil aliud in-  
telligi voluit quam cælum, sic enim illud vocat s. Ioannes in Ap-  
calypsi: Beati inquit, qui ad cœnam nuptiarum agni vocati sunt. Per in-  
vitatos intelligo morientes, quia vocabantur ut statim ac sine mor-  
ta venirent ad cælum, quod fieri non potest nisi in morte. Sed  
quid illi? Unus incepit cogitare & agere de sua villa, alter  
de bobus quos emerat, tertius sollicitus erat pro uxore: Quid  
mirum si Deus tunc dixerit: Nemo virorum illorum gustabit cœnam  
meam?

Non ita moriuntur justi. Patriarcha Jacob moriturus vocabat ad  
se filios suos, & Benedixit singulos, inquit Scriptura, Genes. cap. 49, b-  
enedictionibus propriis: Tunc non disponit de rebus temporalibus, sed  
singulos benedicit, & benedicendo prophetat non quid ipse, sed  
quid Deus cuique sit daturus, & quidem ejusmodi bona quæ spe-  
ctant ad æternitatem, quod advertit D. Chrysostomus Hom. 66 in  
Gen. Quia moriturus erat, inquit, benedictione sua firmat pueros,  
maximas has facultates relinquens, & divitias quæ numquam ab-  
sumi possunt; procuraverat divitias filiis dum viveret, sed jam mor-  
iturus omnes temporalium bonorum curas abjecerat, ut totus va-  
caret æternitati ad quam properabat. Hanc unam spectabat in  
morte, quam inter tota temporalia bona semper præ oculis habue-  
rat in vita.

Sic etiam mortuus est Aaron, adstante sibi filio Eleazar, sed ni-  
hil de illo sollicitus ut Sacerdotalem illi dignitatem suam reli-  
queret, hujus enim curam reliquerat Moysi, ipse vero quasi abstra-  
ctus ab omnibus curis terrenis, extra omnem strepitum mundi,  
ac tumultus humanos, moriebatur in altissimo monte: Illoque mor-  
tuus, inquit Scriptura, descendit Moyses cum Eleazar, & omnis mul-  
titudo, quæ cum expectaret ad radicem montis, videns occubuisse  
Aaron, flevit super eo triginta diebus per cunctas familias suas. Fle-  
tus autem ille non erat aliud, juxta interpretes, quam pro  
anima

Interea præteritis illius luctus diebus, profecti sunt filii Israel de monte Hor, per viam quæ ducit ad mare rubrum ut circumirent terram Edom. Et tædere caput populum itineris ac laboris, locutusque est contra Deum & Moysen, & ait. Cui eduxisti nos ex Ægypto, ut moreremur in solitudine? deest panis, non sunt aquæ, aniqa nostra jam nauusat super cibo isto levissimo. Quamobrem misit Deus in populum ignitos serpentes, ad quorum plagas, & mortes plurimorum, venerunt ad Moysen, atque dixerunt: Peccavimus, quia locuti sumus contra Dominum & te: Ora ut tollat à nobis serpentes: Oravitque Moyses pro populo: Et locutus est Dominus ad eum: Fac serpentem æneum, & pone eum pro signo, qui percussus aspicerit eum, vivet. Fecit ergo Moyses serpentem æneum, quem cum percussi aspicerent, sanabantur.

1 Serpentes qui Israëlitæ mordebat vocantur igniti, non quod ignæ essent naturæ vel formæ, sed quod morsu suo tantum calorem causarent in corpore, ut morsi ab eis sibi ura videnterentur.

2 Jubetur Moyses facere serpentem æneum, & ponere eum pro signo, hoc est, supra perticam, ut omnes illum possent videre, unde sequitur ingentis magnitudinis eum fuisse, & valde alte eratum, ut per tota castra, quæ facile per sex milliaria in circuitu extenderantur, à vulneratis spectari posset.

Serpens ille in altum erector in pertica, est Christus exaltatus in cruce. Sic enim ipse meruit, Ioan. cap. 3: Sicut exaltavit, inquit, Moyses serpentem in deserto, ita exaltari oportet filium hominis, ut omnis qui credit in eum non pereat sed habeat vitam eternam.

Sic etiam dicitur de Serpente: Qui percussus eum aspicerit, vivet. Passio Serpens, inquit Hadrianus Papa I. Epist. 3, ad Carol. Reg. præstabat vi-Christi tam temporalem, Christus vitam æternam: Quicumque enim, in effigie mea, quicunque percussus fuerit a serpentibus peccatorum, Christum intueatur, & habebunt sanitatem in remissionem peccatorum. Eodem modo loquitur Chrysostomus hoc loco: Iudei vulnerati ab ignitis serpentibus corporeis oculis aspicientes serpentem æneum elevatum in ligno, salutem corporis consecuti sunt, Christiani incorporeis oculis aspicientes in Christum positam in cruce, omnium peccatorum remissionem consequuntur.

Quot per totam Ecclesiam grassantur igniti serpentes, scilicet

Eccc 3

Con-

Concupiscentia oculorum, inquit *D. Ioannes*, concupiscentia carnis, & superbia vitae. Ab his ferimur omnes, & percunt plurimi, tantumque vivet qui in *Christum cruci affixum aspicerit*. Non sufficit serpentem exaltatum esse in ligno, respici debet ut sanet: *Christus*, nisi aspiciatur in cruce, non curat. Sed hoc deplorandum: Nemo non vulneratus est, & tamen quis est qui hanc vulneri medicinam querat? Quis Domini passionem serio debiteque recognitat? noli dicere intersum concionibus de passione: Non sufficit: Siquidem non audienti, sed respicienti salus promittitur: Igitur nisi cum devotione & attentione aliquando Deum tuum aspiceris vulneratum, non sanaberis à vulneribus tuis. Quantum dedecus in deserto nullum perire exaltato in ligno serpente, & in Ecclesia plurimos non sanati suspenso in cruce Deo. Circumstant nos peccata, inquit *Paulus*, *Hebr. cap. 12*, aspiciamus ergo in consummatorem *Iesum qui sustinuit crucem*. *Christus* enim in cruce, si attente vel oculo aspiciatur, vel mente consideretur, omnium est medela vulnerum atque morborum spiritualium.

Accipio in testem *D. Augustinum in Manuali cap. 21 & 22*. Cum me pulsat, inquit, turpis aliqua cogitatio, recurro ad vulnera Christi: Cum me premit caro mea, recordatione vulnerum Domini mei, resurgo: Cum diabolus mihi parat insidias, fugio ad viscera misericordiae Domini mei, & recedit à me: Si ardor libidinis moveat membra mea, recordatione vulnerum Domini nostri filii Dei extinguitur. In omnibus adversitatibus meis non inveni tam efficax remedium quam vulnera Christi: Nullum tam potens est contra ardorem libidinis medicamentum, quam mors redemptoris,

Huic addo *D. Hugonem de S. Victore*, qui sic loquitur *Lib. i de anima Cap. 23*. Quoties, inquit, te sentis turpibus cogitationibus pulsari, & ad illicitam delectationem affici, toties ante mentis oculos pone quomodo *Christus* in cruce suffixus pro te, redemptor tuus moritur pro te.

Vis tertium testem audi *Origenem Lib. 6 in cap. 6 ad Rom.* Certum est, inquit, quia ubi mors Christi circumfertur, ibi non potest regnare peccatum: Est enim tanta vis crucis Christi, ut si ante oculos ponatur, & in mente fideliter retineatur, ita ut in ipsam mortem Christi, intentis oculis mentis aspiciatur, nulla concupiscentia, nulla libido, nullus furor, nulla superare possit invidia; sed continuo ad ejus presentiam, totus peccati & carnis fugatur exercitus.

Hi

Hi tres Patres loquuntur ab experientia: Sed pauci haec intel-  
ligunt & experiuntur, quia pauci Christum pendentem in cruce ad  
nostram salutem, considerant vel aspiciunt.

Videor enim mihi Christum de cruce ad nos audire clamantem :  
Ego hic summis pro te tormentis discrucior, & tu libidini vaca-  
bis? Ego hic oculos meos habeo lachrymis manantes praे amore  
& dolore, & tu oculos tuos oblectabis rebus obscenis? Ego bla-  
phemias, injuriasque atroces libens hic audio, & tu aures canti-  
lenis ac turpibus verbis pasces? Ego sitio, & potor aceto &  
felle, & tu ciborum, ac vini cupediis ad crapulam usque te in-  
gurgitabis? Ego pedes manusque habeo infami ligno affixas, &  
clavis transfixas, & tu pedes ac manus, totumque corpus immer-  
ges in tuarum turpitudinum cœno? Ego spinas capite gero, & tu  
coronaberis? Ego totus sanguine madeo, & tu nondum usque ad  
sanguinem restitisti, ut vel unicam cupiditatem aut passionem  
frangeres?

Qui ad hasce considerationes, aspectumque Christi in cruce pen-  
dantis non sanetur, nec moveatur, nec dicat cum D. Bernardo: Deus  
meus pendet in patibulo, & ego voluptati operam dabo? saxeus  
sit oportet, vel desperatus.

Nihilominus tamen, si quis adhuc non credat considerationes  
istas tam esse potentes, videat ergo in exemplis quæ narrat Petrus  
Pennequin de amore divino Parte 2 cap. 6. Fuit, inquit, i in regno Nea-  
politanu puella nobilis, quæ jam convocatis amicis ut nuptui tra-  
deretur, paululum se turbæ subduxit, & ante crucifixum prostra-  
ta, haec secum attentius, oculis in Christum conjectis, expendit.  
Tu amor mi, & redemptor animæ meæ, tu Iesu pro me tam dire  
cruciaris, & ego voluptati operam dabo? tu vulneribus concisus  
& spinis, ego auro & gemmis gravis: O quam sum dissimilis tibi,  
amantissime Iesu! nec mora, cincinnos sibi præscindit, & illis pedes  
Domini illigavit. Sic, progressa in medio amicorum cœtu, matrem  
alloquitur: Non multis, nec longè sibi sponsum quærendum, pro-  
pe adesse, Christum ostentans, illi, inquit, meos amores, & virgi-  
nitatem devovi. Ad haec omnibus attonitis, nequidquam mo-  
nentibus, ac minantibus amicis, persistit in proposito: Vifne a-  
liquid solidius ad probandum quantæ sit potentia aspectus Christi  
pendentis in cruce, comparando ipsius tormenta nostris delitiis?  
Accipe aliud exemplum ejusdem auctoris. Erat Madriti unus è pri-

ma-

matibus regni qui convenit Patrem nostrum Petrum Fabri , unum ex decem Sociis S. Ignatii, ut quasdam ab eo precandi formulas, & puncta pie ruminanda addisceret. Inter alia, hæc, inquit Faber, tecum aliquando perpende : *Christus* in summa inopia, ego in copia: *Christus* in fame & siti: Ego in exquisitis epulis; *Christus* nudus, ego pretiosè vestitus: *Christus* in doloribus , ego in deliciis: Hisce instructus abit, nec multo post ad splendidissimum convivium invitatus, dum cupedias & luxum miratur, unum ex quatuor punctis, quæ à Fabro didicerat, ei occurrit, scilicet : *Christus* in fame & siti, & ego in exquisitis epulis , quo ita compunctus fuit, ut in uberrimas lacrymas effusus, mensa assurgere, convivas deserere, ē cubiculo se surripere , & ad solitudinem se recipere cogeretur, ut privato dolori liberius fræna laxaret.

Denique fuit matrona quædam valde nobilis in Italia quæ unicum habebat filium , occiditur ille à nescio quo , refertur domum mortuus, mater ad crucifixum quem in conclavi habebat, configit , & ante illum prostrata : Tu , inquit , Domine Iesu , pendens in cruce ignovisti hostibus tuis, & ego non ignoscam meis ? dum haec orat, ad illam ipsam domum, nescius quo iret , configit homicida : Ubi hoc illa intellexit è conclavi evolat ad hominem, benigne excipit, occulit domi, donec datâ occasione , liberum ditteret.

Estne jam adhuc aliquis qui non videt verissimum esse quod audiimus SS. Patres dicentes, nullum esse efficacius remedium, nullum potentius medicamentum quam aspectus & consideratio Christi pendentis in cruce, ut vulnera nostra curentur, infirmitates sanentur, dolores mitigentur, peccata deleantur?

Propterea ut nos ad hoc excitet S. Petrus Apostolus, clamat ad nos Epist. I cap. 4. Christo passo in carne , & vos eadem cogitatione armamini. Ubi observat S. Thomas, Christum fuisse in cruce instar equitis Cataphracti. Dominus inquit . armatus fuit in cruce : Habuit enim in capite quasi galeam , non de auro vel argento , sed de spinis: Habuit loricam , non de ære vel ferro , sed carnem immaculatam de Virgine sumptam: Habuit in manibus non lanceam vel gladium, sed magnos clavos manibus affixos; In pedibus quasi calcaria clavos infixos : Pro equo vero habuit ipsam crucem. Hæc carma, inquit D. Petrus, induite, quia ut S. Thomas addit: Memoria Dominicæ passionis contra insultus & tentationes diaboli munit & roboret.

DIS.

## DISCURSUS IX.

Proficiscuntur filii Israël per varias regiones, percutiunt reges eorum:  
Historia de Balaamo Ariolo.

Post erectum serpentem æneum, quæm servatunt, & secum tulerunt Israelite, sed cum multis post annis in terra promissionis inciperent ei tribuere divinos honores, Ezechias rex piissimus, ut superstitionem illam tolleret, eum jussit confringi.

Itaque filii Israël profecti de finibus terræ Edom, castrametati sunt in Oboth, inde abiēre in Ieaborim, & inde ad torrentem Zared, donec per alia varia loca venirent ad fines Amortheorum. Hic misserunt nuntios ad Schon Regem illius gentis ut liceret sibi transfire per terram illius: Non declinabimus, aiebant, ad agros & vineas, non bibemus aquas ex puteis, via Regia gradiemur, donec transeamus terminos tuos. Sed noluit hoc illius concedere.

Sed exercitu congregato, egressus est illis obviam in desertum, pugnavitque contra Israël, à quo percussus est, & sic possederunt Israelite terram ipsius, & omnes civitates illius intercepserunt.

Post hæc venerunt circa Bajan, & occurrit illis Og Rex terræ illius cum omni populo suo, ut contra illos pugnaret. Sed dixit Dominus ad Moysen: Ne timeas eum, quia in manu tua tradidi illum, & omnem populum, ac terram illius. Percusserunt igitur & hunc cum filiis suis, inquit Scriptura, universumque populum ejus usque ad internectionem, & possederunt terram illius.

Tandem venerunt ad campestria Moab, ibique castrametati sunt. Balac Rex Moabitum hoc intelligens, & sciens quomodo debellasset Reges Amortheorum & Bajan, dixit ad seniores Madian, qui erant vicini ipsius: Ita delebit hic populus omnes qui in nostris finibus commorantur, quomodo solet hos herbas usque ad radices carpere.

Tunc, inquit Scriptura, misit nuncios ad Balaam filium Beor ariolum, ut vocarent eum, & dicerent: Ecce egressus est populus ex Egypto qui operitur superficiem terra, sedens contrame: Veni igitur, & maledic populo huic, quia fortior me est, novi enim quod benedictus sit cui benedixeris, & maledictus in quem maledicta congefferis.

Erat hic Balaam, non Propheta Dei, ut putat Eugubinus, sicuti,  
F f f f in-

inquit, erant *Sibylla* quæ tametsi gentiles, uti erat *Balaam*, erant tamen Prophetæ, obtinuerant enim, ut ait *Augustinus*, à Deo dominum prophetiæ, propter meritum Virginitatis. Talis non erat *Balaam*, sed erat propheta diaboli.

Patet i, quia vocatur *Ariolus*, quod nomen in Scriptura passim significat homines qui arte diabolicâ prædicebant futura; unde putant *Cyrillus*, *Augustinus*, & alii plures, fuisse magum.

2. Cum jam pararet se ut prædiceret, dicitur extruxisse septem aras, & sacrificium obtulisse idolo *Baal*, adeoque invocavit diabolum. Ergo fuit Magus qui dæmonem solebat consulere: Denique fuit homo impius qui habitabat in *Mesopotamia*.

Ad hunc perrexerunt Principes *Moab*, cum *Madianitis*, ferentes secum munera pro *Balaam*, & rogarunt illum ut vellet venire ad *Balaam* Regem *Moab* ut malediceret populo *Israël*. Sed cum ille more suo de nocte dæmonem sibi familiarem consuleret, venit Angelus, & dixit: *Noli ire cum eis, neque maledicas populo, quia Benedictus es*. Significavit hoc *Balaam* mane Principibus *Moab*, qui reversi ad Regem suum, dixerunt: *Noluit Balaam venire nobiscum*. Misit ergo ad illum Rex plures & nobiliores qui majora ei munera darent si vellet venire: Tunc rursus apparuit illi Angelus, & dixit: *Surge, & vade cum eis, ita dumtaxat, ut quod tibi præcepero, facias*.

Surrexit ergo *Balaam*, inquit Scriptura, *mane, & strata asina sua profectus est cum eis*. Cumque venisset ad viam angustam, scilicet inter duos parietes qui cingebant vineam quandam, stetit Angelus in medio viae gladio evaginato, quem cum videret asina, & non *Balaam*, avertit se ab itinere, junxit se pariēti, & attrivit pedes *Balaam*, ille iratus verberabat eam, cumque illa concideret in terram, vehementius cedebat latera ejus.

Interrumpamus hic tantisper filum historiæ, ut aliquod breve documentum inde eliciamus.

Irascebatur *Balaam* asinæ, ideoque verberabat eam, mirum! verberabat enim asinam quia defendebat illum contra evaginatum gladium Angelii, quæ si non restitisset, *Balaam* recta via currebat in mortem, sed ille tam cæcus erat ut nec Angelum videret, nec cogitaret à bestia suam vitam servari. Sic multi mortales plerumque ad sua commoda ita cœcutiunt, ut beneficia pro injuriis reputent, *Balaam* quidem asinam inscius verberabat. Sed quod semel Ariolisti contigisse audimus, quoties hoc evenit multis, quando illi mi-

dus



nus grati sunt iis, quorum ductu consilioque, si saperent, servarentur & viverent; odimus illos qui sanioris consilii sunt & ablegamus à nobis, quamvis sciamus illos à nobis avertere excidium animæ: Non patimur nos admoneri de observanda lege & jure divino, sed in illos tonamus, & si non fustibus, linguis illos verberamus ut stupidia animalia. Hinc legum violatio, corruptio mortuum, & Regnorum familiarumque evercio.

Quoties repugnamus etiam Confessio quando non eo nos vehit, ubi casum metuit? quoties relamamus vicario Dei, si nos ire prohibeat ad occasiones ejusmodi, ubi passim cecidimus, & certa mors nos adhuc manet? Quid ergo miramur si bonos consiliarios, seductores putamus, quando domi non alios volumus quam palpatores?

Hoc Deus *Isiae cap. 30* exprobrabat olim Iudeis, dicens: *Fili ei sunt nolentes audire legem Dei: Qui dicunt Prophetis, nolite aspicere nobis ea que recta sunt. Loquimini nobis placentia: scilicet tamdiu audiendi quamdiu suppreßerint veritatem, & loquantur nobis placentia.*

Ergone meliores fuerint hac in parte gentiles, etiam maximi Reges, quam sint multi mediocris conditionis Christiani? audite quid Daniel dixerit *Babylonie Regi Balthassari*? quid putatis? quod palpatorum egerit, & dixerit ei placentia? audite, inquam: O Rex! aiebat, appensus es in flatera, & inventus es minus habens: *Divisum est Regnum tuum, & datum est Medis & Persis.* Audis? non tantum prænuntiat famulus infortunium Principis, sed etiam totius Regni calamitatem. Quid expectas? ut verberibus excipiantur, & tantam dicendi libertatem suppicio mortis luat? absit! Tunc, inquit Scriptura, *jubente Rege, induitus est Daniel purpurā, & circumdata est torques aurea collo ejus, & predicatum est de eo quod haberet potestatem tertius in Regno.* Obstupescis super hoc? non amabat Rex iste gentilis blanditas, nec palpatores, sed meram veritatem: Nolebat audire placentia quæ illum seducerent, sed quæ illum poterant emendare, ideo non multatavit morte Prophetam sed honorem pro veritate reperit: Et nos ita veritatem odimus ut eos qui nobis repugnant ut nos servent à morte, pessimè excipiamus sicut *Balaam* alienam suam.

Audite nunc quomodo *Saul*, etiam cum jam Deo rebellasset, egreditur cum *Samuele*, à quo non monebatur tantum, sed etiam objurgabatur: *Pro eo, inquit, quod abjecisti Sermonem Domini, abjecit te Dominus*

*ne sis Rex.* An aliquid dici potuit ad minuendam Regis dignitatem acerbius? Quis enim illum pro Rege reveratur in posterum, quem ex Propheta, iussu numinis, intellexerat deturbatum è folio? Nihilominus tamen *Saul Samuelem* non abjicit, sed rogit ne se deserat desertum à Deo. Peccavi, inquit, sed revertere mecum ut adorem *Dominum Deum tuum*. Tantum abest ut fulminet aut in furorem actus, tonet contra *Samuelem*, ut è contrario fateatur culpam suam, & eum à se nolit discedere. Peccavi, mane mecum: Moneat quis jam hominem in dignitate constitutum, imo etiam interdum minoris conditionis, mox exclamabit, non peccavi, discede à me, interea non videmus nos resistere Deo à quando resistimus piis monitoribus per quos Deus loquitur, sicut loquebatur angelus per animam *Balaam*.

Nam cum illam vehementius verberaret, aperuit, inquit Scriptura, *Dominus os asinæ & locuta est*: Quid feci tibi? Cur percutis me ecce jam tertio? respondit *Balaam*: *Quia commeruisti & illufisti mihi, uianam haberem gladium ut te percuterem*. Dixit asina: Nonne animal tuum sum, cui semper sedere conueneristi usque in presentem diem? Dic quid simile unquam fecerim tibi? At ille ait: *Numquam*: Et mox vidit angelum stantem in via evaginato gladio, qui dixit illi: Car tercio verberas asinam tuam? Nisi illa declinasset à via, occidisse me, & illa vi-  
veret.

Notandum hic i. quod asina propriè non fuerit locuta: Loqui enim est conceptum suum verbis exprimere, asina autem non poterat habere conceptum, nec intelligere quid verba illa ore prolata significantur: Dicendum ergo quod verba illa, non mente vel anima asinæ, sed ab angelo in ore illius formabantur: Sic etiam dæmon in paradiſo locutus est *Eve* per serpentem, & formavit in guttura ejus hæc verba: *Cur præcepit vobis Deus non mederetis de ligno?*

Notandum 2. merito *Balaam* correptum ab angelo quod severius asinam castigasset ac verberasset: Tantine ergo erat animal irrationale verberasse severius? Nequaquam: Sed voluit Deus ostendere quid debeant Domini facere respectu servorum suorum, parentes respectu filiorum suorum, superiores respectu subditorum suorum, & omnes homines respectu proximi sui. Dixit olim Deus *Iudeis*: *Non alligabis os bovi trituranti, quæ verba adferens* *Paulus I. Corinth. cap. 9. Numquid, inquit, de bobus cura est Deo?* *An proprietas* *fecit*

*bac scripta sunt?* Plane, inquit, propter nos scripta sunt, scilicet ad nostram instructionem: Sic quod Scriptura dicat *Balaam* ab angelo correptum, imo & illi mortem intentatam, quia nimis crudelis fuerat in bestiam, propter nos scriptum est, ut disceremus non esse crudelis, nimiumque severos in homines, etiam in illos in quos aliquod habemus imperium.

Superior enim, quisquis ille est, non potest omnia facere quae vult, sed tantum illa quae rationabilia sunt, uti nec ille qui non est superior, & tamen alios sibi non subjectos, irrationaliter, & ex ira persequitur, ac deprimit, alioquin hoc Deus in illis severissime castigabit: Hinc toties Scriptura repetit: Deus vindicabit injurias pauperum, pupillo erit adjutor, viduam suscipiet, afflitos defendet &c. & ad superiores clamat Apostolus, ut memores sint se Dominum habere in cælis, quasi diceret, ille Dominus singulas castigationes quas irrationaliter, & ex furore aut crudelitate exercuisti, adducet contra te in judicium. Patet ex dictis Angeli contra *Balaam*, cur tertio, inquit verberasti asinam tuam? singulas ecce enumerat verberationes, & rationem exigit cur toties verberari.

Deinde quantum curam injuste afflictorum gerat Deus, etiam in Angelo apparente *Balaamo*, videmus. Venit is e cælo acturus cum *Balaam*, & primo loco ponit curam de asina injuste percussa, pri-  
mum enim quod dicebat. *Cur verberas asinam tuam?* Deinde primo se videndum exhibuit asinæ, deinde *Balaam*: Hæc omnia significant quod Deus præcipuum curam afflictorum, & injuste oppressorum gerat ut illos juvet, ac consoletur, & suo tempore se ulciscatur de oppressoribus, aliosque affligentes affligat. Dabitur enim injuste oppressis in die judicii tempus & modus quo se contra oppressores defendant ut confundantur, sicuti Asina rationibus se contra *Balaam* defendendo, confundebat illum, dicens: *Cur percutis me ecce jam tersio semper tibi fideliter servivi, nec unquam tibi aliquid mali feci, ergo injuste castigor;* cumque *Balaam* responderet, com-  
meruisti, intervenit Angelus, & dixit: Non est ita, ego veni ut ad-  
versarer tibi, quia male fecisti, cum tibi numquam mali aliquid fe-  
cerit asina? convictus *Balaam* coactus fuit fateti crudelitatem suam,  
& præ confusione cecidit coram angelo pronus in terram: Itaque angelus asinam declaravit innocentem, & *Balaam* condemnavit in-  
justitiae.

Ffff 3

Prop-

Propterea D. Petrus Epist. 2. cap. 2. Vocat Balaamum insipientem, dicens: *Correptionem habuit sue insanie, subjugate enim & mutum animal hominis voce loquens, prohibuit Prophet.e insipientiam.*

Tales, inquit, sunt, qui derelinquentes viam rectam, erraverunt, scuti Balaam, maledictionis filii, quos Deus in diem judicij reservavit cruciando, ut illis opponat eos quos injuste affixerunt, illosque convincent in iustitiæ ac crudelitatis, adeoque cruciando igne æterno.

Hæc omnia paucis verbis expressit Sapiens Sapient. cap. 5: *Stabunt, inquit, justi in magna constantia, adversus eos qui se angustiaverunt, & abfulerunt labores eorum; estimabantur in hac vita quasi vilissimæ bestiæ ab iis qui illos vexabunt, sed in die judicij apparebit illos fuisse homines ratione & intellectu præditos. Æstimabantur quasi bestiæ infirmæ qui se non possent defendere: Sed in die judicij stabunt in magna constantia, adversus eos qui se angustiaverunt: Hi vero, inquit Salomon, turbabuntur timore horribili, & mirabuntur, sicut Balaam quando Asinam audiebat loquentem, & se corripiensem. Turbabuntur ergo tunc mali, tum propter inexspectatum eventum, tum propter correptionem factam à bonis, tum propter confusum suum.*

Sed unde tanta ista honorum constantia in die judicij adversus eos qui se angustiaverint, & male tractarint? Respondeo, à Deo: Sicut enim ipse aperuit os Asinæ contra insipientiam Balaami, sic aperiet ora servorum suorum ut libere loquantur seque defendant contra crudelitatem oppressorum suorum: In hac vita ceduntur, & non possunt vel non audent loqui ex se, vel ne maiorem iram incurvant dominorum suorum, si contra eos missent, vel ne obloquendo conscientiam maculent, vel ut patientiam exerceant, vel ne memores viliis suæ conditionis videantur insurge in se majores. Sed veniet dies quo Deus aperiet ora ipsorum, & tunc loqui poterunt cum magna constantia, ita ut ipsorum hostes cogantur dicere cum Balaam, peccavimus, & exclamare, ut ait Salomon: *Nos insensati vitam illorum estimabamus insaniam, Eet quomodo computati sunt inter filios Dei, & inter sanctos sors illorum est.*

Sic etiam in illo die surgent Martyres contra suos tyrannos, & hi turbabuntur timore horribili: Quantus erit horror Herodi, quando innocentes pueri illi exprobabunt suam crudelitatem? tunc enim loquentur, qui cum cæderentur, nondum à natura habebant facultatem loquendi: Quantus horror Herodi Ascalonite, quando



do audiet contra se clamantem Ioannem Baptis̄tam à se vinculis  
mancipatum, & decollatum? Quanta turbatio Neronis, quando  
audiet duos illos magnos Apostolorum principes Petrum & Paulum  
contra se insurgendo, acerrimis verbis corripientes. Hinc disci-  
mus, inquit Chrysostomus, Epist. ad Cyriacum, quod omnes qui sunt  
à nobis contumeliis & injuriis affecti, tunc contra faciem nostram  
statuerunt.

Hoc facto prosecutus est Balaam iter suum versus Balac regem Mo-  
abitarum qui illum vocaverat ut malediceret castris Israelis. Ubi  
Rex ille intellexit eum advenire, egressus est, inquit Scriptura, in  
occusum ejus, dixitque ad Balaam: Mis̄i nuntios ut vocarem te, cur non  
statim venisti ad me? Cui ille respondit: Ecce adsum, numquid loqui po-  
tero aliud nisi quod Deus posuerit in ore meo? Perreverunt ergo simul, &  
venerunt in urbem.

Mane autem duxit rex Balaam in montem ubi erat templum  
Idoli Baal, ut inde videret extremam partem castrorum Israel.

Ibi extruxit Balaam, septem aras, & imposuit singulis unum vi-  
tulum & unum arietem ut dæmoni sacrificaret, & malediceret po-  
pulo Israel, sed cum paululum abysset, occurrit illi angelus, & po-  
suit verbum in ore ejus, vertitque, ut dicit Moyses Deut. cap. 23 ma-  
ledictionem ejus in benedictionem, atque adeo invitus benedixit Ba-  
laam populo, quem venerat iussu regis, maledicturus; dixitque re-  
gi sibi astanti: Quomodo maledicam, cui non maledixit Deus & quaratio-  
ne detester, quem Dominus non detestatur?

Tunc irruit, inquit Scriptura, in eum spiritus Dei, & coepit pro-  
phetando suam benedictionem his verbis: Quam pulchra tabernacula  
ina Iacob, & tentoria tua Israel! ut vallis nemorose, ui horti juxta fluvios  
irrigui, ut tabernacula que fixit Dominus, quasi cedri prope aquas.

Videbat ex altissimo monte exercitum Israelicum constantem  
multis millibus hominum jacentem in vallibus longe lateque ex-  
tentis, illorum tentoria pœne innumera pulchro ordine disposita,  
laudavitque ejus pulchritudinem quatuor similitudinibus earum  
rerum quæ voluptati solent esse hominibus. Primo comparavit  
valli aut sylvæ plenæ arboribus quæ densis frondibus convestitæ,  
& pulchrè dispositæ gratam umbram dant fatigatis. 2. Hortis qui  
semper virent, & fructus ferunt, quod amœnus assidue fontibus  
irrigentur. 3. Cedro quæ stat juxta flumen, præterlabentem, quo  
nihil amœnus quam ad ripam ejus, sub illius arboris umbra sem-  
per

per virentis sedere. 4. Comparat tabernaculis quæ Dominus fixit,  
quasi diceret, tota illa tentoriorum series quam video, ita disposita est, ut non opus humanum, sed divinum esse videatur.

Quid hoc hominis est qui tantis laudibus extollit Israelem? idololatra est, homo impius, magus, hostis Israëlitarum. Quis crederet Israelem mago debere sua præconia? Quis crederet hominem impium, & idololatram servos Dei tot titulis speciosis potuisse coherestare ut iis exprimendis adduceret & valles, & cedros, & hortos amoenissimos, diceretque esse opus divinum? Et ille quidem Magus si voluisset Israelem maledicere, quot maledicta effutuisset, tot gemmas à Rege obtinuisset, noluit tamen; tanto mirabilius quod nec auro corrumpi, nec multis muneribus sibi à Rege promissis seduci potuerit ut male loqueretur de Israele.

Lingua  
maledice.

Probrum ac dedecus Christianorum, qui tam facile se abripi sinunt ut fanda ac nefanda eructent, etiam interdum de amicis, ac probis, quando impius homo nullis muneribus adduci potuit, ut male loqueretur de hostibus suis, & idololatraliter de servis Dei! Non poterat discipulus Satanae non optime loqui de iis, de quibus Deus bene dixerat, & quos benedixerat. O quam pulchra, exaltat, tabernacula tua Iacob, & tentoria tua Israhel!

Tu vero quot tabernacula familiarum, ac tentoria proborum virorum maledicā lingua tuā aliiſve modis deformare conaris? tu, inquit, Christiane, imo & tu Sacerdos Domini, qui præcæters debetas illos defendere ac benedicere? & adhuc post hæc inveneries, qui dicant cum Pharisæis Ioan. cap. 8. Nonne bene dicimus nos? dicebant Christo quod Samaritanus esset, & demonium haberet. Quid? hoccine est bene loqui de Christo? Samariam civitatem hereticā ac idolis servientē, imo & infernum ipsum defenditis, & adhuc jactare audetis: Bene dicimus nos? pessime dicitis, & eo estis sceleriores, quo vos jactatis magis innocentes: Rejectus fuit à Deo chlam filius Noë quod patrē suum, duobus fratribus suis tantū, & quidem clam, ridendum exposuisset, & tu laudi ducas quod domesticorum evulges flagitia? quid si non domesticis tantum, sed etiam externis palam evulgasses? quid denique si delictum fingeres, & nescio quam notam falso inureres illis qui virtutibus emicant?

Venerat ad tabernaculum Domini Anna Samuelis mater, ut oraret, lachrymisque suis deploraret suam sterilitatem, mulier plane sancta: Vedit hoc Heli summus Sacerdos, & temulentam

pu-

putabat, dixitque ei: *Visquequo ebria eris? digere paulisper vinum quo mades.* Eloquebatur Heli quod judicabat, nec filii sui sacerdotibus hoc indicavit ne mulieri dolore oppressæ, tanquam ebriæ insultarent. Tu vero ea proloqueris, quæ vel ignoras, vel non credis, non modo detractor, sed etiam mendax: At ex multis, inquietes, audivi quod dico. Quod Heli dicebat, viderat ut putabat, non audierat, & tamen erravit. Ergone, inquietes, non possum dicere quod oculis aspexi? dicas, si bonum est, nam mala de aliis nemo nisi improbus unquam loquetur.

Columba ex arca Noë emissa, cum undique fordes ac foeda cadavera fluitarent, maluit inanis redire quam fordes inferre in Arcam: Sed cum altera vice emitteretur, quando jam agri incipiebant revirescere, terraque mundari, tunc ramum virentis olivæ secum tulit ad Noë in arcam. Dicte ab ave non fordes, sed olivam proferre, ut aut conticescas, aut ea tantum proferas, quæ ad laudem serviunt aliorum, non autem famam possint denigrare: Sed quid de columba loquar? ille ipse corvus, qui etiam emissus ex arca est, maluit numquam reverti, quam fordes inferre in arcam, foris mansit ne arcam conspurcaret. Et hoc plenum dedecoris, id à te non impetrare rationem humanam, quod Natura docuit corvum.

Si quis dicat, levissima sunt quæ dixi de viro non pessimo, & ego ajo, nihil tanges tam parvum quod viri etiam maximi lædere famam non possit, vis exemplum? audi quod dicat Scriptura Lib. 2 Reg. cap. 15. Volebat Absalon filius Davidis Iudaorum sibi animos devincire ut patrem de throno ejiceret, & ipse regnaret: Quid ergo? stabat quotidie ad fores palatii, omnesque eo advenientes pro negotiis suis blando vultu excipiebat, petebatque quid haberent negotii? iisque auditis, dicebat: *Videntur mibi sermones tui boni ac justi, sed non est qui te audiat, constitutus à rege.* Quasi diceret: Pater meus rex ita distinetur aliis regni negotiis ut accedentem ad se populum non admittat: Non caret urbs principe, sed auditore: Non attrahit sibi quid inter se de villis vel agris disputent villici, bellis implicitus: Noctu psallit, interdiu pugnat: Non certat cum olitoribus aut rusticis, sed cum gigantibus. Ipse vos liberavit à Philistinis, nolite ergo conqueri quod tam raro sedeat pro tribunali ut lites expediat: Fateor vobis deesse in rege judicem, sed ducem & militem ha-

Ggg betis

betis in rege : Ecce inter tot laudes unum est quod *Absalon* carpit, tarditatem scilicet patris sui in judicando : Non est qui te audiatur constitutus à rege : Faciebatque hoc omni Israeli, & sollicitabat corda filiorum Israei. Vis jam videre quantam tempestatem res non admodum magna de *Davide* tanto viro, ac sanctissimo dicta, etiam cum laudetur, excitari? tantum, ut omnes tribus filiorum Israei, tardissimâ proditione defecerint, dicit enim Scriptura : Venit nuntius ad *David*, dicens : Toto corde universus Israël sequitur *Absalon*. Quid ille dixerat de patre? tantum missitarat aliquid de negligenti ipsius in audiendis minoris conditionis hominibus, hoc satis fuit ut totius regni rebellione illum poene obrueret. Ideo ait *David* servis suis : Surgite, fugiamus, neque enim erit nobis effugium à facie *Absalon*; Festinate egredi. Fugit ergo *David* cum suis ex aula, egreditur Ierusalem quasi vagabundus in montes, in via lapidibus impetratur, & maledicitur à *Semei* : Unde ergo hæc tanta tempestas? ex uno illo dicto *Absalonis*: Nemo est constitutus à rege qui te audiat: Tantum incendum potuit excitare una scintilla ex ore *Absalonis* emissa contra maximum virum, quantum ergo excitabit si contra alium flamas emittas : Noli ergo dicere, parva sunt quæ dixi, nihil pro minimo debet haberi quod famam laedere possit, quia minima etiam maximum virum prosternere possunt.

Quapropter peiores sunt qui famam alterius laedunt quam *Balaamus*, *Magus*, & impius homo, qui etiam hostes suos benedicebat, & servos Dei laudabat, cum haberet fortia incitamenta ut illis malediceret.

Tunc prosequitur suum discursum, & ait : Deus eduxit Israël de Aegypto cuius fortitudo similis est Rhinocerotis : Devorabunt gentes hostes illius, ossaque eorum confrangerent, & perforabunt sagittis : Accubans dormivit ut *Leo*, & quasi leæna, quam suscitare nullus audebit: Qui benedixit tibi, erit & ipse benedictus qui maledixerit, in maledictione reputabitur.

Hic incipit Propheticè loqui Deo instigante. Dicit i, filios Iisrael superaturos omnes inimicos suos, & Reges eorum: est enim, inquit, 2 tanta fortitudine, & ferax ac pugnax instar Leonis quem nemo audebit excitare à somno, dum quiescat in terra promissionis, talis fuit tempore *avidis* & *Salomonis*.

Tunc, inquit Scriptura, iratus est Rex contra *Balaam*, & dixit: Ad maledicendum inimicis meis vocavi te, quibus è contrario benedixisti: Respondit *Balaam*: Nonne nuntiis tuis quos misisti ad me, dixi: Si dede-

rit mihi Balac plenam domum suam argenti & auri, non potero praterire Sermonem Domini Dei mei, sed quidquid Dominus dixerit, hoc loquar. Perrexit ergo Balaam in suo discursu, & incipit prophetare de adventu Messiae, ut ostendat felicitatem filiorum Israël ex quibus ille nascetur: Orietur, inquit, stella ex Iacob, & surget virga de Israël.

Hæc de Christi adventu in terram intelligi debere patet ex textu Chaldeo, sic enim hæc verba interpretatur: *Consurget Rex de domo Iacob, & ungetur Christus de domo Israël, & dominabitur omnium filiorum hominum: Christus vero vocatur à Balaam, & stella, & Virga, stella quia ipse fuit lux mundi, ut dicitur Apoc. cap. 21, fuit stella matutina, quia sicuti ista stella, solem præcedendo, finis est noctis & principium diei, sic Christus noctem ac tenebras infidelitatis fugavit, & attulit lumen ac diem veritatis.*

Dicitur etiam Virga, quod Hebraice significat sceptrum, quia futurus erat Rex, & supremus totius orbis Monarcha.

Tunc exclamat Balaam: Heu! quis victurus est, quando ista faciet Deus? quibus verbis significat hoc futurum extremis mundi temporibus. Tunc etiam, inquit, *Venient de Italia, hoc est, Romani, qui totam Iudeorum gentem disperderent, & vastabunt Hebreos, quod contigit sub Romanis Imperatoribus Tito & Vespasiano, quadraginta annis post mortem Christi.*

## DISCURSUS X.

*Filiae Moab seducunt filios Israël ad fornicationem & idololatriam.*

**N**Arravimus quomodo Balaam benedixerit castra filiorum Israël, invito & irato Rege Moabitarum Balaco. Hoc facto reddit Rex in urbem suam, & Balaam in patriam suam: Priusquam tamen abiret, pessimum Regi consilium dedit. Audiamus Philonem Iudeum loquentem lib. 1 de vita Moysis: Sciebat, inquit, Balaam, Hebreos per solum legum contemptum expugnabiles: Conatus est ergo illos ad libidinem, ac impietatis scelus pertrahere, & dixit Regi: Mulierum pulcherrimas si permiseris ob quæstum vulgare sua corpora, hoc hamo capietur juventus hostium.

Origenes vero hoc loco, sic eum facit loquentem: Visne, inquit, o Rex, superare Israelitas? non virtute militum, sed mulierum decor epugnandum est: Nec armatorum vigore, sed mollicie feminarum.

G g g 2

narum.

narum. Procul amove armatorum manum, & electam collige speciem puellarum: Forma vincit armatos, ferrum pulchritudo captivat: Vincentur specie, qui non vincuntur prælio. Ita *Origenes*.

Quod autem *Balaam* hoc impium consilium dederit Regi, patet etiam ex Scriptura: Hoc enim 1 dicit *Moyses Numer.* cap. 31. Nonne, inquit, mulieres *Moab*, deceperunt filios *Israel* per suggestionem *Balaam*? 2 hoc significat D. *Ioannes Apoc.* cap. 7, ubi sribit ad *Episcopum Pergami*, & ait: *Habes illic tenentes doctrinam Balaam, qui docebat Balac mittere scandalum coram filiis Israël, edere, & fornicari.*

*Confiliarii* præsertim quando penetrarunt aulas Regum & Principum? Alioquin etiam ubique tales reperiuntur qui scelera suadeant modo possint obtinere quod volunt. Unde illud *Virgilii* in proverbium abiit: *Flectere si nequeo superos, Acheronta movebo.*

Potestne aliquid manifestius in hanc rem adduci quam exemplum *Saulis?* *Dens*, inquit 1 *Reg. cap. 28* recepit à me, & exaudire me noluit: Quid ergo factò opus? pete à tuis principibus, & audi quid tibi consilii dabunt: Quid aiunt: *Dixerunt*, inquit Scriptura, *serui Saul ad eum: Est mulier pythonem habens in Endor: Ego, inquit Saul, vadam ad eam, & addit* Scriptura; *Abiit ipse, & duo viri cum eo; veneruntque ad mulierem nocte: Quid ibi facturus?* auxilium postulatus per sagam à dæmonे.

Quid vis clarius? non poterat suis orationibus Deum flectere ut illi opem ferret, ergo movet infernum ut hoc consequatur: Nihil interest quo modo, modò fiat: unde tanta impietas? à consiliaris malis, impiis, ac politicis, qui dixerant illi: *Est mulier pythonem habens in Endor:* Tam parum curabant illi homines quo modo Rex evaderet, ut etiam dæmonem consulendum putarent.

Quam pudendum etiam fuit quod lib. 2, *Reg. cap. 16* consilium dedit *Achitophel Absalom*? *Ingridere*, inquietabat, *ad concubinas patris tui*: Quare hoc? quare vult *Achitophel* ut *Absalon* tantum crimen committat? *Absalon* affectabat imperium: quid inde? non poterat aliter obtinere imperium nisi peccaret cum uxoribus Patris sui? sic impius judicabat *Achitophel*: *Ingridere*, inquit, *ad concubinas Patris tui*, & cum audierit omnis *Israel* quod fedaveris Patrem tuum, roborabuntur secum manus eorum.

An quia Deus non favebat, evocanduserat dæmon luxuriae turpissimæ? Sed hoc maxime mirum quod addit Scriptura, nempe:

Conf.

Consilium autem Achitophel quod dabant in diebus illis, quasi si quis consuleret Deum. Et quem pudeat atrocia quæque committere, quando pro Deo habetur qui tam immania scelera vel agit, vel consult?

Non minores absurditates videbimus si ingrediamur *Egyptum*, & illic videamus quid principes egerint in aula *Pharaonis*. Venierat in *Egyptum* Abram Patriarcha cum uxore sua Sar a valde formosa, & ait Scriptura Genes. cap. 12: Viderunt *Egypci* mulierem quod esset pulchra nimis: Non noverant illam, quia peregrina erat, nesciebant quæ esset aut qualis, sat erat vidisse quod esset formosa. Accurrunt ergo illi statim ad regem, & nuntiaverunt ei, talem faminam advenisse: Nihil præterea? nihil: Ingrediuntur ad *Pharaonem*: Arbitri removentur, rogantur sententiæ, Rex audit, discutunt principes, quis non crederet in tali Senatus-consulto ubi rex & principes adsunt, agi vel de scribendis militibus, armisque expediendis, de urbibus muniendis, de finibus regni tuendis, vel saltem de veſtigalibus plebi imponendis, ac colligenda pecunia? Nihil minus: Differunt de formosa muliere quam viderant intrantem *Egyptum*: Super hac una re agitantur consilia: Et quis tandem existus audi Scripturam: Sublatæ est, inquit, mulier in domum *Pharaonis*, & sicut *Pharaoni*, vi rapta à viro suo, ut serviat ejus libidini. Nondum vides quo vergant consilia impiorum ac politicorum, præsertim in aulis?

Denique quid poterat probrosius fingi quam quod contigit in aula Davidis sanctissimi regis? habebat is filium nomine Amnonem, primogenitum suum. De hoc dicit Scriptura lib. 2. Reg. cap. 13: Factum est ut sororem speciosissimam, nomine Thamar, adamaret Amnon, filius David, ita ut proprie amorem ejus egrotaret, sed difficile ei videbatur ut quippam in honeste ageret cum ea. Quid ergo facto opus? Habebat amicum nomine Ionadab unum è primoribus regni, qui dixit ad eum: Quare sic attenuaris Macie fili regis per singulos dies? Cur non indicas mihi? Respondit Amnon: Thamar sororem fratris mei Absalon amo. Audite impietatem pessimi consiliarii Ionadab: Cuba inquit, super lectum tuum, & languorem simula, cumque venerit pater tuus ut visitet te, dic ei: Veniat, ero Thamar soror mea, ut det mihi cibum, & facias palmentum, ut comedam de manu ejus. Omnia contigere protulit Ionadab consuluerat. Misit David Thamar ad Amnonem, paravit illa cibum pro fratre, & cum ille jussisset exesse omnes qui erant

Ggg 3

in

in cubiculo, intulit Thamar quod coxerat, cumque jam sua manus ministrare pararet, apprehendit eam Amnon, & deprecantem ac reluctantem, opprescit. Deus bone! Quot & quanta mala ex uno malo consilio. Frater peccat cum sorore: Post peccatum statim ejicit illam è cubiculo, jubetque ostium claudi, illa sedet pro roribus lacrymis suffusa, & misere lamentans, tantum non desperabunda, donec in domo Absalon fratri sui contabesceret praedole. Ipse Amnon paulo post propter crimen, crudelissime trucidatur ab Absalone in convivio, jam temulentus. Sic dominantur paucis in aulis consiliarii impii ac politici.

Nec desunt tales consiliarii etiam extra aulas, qui alios vel ad malum impellere, vel à bono absterrere conantur. Plures inventies in uno Petro Apostolo: Ibat Christus Ierosolymam cum duodecim suis Apostolis, & inter eundum dixit illis: Ecce ascendimus Ierosolymam, & filius hominis tradetur gentibus, & illudetur, & flagellabitur, & conspectur, & occident eum: Petrus hoc audiens, accessit proprius, & ait: Absit a te, Domine, non erit tibi hoc. Sed Christus conversus ad eum, dixit: Vade post me, Satana, scandalum es mihi, non sapientia Dei sunt, sed ea que hominum. Auditus non dicit Christus Petrum similem esse diabolo, sed diabolum, Vade post Satana, quia volebat illici persuadere, & consulere ut non iret Ierosolymam ne pateretur & occideretur: Quamvis Petrus fore, si alium consiliis tuis abstrahere vis à cruce, dæmonium es.

Abierat Christus in solitudinem soli victurus Deo extra omnem hominum tumultum, ibi rigide jejunabat, cubabat in nuda humo, vel capite reclinato in saxum: Quis illum inde abstracturus accessit? diabolus qui volebat ut ex lapidibus conficeret panes. Hoc proprium diaboli est. Quotquot ergo liberis suis pietati deditos, levitatis osores, modestiæ amantes, suadere conantur ut sese liberius effundant in desideria sæcularia ac vanitates, diaboli sunt, quotquot eos avertere conantur à cruce vitæ spiritualis, impedire ne crucem Christi amplectantur, diaboli sunt. Quotquot innocentes seducunt, diaboli sunt, quia officio, quod diabolo proprium est, funguntur. Quid ergo mirum si cum diabolo locum habeant in inferno?

Nota est historia quam narrat D. Hieronymus Epist. 7. ad Latam. Erat Roma nobilis quædam matrona, nomine Pretextata, cuius nepos erat Eustochium Virgo, quæ mutaverat habitum, & ornamenta

mu.



*GENESIM, EXODVM, LEVITICVM, &c.* 607  
muliebria abjecerat, viyebatque Deo per virginitatem dicata in  
domo patrii sui, & amitæ: Sed nec ille, nec illa ferentes tam nobis  
ac juvenis puellæ statum, ac pictatem; inceperunt agere partes  
diaboli. Patrius jussit uxori suæ, ut *Eustochii* habitum nigrum muta-  
ret in splendidam ac pretiosam vestem, neglectum crinem mun-  
dano more componeret atque crisparet, collum gemmis circum-  
daret; sed ecce eadem nocte apparet illi angelus in somnis, & mi-  
natur fore ut moriatur & ad inferna ducatur. Omnia, inquit *Hie-  
ronymus*, evenere: Exiit ex hac vita cum diabolo crucianda, quia dia-  
bolum egerat.

Jam tempus est ut videamus quanta mala orta sint ex con-  
silio quod dederat *Balaam* magus, instigante diabolo, regi *Moabi-  
tarum*, ut per illecebras feminarum, sine armis, superaret filios  
*Israel*.

Morabatur, inquit Scriptura, eo tempore *populus in Sebam*, hoc est, in  
campestribus *Moab*, quando Rex *Moabitarum* *Balac*, ad eos misit ma-  
gnum numerum puellarum quas elegerat ex formosissimis; haec  
secum tulerunt idola sua, & cibos illis immolatos, ut juvenes *Is-  
raelitarum* primo ad illos comedendos invitarent, & deinde ad ipsa  
idola colenda pellicerent: Obtulerunt etiam illis varias delicias, &  
munera.

Vero simile tamen est illas sua pulchritudine, ac specioso ornatu,  
& blanditiis illos pellexisse in sui concupiscentiam: Deinde cum  
viderent eos in sui amorem exardescere, offerebant se ut cum illis  
peccarent, cumque illos per hoc sibi devinetos haberent, pelle-  
runt illos ad comedendum de cibis idolis suis oblatis, & tandem ad  
illis sacrificandum.

Hæc eo ordine narrat Scriptura: Prime, *fornicatus est*, inquit, *popu-  
lus cum filiabus Moab* 2, *vocaverunt eos ad sacrificia sua*. 3, *illi comedderunt*,  
de cibis oblatis. 4, *adoraverunt Deos earum*. Et sic, inquit, David Psalm.  
105: *Initium sunt Beelphægor*, quod erat maximum & præcipuum ido-  
lum *Moabitarum*.

Video in campis *Sebam* innumerum populorum turbam ante tur-  
pissimum idolum procumbentem in genua: Saxo sacrificia offe-  
runtur, & quidem tali quo nihil erat illo magis impurum aspectu;  
sed quinam sunt iū qui illud monstrum adorant? an *Arabes*, vel *Per-  
sa*, vel *Babylonii*, vel alii quidam barbari? quantum ex vestitu collig-  
go, *Israel* est qui sacrificat: *Israel* populus à Deo electus inter cæteras  
omnes

omnes nationes & tot ab illo beneficiis præventus? Pharaonibus & flagris illos à vero Dei cultu abducere sategerat; numquam potuit: Et ecce jam illos provolutos ante idola videmus: Quis hoc potuit? mulieres Moabitides: Vocaverunt illos ad sacrificia sua, & ipsi adoraverunt Deos earum: Flagellis & igne contra illos certaverat Pharaon, istæ non verberibus, sed blandioribus verbis illos aggressæ sunt. Ergo potentiora fuere verba mulierum lenocinantium, quam flagra, compedes, carceres, quandoquidem illis restiterit Israel in Egypto, qui jam verbis succumbit in Setim. Vocaverunt eos & ipsi adoraverunt Deos earum. Nullus hic timor, nullæ minæ, nulla etiam spes: Quid enim timerent à feminis viri? quid poterant sperare victores à debellatis mulierculis? nihil: Sed illæ animos illorum suâ pulchritudine, & ornatu, & lenociniis corruperant, inde secuta est fornicatio, & denique ex fornicatione & luxuria, idololatria: Fornicatus est populus, inquit Scriptura, cum filiis Moab: Quid inde? Vocaverunt eos ad sacrificia sua: Numquid ad hoc horruit Israel? nonne erat Dei populus, qui ob erectum olim vitulum recordabatur ad triginta illorum millia interfecta? & non tremuerunt cum audirent se vocari à mulierculis ad sacrificia idolorum? nihil prorsus: Statim post fornicationem comederunt de cibis idolo oblatis: Et mox adoraverunt Deos earum: Et ne crederes paucorum fuisse tam atrox flagitium, & semel tantum, aut brevi tempore ante idola procubuisse, initatus est, inquit Scriptura, Israel Beelphegor.

O vitiorum voraginem! eo devenit Israel post luxuriam, ut non solum interfuerint sacrificiis Moabitidum, quod solum illæ expetierant, verum comederunt cum illis cibos à Deo prohibitos, & adoraverunt Deos earum, & tanto cum affectu ac pertinaciâ adhæsere idolo ut avelli ab eo non possent, magistrique fierent atque autores novarum superstitionum; ut ait David Psal. 105. Irritaverunt Deum in adinventionibus suis, & multiplicata est in eis ruina.

Stupenda sunt ista, inquiet aliquis. Audi plura. Post fornicationem non paulatim seducti sunt, primum in hortos, deinde in lucos, tum in domos, ut demum, quasi datâ occasione in templo idolorum eos feminæ invitarent, non sacrificaturos, sed spectaculos dumtaxat, non sacrificia, sed aras, & statuas, cæterumque templi ornatum, vestesque mystarum. Nihil horum: Nulla involucra, non paulatim deducuntur ad scelera, sed pleno impetu statim

tim eo currunt. Clara est Scriptura: *Fornicatus est populus cum filiis Moab: Quare vocaverunt eos ad sacrificia sua, at illi comedenterunt; & adoraverunt Deos eorum: Quid planius? quid compendiosius dici potest?* illi fornicantur, mulieres vocant, illi adorant, non coacti, non inviti, non reluctant, non tristes, sed epulantur hilariter, & eo animo mox adorant: In ore dapes, & thura in manu: *Mosabitides enim à fornicariis se impetraturas speraverant idolatriam, & quod speraverant impetrarunt sine illis ambagibus, & sine mora.*

Non tulit Deus diutius tam enorme flagitium, locutus est ergo ad *Moysem* iratus; eique imperavit ut diceret judicibus *Israe*: *Occidat unusquisque proximos suos qui initiai sunt Beelphegor. Quid egisse putatis impudicitiam audita hac mortis sententia? an palluit? an ingemuit? an ejulavit? an inducias postulavit, ut scelus expiare posset? audite, & obstupescite. Et ecce, inquit Scriptura, unus de filiis *Israe*, intravit coram fratribus suis ad scortum Madianitidem, viidente *Moyse*, & omni turba filiorum *Israe*, qui fabant ante fores tabernaculi.*

O impudentiam plusquam palmarem! O flagitium vix universis inferni suppliciis satis plectendum! O cupiditatem ne tunc quidem finiendam, cum jam lata mortis sententia vita finienda est! Spectante omni populo, vidente *Moyse*, imminentे toti populo suppicio, flente turba, unus filiorum *Israe* mancipium impuritatis, lupanar subiit, ut innocentiam tunc maxime violaret, cum jam miserrime erat jugulandus: Quid ergo luxuria non aget inter delicias, si lascivit in morte? quid non aget nullo spectante, quæ vidente ipso *Moyse*, & omni populo ad meretricem abit ut peccet? Hinc patet, quod, si semel arserit cupiditas, ne ipsa quidem morte extinguitur.

Merito hoc scelus tam indigne tulit *Phinees* filius *Eleazari* filii *Aaron* Sacerdotis, ut arrepto pugione, inquit Scriptura, ingressus sit post virum *Israelitem*, in lupanar, & ambos simul virum scilicet ac mulierem perfoderit, & interficerit.

Quo facto, inquit Scriptura, cessavit plaga à filiis *Israe*: *Iam enim occisi erant viginti quatuor millia hominum, & dixit Deus ad Moysem: Phinees filius Eleazari, filii Aaron Sacerdotis, avertit iram meam à filiis *Israe*, quia zelo meo commotus est contra eos. Quare dic ei: Erit tam ipsi quam semini ejus pactum Sacerdotii sempiternum, quia zelatus est pro Deo suo, & expiarvit scelus filiorum *Israe*. Hoc est quod ait David Psal.*

Hh hh

105.

105. Stetit Phinees, & placavit, & cessavit quassatio.

Hic videre potestis quam gratum Deo fuerit illud opus, ut dicat se propterea placatum, pœnasque suspendisse ne reliquos omnes Israëlitas disperderet, & promittat Phinees in familia ejus semper mansurum summum Sacerdotium, quia sicut Deus nullum vitium magis abominatur quam luxuriam præsertim tam impudentem, sic nihil illi gratius est, quam si plectatur.

Præterea, erat ille Israëlita qui peccabat, Zambri filius Salu, inquit Scriptura, dux de cognatione & tribu Simeonis. Porro mulier Madianitis, vocabatur Cozbi filia Sur, principis nobilissimi Madianitarum. Et vir princeps erat, & mulier, uterque ex nobilissimo genere gentis sua. Tanto enorius, quod illi peccarent tam impudenter cum deberent aliis prælucere bono exemplo.

Idecirco mandavit Moysi Deus particulariter, dicens: Tolle cunctos principes populi, & suspende illos contra Solem in patibulis.

Non omnes quidem (quia certum est plures fuisse viros sanctos, ut Phinees, qui non peccaverant) sed eos qui peccaverant vel fornicando cum cæteris, vel dissimulando cum fornicariis, cum deberent illos vel acriter objurgare vel castigare: Illos voluit Deus particulari supplicio affici, & suspendi in patibulis, idque contra solem, hoc est, pleno die, in publica via, in conspectu omnium hominum, ad terrorem.

Ubi Origenes Hom. 20 in Numer. sic ait: Populus peccat, & principes suspenduntur contra solem: Vides quæ sit conditio principum populi, non solum pro propriis plectuntur delictis, sed & pro populi peccatis coguntur reddere rationem. Hæc si cogitarent homines, numquam ambirent populi principatum: Sufficit mihi pro meis propriis argui delictis, quid mihi necesse est, etiam pro peccatis populi castigari? ita Origenes.

Ratio clara est: Quia principes, idem est de omnibus aliis superioribus, vel dissimulant cum subditorum peccatis, vel præcent illis malo exemplo: Si dissimulant, sunt causa cur amplius peccent, si præcent, alios ad peccata trahunt, peccata enim Superiorum multos habent imitatores.

DIS.



## DISCURSUS XI.

Iosue designatur Successor Moysis. Prædict Deus mortem Moysi.  
Moyses moritur.

**P**ostquam noxiorum sanguis effusus est, inquit Scriptura, dixit dominus ad Moysen, & Eleazarum filium Aaron Sacerdotem: Numerate omnem summam filiorum Israel à viginti annis & supra, per domos & cognationes suas, cunctos qui possunt ad bella procedere. Et inventa fuerunt sexcenta millia, & mille septingentis triginta. Inter quos nullus fuit eorum qui ante numerati fuerant à Moysse & Aaron in deserto Sinai: Pre-dixerat enim Dominus quod omnes morerentur in solitudine: Nullusque remansit ex eis nisi Caleb, filius Iephone, & Iosue filius Nun.

Hoc factō apparuit Deus Moysi & dixit: Ascende in montem Abarim, & contemplare inde terram quam datus sum filii Israël, cumque videris eam, ibis & tu ad populum tuum sicut ivit frater tuus Aaron, quia non credidistis mihi quando debebatis virga percutere petram ut inde fluenter aquaē, sed dubitastis an hoc possetis facere, dicentes coram omni populo: Numquid ex hac petra poterimus aquam elicere? cum tamen hoc vobis imperasse, ac promissem me vobis ad-futurum.

Optaverat saepius, & oraverat Deum Moyses ut posset cum cæteris intrare terram promissionis, ejusque voluntatibus frui, sed frustra fuit: Nam cum Deum urgeret, iratus ille noluit illum ex-audire, sed dixit: Nequaquam ultra loquaris de hac re ad me: Non fiet, quia peccasti, sufficiat tibi quod terram istam videoas de longe ex monte Abarim.

Rogo ergo te, inquit Moyses, b Deus spirituum omnis carnis ut provi-deas hominem qui sit super multitudinem hanc, & meo loco populum istum deducat, & regat, ne sit populus Domini sicut oves absque Pastore.

Dixitque Dominus ad eum: Tolle Iosue filium Nun, virum in quo est spiritus. Hoc est, prudentia, pietas, fortitudo, ceteræque virtutes tali Principi necessariae.

Statuit ergo Moyses Iosue coram Eleazaro Sacerdote, & omni multi-tudine populi, & imposuit manus capiti ejus, in signum potestatis quam illi dabant ex parte Dei.

Sed priusquam Moyses moreretur, voluit Deus ut castigaret Madi-

diani-

dianitas, quia ipsi per filias suas, ut audivimus, seduxerant filios *Israël* ad fornicationem & idololatriam: Misericordia sunt ergo duodecim millia pugnatorum duce *Eleazar* Sacerdote, qui occiderunt omnes mares *Madianitas*, & Reges eorum; & *Balaam* magum, qui prima causa fuerat peccati filiorum *Israël*, interfecerunt gladio. Mulieres vero eorum & parvulos ceperunt, omniaque pecora, & jumenta, urbes, & viculos, & castella incenderunt. Reversique sunt ad *Moysen* cum præda, qui cum vidisset captivas mulieres, cur, inquit, *feminas reservasti? nonne istæ sunt que decepserunt filios Israël ad suggestionem Balaam?* ergo omnes interficite, pueras autem, & omnes feminas virgines reservate vobis.

1. Jam currebat quadragesimus annus quo filii *Israël* profecti forent per deserta, & pervenerant ad terminos solitudinis usque ad *Iordanem*, & aliud nihil restabat nisi ut fluvium illum transire, qui desertum dividebat à terra promissionis. Pervenerant autem eò, per quadraginta duas mansiones quibus castrametati fuerunt. Et hic finis profectionis illorum per solitudines.

Operæ pretium erit audire speculations *S. Hieronymi* quibus ostendit illas 42 mansiones per quas *Hebrei* tetenderunt in terram promissionis, significare 42 vias per quas fideles tendunt in celum, adeoque totum illorum iter aliud nihil fuisse quam meram figuram peregrinationis nostræ in solitudine hujus mundi ad patriam cælestem. Longum esset omnes singillatim recensere, alias easque præcipuas feligemus.

Primus locus ubi *Hebrei* egressi *Egypto* figebant tentoria, erat *Ramesse*; hoc est, inquit *Hieronymus*, tonitru gaudii, & significat Apostolos aliosque viros Apostolicos prædicantes ac tonantes, quo conversi sunt ad *Christum* infideles & impii, & egressi ex *Egypto* infidelitatis suæ & peccatorum, & ideo totus mundus gavisus est.

2. Manserunt filii *Israël* in *Socoth*, hoc est dicere *Tabernacula*, & significat nos in hac vita peregrinos esse, & quasi continuo habere in tentoriis quæ de loco transferuntur ad alium: Quia, ut ait *Paulus*: *Non habemus hic manentem civitatem, sed futuram inquirimus.*

Tertius locus erat *Etham*, hoc *Hebraice* significat fortitudinem, quia fortiter in hac vita, omnia ardua, & adversa superanda sunt.

Quartus locus erat *Phihahiroth* quod significat os nobilium, debemus enim os habere tam nobile ac generosum, ut Deum vel maxime inter miseras, calamitates, ac difficultates hujus vitæ laudemus.

*s. Lo.*



5. Locus erat *Mara*, hoc significat amaritudinem, ubi inveniebant aquas amaras, quia debemus & amaris lacrymis & amaro animo deflere nostra peccata.

6. Locus erat *Elim* quod significat arietes, quos Deus sibi volebat offerri ut præcipua sacrificia in holocaustum, & nos debemus quotidie Sacrificia Deo offerre præcipue nostrorum sensuum ac Passiōnum quæ nos impetunt quasi cornibus suis ut arietes.

7. Locus erat ad *Mare rubrum*, per quod filii *Israēl* sicco pede transibant, & liberabantur à *Pharaone* illos inseque; sic & nos in hoc mundo transire oportet per multas tribulationes in Regnum à quibus liberamur per sanguinem *Christi*, & à diabolo qui nos ubique persequitur.

8. Locus erat desertum *Sin*, hoc significat *Odium*, quia oportet nos odium multorum incurrere, præsertim dum virtuti nos damus, qui enim, inquit *Pauſius*, *pie volunt vivere in Christo*, *persecutionem patientur*.

9. Locus erat *Daphne* hoc est, *pulsatio*: Pulsare enim nos oportet per orationem, juxta illud quod ait *Christus*: *Pulsate & aperiatur vobis*.

Postea venerunt in *Rapbidim*, quod significat dissolutionem fortiū, ibi enim ceciderunt, & disperserunt *Amalecitas*: Quia totis viribus nos pugnare oportet contra diabolum, ut illum supereimus, & frangamus fortitudinem ejus.

Hinc venerunt ad montem *Sinai*, quod *rubum* significat, in quo Deus apparuit *Moysi* eumque solatus est, ut ostenderet non esse nobis despondendum animum, dum per spinas hujus mundi incedimus, fore enim ut nobis non desint divina solatia.

Postquam autem pertransiſſent *Haseroth*, *Rethma*, *Remmon Phares*, & *Lebna*, pervenerunt in *Ressa*, quod significat frānum, nisi enim peccatoribus iniiciatur frānum timoris Domini, & poenarum inferni, currunt sicut effrænes & indomiti equi ad omne genus iniquitatis.

Deinde venerunt in *Methca*, hoc est, *dulcedo*, illa videlicet de qua David ait *Psa. 30*. *Quam magna multitudo dulcedinis tue Domine, quam abcondisti timeniibus te!* & illa quam experimur in cœlesti illo cibo corporis *Christi*, de quo dicit *Salomon*, quod *habeat omne delectandum suavitatis*.

Inde abierunt in *Hesmona*, hoc est, *festinatio*: Quia non debemus  
Hhh 3 h̄c

hic hærere in via, ut oblectemus nos saeculi vanitatibus ac voluptatibus, sed festinandum & currendum est, inquit Paulus, festinemus ingredi in istam requiem, sic currite ut comprehendatis, ne tardie progredientes, & serius venientes portas caeli clausas inviamus.

Venerunt etiam in Selmona, quod significat sanctitatem, vel umbram, quia sancti esse debemus in hac vita, & omnia quae sunt in mundo non pluris facere quam umbram. Hinc toties clamat Scriptura: Sancti esse, quia nihil coquinatum intrabit in regnum celorum, & apud Salomonem clamant mundi amatores, cum jam essent in inferno: Transferunt haec omnia tanquam umbra.

Denique ne longiori super hoc discursu vos detineam, concludo tractatum hunc in librum Numerorum, cum morte Moysis, quae narratur in libro Deuteronomii cap. ultimo.

Jam Moyses cum omni populo venerat ad montem Abarim, qui alio etiam nomine vocatur Nebo, non longe distans a Jordane, unde conspicere poterat terra promissionis.

Dixit illi Deus: ascende in montem istum, ibi enim morieris. Et ascendit Moyses, inquit Scriptura, supra montem Nebo, in verticem Phasga, contra Iericho: Ostenditque ei Dominus omnem terram; & summa cum animi voluptate, & oculorum oblectamento, intuebatur Moyses, subjectas amoenissimas valles & montes, & agros foecundos, uberrimas vineas, civitates munitas, Denique, ut si pius illi dixerat Deus, terram quasi lacte & melle manantem: Dixitque Deus: Hec est terra pro qua juravi, Abraham, Isaac, & Jacob, dicens: Semini tuo dabo eam: Vidisti eam oculis tuis, sed non intrabis ad illam.

Hic petit Petrus Cellensis lib. de panibus cap. 12: Nolebas, inquit, Domine, illum introducere in terram illam desiderabilem, quare ergo ostendebas quod non dabas? quasi enim puer porrigis pomum, & retrahis manum: Non tam fortiter doleret, si non videret, crescit enim aviditas ex visione: Tormenti genus est amare, & non posse potiri.

Ad hoc ego respondeo: Voluit Deus illi ostendere ubertatem, pulchritudinem, fæcunditatem, & amœnitatem terræ promissionis in mundo, ut jam abituro ad terram promissionis in altera vita, accenderet desiderium illius, & cogitaret: Si tanta est pulchritudo regionis terrestris, quanta erit pulchritudo regionis cœlestis!

Nam



Nam ut recte ait D. Gregorius Hom. 37 in Euang. Si consideremus quæ & qualia sunt quæ nobis promittuntur in cælis, viles sunt animo omnia quæ habentur in terris: Numquid hoc expertus est S. Ignatius, quando cælum aspiciens, clamabat: *Quam sordet mibi terra dum celum aspicio?* temporalis enim vita, inquit Gregorius, æternæ vitæ comparata, mors est potius dicenda quam vita: Ipse enim quotidianus defectus corruptionis quid est aliud quam quædam prolixitas mortis? quæ autem lingua dicere, vel quis intellectus capere sufficit illa supernæ civitatis quanta sint gaudia, ad hæc audita inardescit animus, jamque illic cupit assistere, ubi se spe at fine fine gaudere.

Sic volebat Deus Moysis animum per conspectum terræ promissionis, ascendere ad desiderium cæli.

Sed quare noluit illum istam terram intrare, dicens: *Vidi isti illam oculis tuis, sed non transibis ad illam.*

Respondeo quod Deus hoc fecerit in pœnam peccati quod commiserat Moyses, quando illi mandatum erat ut eliceret aquam de petra: Hanc rationem ipse met Deus dixerat Moysi. Tu, inquit, & Aaron, frater tuus prævaricati estis contra me in medio filiorum Israël, quando dixistis ad illos: *Num de petra hac vobis aquam poterimus ejicere,* dubitantes de potentia mea? idcirco non intrabis terram promissionis, sed morieris in monte Nebo, sicut & frater tuus mortuus est in monte Hor.

Ergone, inquires, tam graviter Moyses dubitando peccaverat? Nequaquam: Sed constat ex Scripturis, Deum amicos suos graviter non semel punivisse ob leves errores: Audiamus Hieronymum ep. 8 Invenimus, inquit, Dei amicos, ob unius contemptus errorem, bonorum retrofectorum munificentiam perdidisse. Sic Adam cum diabolo facile credidit seducenti, post familiaritatem & colloquium Dei, unius pomi cupiditate superatus, perdidit paradisum. Uxor Loti, post angelorum obsequia, quia contra interdictum retro respiciens in figmentum salis repente mutata est. Infelicissimus Iudas, post electionis meritum, post signorum gloriam, post Apostolicam dignitatem, exiguae stipis amore deceptus, cui tribunal promittebatur in cælis, laqueo captus fuit in terra. Videmus Ananiam & Sapphiram, non de alienæ pecuniæ appetitu, sed de sua timide erogata, morte punitos. Soror Moysis, Maria, mulier magna, & quæ capax erat multa regna regendi, propter unum verbum

mus-

murmurationis à capite ad calcem lepra perfunditur. Sic ergo Moyses & Aaron, magni Dei amici, quibus tot favores præstiterat Deus, quos toties exaudiebat, propter unum peccatum, quod juxta opinionem multorum non erat nisi veniale, & tam parvum ut vix discerni posset ubi lateret ejus malitia, privati fuerunt terræ promissionis tam diu expertæ deliciis. Ex quo concludit Hieronymus, si Deus sic agit cum amicis suis propter unum leve peccatum, quid faciet cum inimicis suis qui quotidie multa graviora peccata committunt?

Jam Moyses ascenderat montem Nebo, & ut refert Josephus Historicus lib. 4. Antiquit. cap. ultim. securi illum fuerant Senatus, Pontifex Eleazarus, & Imperator Iosue, cumque post mutuos amplexus, Eleazarus ac Iosue ultimum valediceret, inter loquendum repentina nube circumdatus, in vallem quandam est ablatus: In sacris autem voluminibus scripsit se mortuum, veritus ne propter excellentem ejus virtutem, à Deo raptum prædicarent.

Fabula hæc Iudaica est quam Josephus, confinxit. Quales etiam plures Christiani Scriptores de morte ejus finixerent.

Quidam enim putarunt illum necdum esse mortuum, sed translatum, ut redeat in fine mundi cum Elia & Enoch contra Antichristum. Alii vero putarunt illum esse mortuum, sed statim resurrexisse, & vivere in paradyso. Alii mortuum esse affirmant, sed resurrexisse in Christi transfiguratione quando supra montem Thabor, apparebat ad latus Christi ex una parte, cum Elia ex altera.

Fabulæ, quæ paucis verbis refutat ipsa Scriptura, cum dicit: Mortuus est Moyses servus Domini, supra montem Nebo, in terra Moab, & sepelivit eum Deus: Ecce, non tantum mortuus dicitur, sed etiam sepultus, de resurrectiope vero ipsius ne verbum quidem in tota Scriptura.

*Mors Sanctorum.* Expendamus singula verba: Mortuus est Moyses servus Domini, bente Domino, mortuus est. Mors illa, somnus fuit, talis enim est mors justorum: In vita vigilant, & laborant, in morte dormiunt. Sic dicebat Christus Ioan. cap. 11: Lazarus amicus noster dormit: Ergo amicus Christi, dum moritur, dormit, in die judicii à somno excitabitur corpus dormiens; ideo dicebat Christus: Vado ut Lazarum à somno excitem. Sic etiam de S. Stephano dicitur: Obdormivit in Domino.

Propterea etiam mors justorum à Scriptura, quies vocatur: Sic enim

enim ait Iohannes Apocalyp. cap. 13. Amodo jam dicit spiritus ut requiescant à laboribus suis, opera enim illorum sequuntur illos. Postquam multos magnosque labores subiverint pro Deo in hac vita, plurima passi fuerint, à morte quiescent. Et tanto magis quiescent, quod videant sua bona opera illos sequentia, tunc enim securi sunt quando vident se ne minimum quid perdidisse ex laboribus suis. Contrariū fit in peccatoribus: Sic enim ait Augustinus Lib. Quinquag. Homiliar. Hom. 42 cap. 8. Homines id propter quod peccant, hic dimittunt, sed ipsa peccata secum portant. Quae & qualis potest esse illis hominibus quos peccata comitantur ad æternitatē? tot enim comites videt, quot commisere peccata quibus hostes Dei effecti sunt. Peccas ergo propter pecuniam, hic dimittenda est: Peccas propter voluptates, hic dimittendæ sunt, sed ipsa peccata tecum portabis.

Ideo D. Ambrosius Lib. de bono Mort. cap. 8, sicuti mortem justorum vocat portum quietis, ita mortem impiorum vocat naufragium, sicuti enim in naufragio omnia amittuntur, quae vectores magno labore comparaverant: Sic in morte omnia relinquuntur quae homo moriens multo sudore collegerat. Justi vero metent in morte quae in hac vita seminarunt, seminarunt, inquit David, in lachrymis, in laboribus, in vigiliis, jejuniiis, sed in morte portabunt manipulos operum suorum in humeris suis cum lætitia, & vehent illos in horrea cæli, sic mortuus est Moyses.

2. Addit Scriptura: Mortuus est servus Domini: Memini me semel rem hanc attigisse sed breviter, ja paulo latius hoc explanabo Titulus ergo sepulchri Moysis legislatoris & ducis Hebreorum non alias fuit quam servus Domini, illis titulis longe nobilior, quos sepulchris antiquorum mortalium superbia inscribit, incredibili ambitionis portento. Quis enim crederet nationē hominum inter cineres superbiā spargere, ac serere, seris nepotibus rasciturā? Vivit in sepulchris ambitio. Hinc ampli illi tituli: Hinc tantus dignitatum catalogus, hinc honorū insignia mortuorum lapidibus insculpta, ut vel in tumulo non mortalitatē, sed fastum haurire cogamur, qui sepulchra curiosius intuemur. Itane vero ultra arenam cineremq; mortis vite furit ambitio nec ipso vitæ confinio coerceri valet insania vanitatis? Quam nobilior inscriptio illa sepulchri Moysis: Mortuus est Moyses servus Domini! Poterat & splendida nomina insculpi lapidi ejus sepulchrali: Potuisset inscribi: Mortuus est Moyses, Deus Pharaonis, dux populi, Salvator Hebreorum, legislator tribuum, Dei interpres:

Iiii

Poterat

Poterat inscribi bifariam ab eo pelagus dispartitum, familiariter & facie ad faciem egisse cum Deo inter ignes & nubes, & tontrua mortis *Sinai*, devictos reges, aquas è petra extractas, æneum vitulum contritum, serpentem æneum erectum, & innumera alia; sed hisce omnibus prætermisss, maluerunt Dei servū dicere quam Deum *Pharaonis*. Et jure quidem optimo; nam reliquorum nominum pompa, si cum titulo Servi Domini conferantur evanescit, penitusque dissolvitur. Hinc fit, ut, quia titulum illum multorum sepulchris inscribere non possumus, inania nomina mutuemur à superbia mundi, quæ mortuos magis arguunt vanitatis, quam à virtute commendant. Optandum foret ut omnibus sepulchris insculpi posset: *Mortuus est*, vel, hic jacet sepultus, *servus Domini*. Verum, ut ait *Ambrosius*, non omnes speciocissimum illum titulum usurpare possunt, nec dicere Deo cum *Davide*: *Servus tuus es sum*. Ille hoc tantum potest, qui Deo servit, & in Domino moritur, sicut mortuus est *Moyses*. Non debet scribi servus Dei in morte, qui in Domino non moritur. Solus ille titulus *Servus Domini*, pluris valet, quam omnia illa magna & vana nomina mundi: *Gaudete*, inquebat *Christus* Apostolis, *quia nomina vestra scripta sunt in celis*; quæ nomina? forte, ducis, vel regis, vel principis, vel consulis, vel nobilis, vel divitis? ista nomina, inquit *David*, in terra scribuntur, in celis nulla alia nomina nota sunt nisi Apostoli, Martyris, Virginis, Confessoris, Denique sancti, & servi Dei. Ergo qui nomen illud meretur, omnia habet reliqua enim insignia, titulosque universos mors demetit sua falce, in hunc vero titulu, *Servus Domini*, potestatem non habet, ideoque post mortem etiam manet, & mortuum sequitur, scribendus in celis, & merito etiam in lapide sepulchrali, quia qui tota vita *Servus Domini* vixit, etiam manet post mortem, qui vero vixit princeps vel rex, vel dives, vel alijs dignitatibus auctoritas omnia ista deponit in morte, ideoque non aliud scribi potest illorum monumétis, quam fuit dives, fuit princeps, fuit ex tali prosapia: Fuisse nihil est, ergo omnia ista vana sunt nomina quia ja perire in morte, *Servus autem Domini* hoc manet in æternū.

3. Dicit Scriptura de morte *Moysis*: *Mortuus est jubente Domino*. Ergo ex obedientia, sanus erat & vegetus, non ægrotabat, nulla erant prævia mortis signa, solo Dei iussu mortuus est. Arduum erat imperium illud, ante faciem, & in conspectu terræ lacte & melle manantis morieum, qui populum eo usque deduxerat ex

Ægypto,



*Egypto*, quodque difficultius morte est, mori ut reum in poenam incredulitatis. Quare plus miror *Moysen* latet ac lubenti animo mortuum, quamvis excluderetur terra promissionis, quam tanta cum gloria liberantem populum ex *Egypto*: Sic mori, sic obedire Domino, titulum servi Dei meretur.

Omnis quidem homines moriuntur *jubente Domino*, ipse enim, inquit *Ioannes* in *Apocalypsi* habet claves vita & mortis, nemo ergo ex hoc carcere corporis solvit, nisi ipse aperiat, sed non omnes moriuntur ex obedientia sicut *Moyses*, non omnes tam prompto animo, nec tam hilari vultus sic ut ille, sed plurimi reluctantur imperio ac voluntati divinae. Hic exclamat cum *Agag* rege *Amaralistarum*: *Siccine separas amara mors?* Ille ut, inquit *Salomon*, exclamat: *Omors quam amara est memoria tua homini pacem habenti in substantiis suis!* Ille clamat cum rege *Ezechia*: *Sic repente precipitas me* vix incipio vivere, & debo mori? Ille tam affixus est bonis terrenis ut non possit avelli; ille dolet quod infecta cogatur relinquere sua negotia quae jam disposuerat. Omnes ergo morimur *jubente Domino*, sed non omnes tam libenter ut *Moyses*, ideo non omnes merentur gloriosum illud nomen *Servi Domini*: Servus enim Dei semper paratus omni Dei imperio, ac voluntati obtemperare, sive illum velit vivere sive mori: Sive enim, inquit *Paulus*, Deo vivimus, sive morimur, morimur Deo.

Scriptura prosequitur: Deus, inquit, sepelivit *Moysen* in valle terra Moab, & non cognovit homo sepulchrum ejus usque in presentem diem.

Hinc patet quod sicut *S. Catharina* corpus sepultum fuerit manibus angelorum in monte *Sinai*, sic etiam corpus *Moysis* in valle *Moab*. Confirmat hoc *S. Thaddaeus* Apostolus in Epistola sua, dicens: *Cum Michael Archangelus cum diabolo disputans, alteraretur de Moysi corpore, non est ausus judicium inferre blasphemiam; sed dixit: Imperet tibi Dominus.*

Quae verba *Oecumenius* sic exponit: Dicitur *Michael* ministerium præbuuisse in sepeliendo *Moysen*, id non ferebat diabolus, sed accusationem adferebat *Moysen* indignum esse sepultura, eo quod occidisset *Egyptium*, eumque sepelisset in sabulo, & propterea non permettebat ut honorificam consequeretur sepulturam, cum autem in hac controversia *Michael* haberet occasionem ut diabolo male dicaret propter ejus impudentiam, non id fecit, sed i danum in

eum intulit: Imperet tibi Deus. Atque ita Michael, cum aliis angelis Moysis corpus, nemine hominum praesente, sepelivit.

Propterea addit Scriptura: Non cognovit homo sepulchrum ejus usque in presentem diem.

Rationes adferunt Patres: 1. S. Epiphanius Heresi 9. Decebat, inquit, in honorem tanti viri, ut non ab hominibus, sed ab angelis sepelitur loco hominibus incognito.

2. D. Augustinus lib. 1. de mirabilib. Scriptur. cap. 36: Occultavit, inquit, Deus sepulchrum Moysis, ne populus Israel, si cognovisset ubi esset sepultus, eum adorasset velut aliquid divinum, ute poteret dum & legislatorem suum qui tot miracula fecerat, & tam familiariter egisset toties cum Deo. Erant enim tunc Iudei valde proclives ad idololatriam, nam postea etiam serpentem æneum quem Moyses crexerat, adoravere, & paulo ante adoraverant Deos Moabitarum.

Et hanc puto præcipuam causam fuisse altercationis Michaelis Archangeli cum diabolo, quod diabolus vellet corpus & sepulchrum Moysis notum esse Iudeis; Michael vero nollebat, ne daretur illis occasio idololatriæ.

Sic & S. Antonius, ut Athanasius refert, moriturus discipulis suis mandavit, dicens: Nullus ad Aegyptum meas ferat reliquias, ne vano corpore honore servetur, & vani ritus circa me exhibeantur. Hujus enim gratia maxime huc sum regressus, ut nemo præter vos locum tumuli mei noverit. Confido in Domino, quia necessario resurrectionis tempore hoc corpusculum resurget incorruptum. Discipuli ergo involutum, ut præceperat, corpus humo operuerunt, & nemo interim usque ad hunc diem, præter eos, novit ubi conditum sit. Ita Athanasius.

Existimat Nihilominus tamen Cajetanus hoc loco, quod sicut Ioseph, Eleazarus, etiam alii principes cum Moyse ascenderunt in montem Nebo, ejusque morti interfuerent. Ita illis spectantibus corpus defuncti Moysis per aerem ab angelis vectum in vallem Moab, sed determinatum vallis locum in quo illum sepeliebant, non potuisse discernere, nec certo notare.

Hinc progreditur Scriptura ut narret, quam vegetus esset Moses, in extrema senectute, erat enim 120 annorum, cum moreretur. Non caligavit, inquit, oculus ejus, nec dentes illius moti sunt.

Dies annorum nostrorum, inquit David Psalm. 89, Septuaginta anni,

si autem in potentatibus, octoginta anni, & amplius eorum labor & dolor. Moyses vero cum esset 120 annorum, quod tanquam mirum narrat Scriptura, tam robustus ac vegetus erat, ut nec oculi ejus cavigarent, nec unum dentem, quod in senibus minoris aetatis rarum est, amisisset. Unde putamus tantum illi vigorem, & vires in tanta senectute fuisse?

Censet Abulensis provenisse ex familiaritate, & poene quotidiana praesentia Dei, & quia moratus & collectus fuerat cum Deo bis per quadraginta dies in monte Sinai, quantas autem inde vires hauriret, patet ex eo quod toto illo tempore nihil comederit, nec biberit sola Dei praesentia sustentatus. Sic Deus variis Scripturæ locis promittit multos annos, & longitudinem vitæ servientibus sibi.

Sic D. Hieronymus Epist. 21, ad Paulum Concordensem, putat hoc donum Dei in sanctissimo quodam sene provenisse ex assidua meditatione futuræ beatitudinis, sic enim loquitur: Ecce, inquit, jam centenus aetatis circulus volvitur, & tu semper præcepta Domini servans, futuræ beatitudinem vitæ per praesentia exempla meditaris. Oculi puro lumine vigent, pedes imprimunt certa vestigia, auditus penetrabilis, dentes candidi, vox sonora, corpus solidum & succi plenum: Non memoriae tenacitatem, ut in plurisque cernimus, antiquior senecta dissolvit, non contractam rugis faciem arata frons exasperat: Non denique tremula manus per curvos ceræ tramites errantem stylum dicit. Futuræ nobis resurrectionis viorem in te Dominus ostendit, ut peccati sciamus esse, quod cæteri adhuc viventes præmoriuntur adhuc in carne, iustitiæ, quod tu adolescentiam in extrema aetate mentiris.

Hoc ipsum videtur velle probare Scriptura, cum ait seniorem Tobiam mortuum esse in aetate centum duorum annorum: Laudat aetatem, ut extollat ejus virtutes. I ejus eleemosynas: Quotidie enim, inquit Scriptura, pergebat per omnem cognitionem suam, & consolabatur eos, dividebatque unicuique prout poterat, de facultatibus suis. Ad eoque, inquit Ecclesiasticus cap. 29, conclude eleemosynam in corde pauperis, & hac pro te exorabit ab omni malo: Super scutum potentis, & lanceam, adversus inimicum tuum pugnabit.

2 Ejus magnanimitatem in adversis: Dicit enim Scriptura: Non est christatus contra Deum quod plaga cæcitatibus evenerit ei, sed

*immobilis in Dei timore permanxit, agens gratias Deo omnibus dictis vita  
fue Nihil autem est quod magis abbreviet vitam hominis quam tristitia:*

*Multos, inquit Ecclesiasticus cap. 30, occidit tristitia.*  
 3 Scriptura vult ostendere quod *Tobias*, tamdiu vixerit, quia evenitus ad summam felicitatem, nulla ratione passus sit se a reto virtutis tramite retrahiri propter temporalia bona, cum plerumque soleant homines in statu florenti non proficere, sed deficere, genioque indulgere, atque ita vires suas debilitare: Sic, inquit, *Seneca Epist. 39*, Segetem nimia sternit ubertas, sic rami onere franguntur, ita poma cum maturrima sunt, putrescent, flores cum plenissimi, marcescent: Sol cum in meridie altissimus est, statim ad occasum declinat: Ita quoque, inquit *Seneca*, animis evenit quos immoderata felicitas rumpit.

4 Meminit Scriptura longioris vitae *Tobiae*, quod semper tam sobrius vixerit. *Qui enim sobrius est, inquit Ecclesiasticus, adjicit vitam.* In hanc rem facit quod narrat *Serrarius noster cap. 14 in Ioseph*: Cum, inquit, ante annos quatuor vel quinque venisset ad Coenobium *Senonense*, vocavit ad se ejus loci Abbas à pago longius distante, rusticum quandam supra centum annos natum, venit ille pedes, & adhibitus convivio, ubi vidit tantam ciborum copiam, cœpit aliquid inter dentes suos musitare. Abbas hoc audiens, rogavit eum quid diceret, & an aliquid ei deesset? Respondit senex, hoc est quod dico: Si tantam talemque mensam semper habuisssem, tamdiu non vixisse. Volebat dicere quod tamdiu vixerim sobrietati meæ adscribo. Omnia hæc paucis verbis complectitur David Psalm. 90: *Quoniam, inquit, in me speravit, & cognovit nomen meum, longitudine dierum replebo eum.*

*Morimur  
omnes.*

Denique mortuus est *Moyses*: Et nos omnes morimur, & quod hic dicitur de *Moysi*, hoc aliquando de nobis omnibus dicetur, mortuus est: *Statutum enim est*, inquit *Apostolus Paulus Hebr. cap. 9, omnibus hominibus semel mori*, & hæc sententia à Deo lata, est irrevocabilis, & immutabilis, sicut mors ipsa est irreparabilis; idcirco comparat illam Scriptura lib. 2 Reg. cap. 14, aquis quæ labuntur in terram, & non revertuntur: Duo sunt quæ numquam reparari possunt, virginitas amissa, & vita. Virginitas tamen si cadat, etiamsi amplius stare non possit, potest tamen, rigide postea castitatem servando eo usque adrepere ut virginibus comparetur, sicut *Magdalena* illis comparatur à Patribus, sed mors ubi semel vitam eripuit



putit, hominemque misit ad æternitatem finis est comædiæ, corty-  
næ deponuntur, theatrum solvit, omnis apparatus aufertur, in  
æternum non restituendus. In quovis certamine restaurari, & re-  
parari victoria potest, in congressu cum morte, numquam.

Cæteræ omnes arbores si vulnerentur possunt restitui, sola cu-  
pressus, si putetur, pro semper arescit: Ita hominis vita, si recidatur,  
numquam regerminat. Ideo vociferabatur Job cum luctu Cap. 10, in-  
quiens: *Dimitte ergo me ut plangam paululum dolorem meum antequam  
vadam, & non revertar ad terram tenebrosam, & opertam mortis caligine.*  
Grandis terror uno jaëtu de aëre æternitatis agere: Neque solum  
propterea mors formidanda, quod semel tantum hominem supe-  
ret, & numquam ille vires suas posset resumere ut iterum pugnet,  
sed quia improvisa advenit, nec ullam ætatem, nec locum, nec con-  
ditionem reveretur.

Hinc Ieremias, sic lamentatur Cap. 9. *Quis dabit capiti meo aquam, &  
oculis meis fontem lacrymarum? & plorabo die ac nocte interfectos populi  
mei.* Et quare tantus luctus ob mortuos? Quia, inquit, *ascendit mors  
per fenestras nostras:* Hoc deplorandum quod mors non per ostium,  
sed per fenestras irrumpt. Quod intrat per ostium apertum in do-  
mum tuam hoc omnibus facile patet, quod vero per fenestras fur-  
tive, in domo est antequam scias: Hoc ergo tantopere deplorandum  
Ieremias putat, quod mors tam furtive veniat ut videre non possis,  
nisi quando jam irruit in corpus tuum, & in te imparatum. *Quis igitur  
non reformidet, quando agitur de clade animæ quæ numquam  
restitui potest?* Vivendum ergo sicut mori optamus: Mortuus est  
Moyse, servus Dei, quia talis fuerat in vita, quisquis igitur vult talis  
esse in morte ut Moyse, sit talis in vita. Amen. FIAT FIAT.

F I N I S.

INDEX